

PELAJUM

SIVE

SCEPTRUM HISPANIENSE

DIVINITUS SERVATUM

CUM

IDEM REGENDUM SUSCIPERET

POTENTISSIMUS REX

CAROLUS IV. BORBONIUS

CANEBAT


ONUPHRIUS PRAT DE SABA SAC. HISP.




FERRARIÆ



EX TYPOGRAPHIA FRANCISCI POMATELLI MDCCLXXXIX.
SUPERIORUM PERMISSU.



PRÆFATIO



MAurorum in Hispaniam irruptio, ex qua toti Australi Europæ tantæ deinde strages consecutæ sunt, et ipsa per sese est historicis argumentum amplissimum, et tot clarissimarum rerum bello gestarum semen fuit, ut Hispaniensis gloriæ pars maxima per plura sæcula ab eo, alias funestissimo, principio repetenda sit; tantaque eadem appareat, ut difficile mihi videatur, fuisse gentem ullam omnibus retroactis sæculis, quæ bellorum diuturnitate, præliorum multitudine, ac magnitudine, victoriarum celebritate possit cum Hispaniensi conferri. Quod temere a me, vel audacter dictum is dumtaxat existimabit, qui nescierit, excipere coactos fuisse Hispanos, gremio alere, dominos revereri per septem prope sæcula homines moribus turpissimos, superstitione fœdissimos, christiano nomini insensissimos, quique in rebus bellicis furorem, crudelitatem, immanitatem inter primas militaris disciplinæ regulas reponerent: tantaque multitudine cis, transque internum mare abundarent, ut nulla hydra feracior visa sit. Id certe nulli, quod sciam, contigit nationi. Huic vero gravissimo malo cum adsuescere numquam, vel adquiescere gens po-



tuerit , natura , indole , quodque caput est , Religione Arabibus , si quæ usquam alia , adversa ; inde bella , et pugnae assiduæ utrimque totis viribus susceptæ , in quibus militaris Hispaniensium virtus mirifice emicuit , et , quod propius ad argumentum nostrum accedit , in iisdem manifeste ostensum est , tot malorum alluvionem ad gentis correptionem , non ad ejusdem exitium fuisse a Deo immissam .

Neque id dubitare licebit cuiquam perpendenti ; quo pacto , tota peninsula Afrorum armis occupata , atque oppressa , constiterit regium Sceptrum ; et parva virorum manus , quibus contigit solam vitam tueri ab victricibus hostium armis ubique dominantium , horum impetus sustinuerit , fregerit vires , deque ipsis victoribus triumpharit .

Id mecum sæpe cum cogitasset , existimassetque Deo gratum ejus beneficiorum memoriam recordari ; gentique meæ gloriosum , majorum nostrorum conatus , suscepta pro religione prælia , victoriasque celebrare , quo ardentius ad omnem virtutem sectandam accenderemur , divinumque auxilium difficillimis temporibus nobis firmiter polliceremur ; tandem superiori æstate otium ruri nactus , aggressus sum hocce argumentum persequi carminibus quantum exiguæ , infirmæque vires paterentur .

Cum-

Cumque Dei-Parentis beneficio, eoque manifestissimo, factum sit, ut Regnum Hispaniense ab certissimo exitio salvum in Religiosissimo Principe Pelajo constiterit, ab eoque novissimis hŕŕce diebus ad Potentissimum ejusdem sanguinis Regem nostrum CAROLUM QUARTUM pervenerit; agendis beneficentissimæ Matri gratiis infirmos conatus nostros destinavimus, Eam votis omnibus obsecrantes, ut Regem ipsum de universis Hispaniensibus regnis benemerentissimum, Reginam Optimam cum Principibus Charissimis ad populorum omnium felicitatem absolutissimam præcipuo patrocinio tueatur, atque ita defendat, ut amplissimorum regnorum diuturna, et gloriosa administratio futuri, atque immortalis regni certissimum pignus habeatur.

Divino auxilio freti speramus haud multo post dare *Ramirum, sive Hispaniam ab infami tributo liberatam.*



LIBER PRIMUS.



A R G U M E N T U M.

Ulturus gnarum Iulianus Mautica contra
 Excitat Hesperiam crudelis castra. Per undas
 Dum fertur Classia, questus ad sydera tollit
 Cum gemitu stupefacta Parens Hispania : firmat
 Ætherea delapsa plaga vox certa, timores,
 Et plangtus prohibens ; addit promissa, minantes
 Quæ strages longe superant. Inde impia Classis
 Littus ad Herculeum remis, ventisque propinquat.



MAurorum stratas acies, Sceptrumque supremo
 Hispanum excidio saluum sub Principe, tanti
 Gloria quem facti merito immortalis honore
 Nobilitat, canere incipiam. Tu, Virgo, Parensque
 Visa mihi in somnis inter confinia noctis,
 Auroræque, caput bis senis cincta refulgens
 Syderibus, mediæ pedibus prosternere lunæ
 Cornua, serpentisque caput furiale venenis
 Fœcundum nitido victrix contundere calce,
 10 Virg inco Solem gremio complexa rubentem,

Divinique decus referens in fronte vigoris
 Cunctantem roseo ad carmen sermone movere,
 Exhortansque, darem ventis ut vela secundis
 Exiguæ cymbæ, surgentes æquoris iras,
 Nec vastos contra fluctus, motusque timerem;
 Tu propior j.m, Diva, veni: tua munera dicam,
 Et quæ impurus amor dudum Tibi, Candida Virgo,
 Eripere, æterna et voluit sub nocte sepulta,
 Regna sacris aris iterum sistentur, ab hoste
 20 Auspiciis, Regina, tuis, nutuque recepta. (a)
 Borboniæ Gentis decus ingens, CAROLE Quarte,
 Im-

(a) Hispaniensium erga B. V. Mariam studium singulare minime dubitamus profectum ex præcipuis beneficiis, quibus gentem nostram B. V. prosecuta est. Horum extant passim in hisce omnibus regnis, provinciis, urbibus, pagis etiam vetustissima monumenta, ac frequentissima, quæ utrumque attestantur, et Dei Parentis erga Hispanienses præcipuam dilectionem, et horum erga B. V. gratum animum. Omnia complexus est dudum CAROLUS Tertius Borbonius Hispaniarum Rex, cum regna per quatuor terrarum orbis partes extensa Magnæ Regina dicavit omnia, Eamdemque Pontificio, ac Regio decreto absolutam Patronam haberi, atque coli imperavit.

Imperio cujus gentes, et sceptrâ reguntur
 Quinque plagis subjacta, quibus describitur orbis
 Integer, et penitus queis sol non occidit, inter
 Tot regni curas, si quæ via libera musis,
 Siqua brevis menti dulcis datur hora quietis,
 Auribus insinuent nostri sine murmura plebri
 Magnanimum Heroum, veterumquoque facta Parentum,
 Quæ nec longæ dies nec longa abolere vetustas
 30 Ulla queat. Ferret magno, Tibi, corde, vigetque
 Sanguis adhuc Gothicus, bis septem sæcula postquam (b)
 Cla-

(b) Ita profecto ab omnibus tenendum existimamus;
 sive in Ramiro I. a quo deinde ad nostros Reges propa-
 gatus, Pelaji regius sanguis perseveraverit; sive iste cum
 Alphonso, qui Castus cognominatus est, extinctus fuerit.
 Qui enim hocce secundum existimarunt, originem traxis-
 se dixerunt Ramirum ab Veremundo fratre Alphonfi
 Catholici, qui nihil ad Pelajum, nisi quod hujus filiam
 Hermesendam duxerat, plurimum vero ad regium Gottho-
 rum sanguinem; cum e familia Leovigildi esset per Rec-
 caredum Regem. At nobis cum magni nominis recentiori-
 bus placet, et Gotthorum, et Pelaji etiam sanguinem per
 Ramirum in regibus nostris perseverare, contra ac alii
 exteri, et nostrates etiam censuerunt, tracti proculdubio
 ab

Claruit his terris, nulli quæ gloria regno (c)
 Contigit Europæ, quam perdere funditus olim,
 In quam barbaricæ conjuravere cohortes
 Innumeræ, delævit atrox vis omnis, et ira
 Immanis Ditis; partus sed ab hoste triumphus
 Reddidit illustrem terris magis omnibus illam.

Hic-

ab errore perquam facili in implicatissimis genealogiis deducendis, quas eorundem nominum iteratio multo reddit implicatiores. Nobis itaque Ramirus filius fuit Fruela fratris Alphonfi Casti, quorum Pater est Fruela I. rex, Hermesendæ, et Alphonfi Catholici filius.

(c) Gothi ab Scandinavia peninsula, Norvegiæ, ac Sueciæ regna continente profecti in Scythiam ad Littora Euxini Ponti confederunt; unde armati magno numero procedebant pugnaturi pro, vel contra Romanum Imperium prout fors obtulerat: quousque tandem in Italiam irruerunt. Horum Athaulphus Princeps, cui Galla Placidia Honorii Imperatoris Germana nupserat, regni Hispaniensis fundamenta jecit anno C. 414. cum regni Francici exordium sub Pharamundo ad ann. Imperii Honorii 26. referatur, qui an. C. est 420. Itaque Regnum Gothicum Hispanicense sexennio ante Francicum est constitutum.

- Hispanos late populos, felicia genti
Arva nimis, terræ venis inclusa metalla
40 Flumina si numquam prodissent, unde malorum
In populos exorta seges; cum Grajus, et acer
Pænus, et insano regnandi captus amore
Romuleus, fulvi vena pro divite doni,
Conj cit gentes in ferrea vincla subactas;
Hos populos tristi victrix ditione premebat
Gens Arabum. Mauros nostri uno nomine dicunt
Nunc populos, Africæ terras, urbesque colentes
Littore ab occiduo claudentes regna Maroci
Littus ad eum Barcæ juxta ostia Nili.
50 Quanta per Hesperios afris effusa latebris
Tempestas ierit campos; quis castra, quis hostes
Excierit, patriæ vertens in viscera pestem
Infandam, meminisse horret, luctuque refugit
Relligio, et Pietas. Rudericus sceptrum tenebat,
Clarus rex armis, dignus diademate visus,
Isto dum caruit, Thodofredi filius acris,
(Quem sceptro dignum propria virtute, paterno
Jure etiam Chindasvinti, ne regna videret,
Æterna infamis damnarat nocte Vvitiza
Efficiens oculos) consuebrinoque Pelajo
60 Præpositus fuerat, quem par in regna vocabat
Ius patrium, major virtus, et clarior armis

Gloria; duxisset cum jam sub regibus arma
 Postremis, magna fudisset cæde Pelasgos,
 Quos nuper rursus terris immisit Iberis
 Auri vena micans. Eadem stirps, sanguis utrique
 Chindasvinto ab avo, tenuit qui sceptræ Gothorum,
 Quæ gens, susceptis fortunatissima bellis,
 Hic jam tercentos totos regnaverät annos,

- 70 Imperii fines interna per oppida centum
 Francica protendens, tumidique Athlantidis æquor.
 Rex Rudericus huic, proli geminæque Vvitizæ (d)
 Sissebuto, Ebbæ prælatus, moribus aulæ
 Sensim corruptus viuitutes exuit omnes
 Egregias animi, vitiisque ruebat in ignem
 Luxuriæ, pugnæ impatiens, ubi sæva cupido
 Spicula contorquens; infecit corda veneno.
 Viderat egregiam Iuvenem, formæque nitentem, (e)
 Et crimen vidisse fuit. Stirps regia voces
 80 Rejicit et blandas, minitantiæ verba nec audit:

Stat

(d) *Natus Rudericus ab Theodofredo germano Fratve Favile, seu Fruela, quorum pater Chindasvintus Rex, Favilam suis ipse manibus crudeliter interfecit Vitiza qui pari crudelitate Theodofredum luminibus privavit.*

(e) *Haud ignoramus placuisse quibusdam magni sane nomi-*

Stat firmum, vitam potius, quam jura pudoris
Incesto regi concedere. Sævior ignis

Turpi

*nominis Neotericis, totam hanc Florindæ, Iulianique histori-
am fabulis adscribere, quas Arabes invenere. Silen-
tium scilicet authorum illis temporibus viciniorum tanti
apud eosdem est ponderis, ut ab eo omnem prorsus eri-
pi fidem existiment tot seculorum scriptoribus rem illam
absque ulla cunctatione narrantibus. Jure ne id, an in-
juria? aliorum esto judicium. Interea silentium hocce ma-
gni etiam nobis est ponderis, minime vero tanti, ut ab
eo solo pertrahamur ad ea neganda, quæ per plura sæ-
cula invaluisse ab vetustissimis plurimis, acutissimisque
scriptoribus accipimus. Scimus esse etiam antiquitatis
testem Traditionem, cui fidem negare nemo possit, quin
multis sese difficultatibus implicet non in profanis solum,
sed in sacris etiam historiis. Cæterum ii ipsi Critici tanti ca-
nonem illum non fecerunt, ut quandoque non profiteantur
esse quædam verissima, licet eodem illo silentio impetan-
tur, quod infra adnotabimus.*

*Horum sententiam, etsi diversa via, secutus est Vol-
tairius, qui res historicas philosophice, philosophicas
historice scripturare solet; narrat siquidem res non ut
revera evenerint, sed ut debuerint evenire juxta ejus-
dem*

Turpi in corde furit. Violantur jura; Florindæ
Mens immota manet. Nulla reparabile damnum
Arte

*dem philosophandi rationem . Huic igitur pudicitia filie
tanti facienda non videtur, ut eam ulturus in furorem
adeo cæcum agi Iulianus debuerit . Argumenta quærit
deinde, a quibus et Oppas Antistes, et comes Iulianus
impelli ad tam execrabile facinus potuerit; cum ille, ait,
præter puellæ pudicitiam, alia haberet plurima, quæ
cordi esse debebant; Iulianus autem gener esset Vuitizæ,
qui a Ruderico (a quo istud acceperit nescio) solio de-
jectus, et interfectus fuerat . Hac vero in re et malum
se ostendit philosophum, et historicum pessimum . Quid
enim, quæso, refert ad historiam, quod factum aliquod
pluribus prodire ex causis potuerit; cum ea sola adsi-
gnanda historico sit, ex qua revêra sit projectum . Et in
re nostræ violatio Virgineæ pudicitie describitur causa.
Si tenuis hæc Voltairio philosopho videtur; ipse histori-
cus scire debuisset qua ex causa impulsus est Narses, ut
Italiam Barbaris concederet; Bonifacius Africam Vanda-
lis, hosque ad Romæ exitium in Italiam evocaret Endo-
xia; Clodovei nepotes ferro, flammisque magnam His-
paniæ partem vexarent, et alia his similia non pauca.
Equidem injuria hisce omnibus illata, ea non erat, quæ
exci-*

LIBER PRIMUS

9

Arte quatit vires, animosque inflamat in omnem
 Vindictam . Subit in mentem Lucretia, capta (f)
 Crimine quæ simili, proprio cum sanguine lavit
 Alterius crimen . Romanæ, nobile quamvis,
 90 Non placet exemplum . Pœnas det sanguine qui se
 Crimine turpavit tanto, regna omnia postquam
 Illius ob noxam volvi, vertique videbit.

His accensa odiis regis scelus omne rexit,
 Et cordis furias genitori . Exarsit in iras
 Acer, et infelix Iulianus; scilicet una
 Hæc patri est soboles longævo, hæc sola superstes,
 Quæ

excitare hos, atque inflammare vehementius deberet, quam Virginem nobilissimam pudicitie violenter creptæ jactura; Patrem majus, quod Virgini filie unica inferri potest probum . At idem philosophus parum sibi, more suo, constans, facti hujus veritatem certam putat paulo inferioris .

(f) *Hujus quoque factum tot sæculorum consensione firmatum, vel negat, vel negari tuto posse innuit Voltairius . Ejus ratio potissima, quia violationes ejusmodi vulgo tam probantur difficile, quam difficile inferuntur . Cujus autem ponderis hæc ratio sit, videt quicumque cæcutire non vult.*

Quæ jam casuras servabat filia sedes.

Dum pacem vultu simulat, magnumque dolorem

Corde premit; tanti sceleris neque conscius ulli

100 Creditur; ingentem molitur mente, paratque

Vindictam, crevitque furor dum distulit iras.

Vtque latens ignis nimborum montis in antris

Quem glacies, longæque nives, et marmora circum

Constrinxere diu, conceptis viribus, omnem

Effundit se se in montem, volvitque ruinis

Pastorumque casas, silvas, turresque, domosque

Funditus evertens, rectasque ad sydera moles.

Haud aliter rabies, ulciscendique voluptas

Pressa diu erupit Iuliani in corde. Regebat

110 Et quia tunc præses populos, quos alluit undis

Hinc inde oceanus, gentes et littora scindens

Africæ ab Europa; perjurus texere fraudes

Non timuit; populos, proprio quos sanguine debet

Tutari, miseros immanibus hostibus offert.

Evocat illorum turmas, nigrasque phalngas

Invitat: fractas vires, et languida corda

Rege sub impuro, certi dat pignora facti.

Ne dubitent, faciles aditus, urbesque patebunt,

Se duce, susceptæ maneat quem sola voluptas

120 Vindictæ. Gentes victorum præmia sunt.

Nec mora consiliis. Auri insatiabilis ardor.

Pingue solum, placidi cæli plaga mitior omnes
Disperfas late gentes, populosque feroces
Excitat, haud dubiæ stimulatque cupidine prædæ.

Convenere Arabes, Massyli, Barcia pubes,
Algeri, Tripolique, Nigri, Carthaginis altæ
Qui exuvias servant, et fundamenta Tuneti,
Maurusi populi, Nilus quos claudit uterque,
Quotquot et Athlantis despectant culmina gentes
130 Bello armantur equis. Causant exorta vicissim
Iurgia sese inter, duri quoque semina belli.

Nec minus interea turpi indulgebat amori,
Corporis et laxas solvens Rudericus habenas
Illecebris, longo spargebat corda veterno.
Non Africæ motus cunctæ, non fama, nec omnem
Rumor in Hesperiam diffusus, bella parari
Horrida, quæ terras, urbes, quæ templa, domosque
Cædibus involvant, et fuso sanguine inundent.

Quin et cum cælo fulgeret Luna sereno,
140 Visa (nefas) toto comprehendere corpore flammæ,
Et mox obduci tetro, nigroque colore.

Quæ portenta diu doctus dum quærit aruspex,
Quidve ferant optat certus cognoscere, ab Austro
Per cæli tractus acies consurgere cernit,
Armatas acies, hinnitusque audit equorum.
Et *migremus* ait sacris audisse sepulcris

Migremus, superis solvit dum vota Sacerdos.
 Quæ ne monstra virum veluti figmenta piorum
 Respueret cæco captus Rudericus amore;
 150 Ipse sibi in somnis visus circum undique cingi
 Maiorum agminibus, strictisque mucronibus unus
 Ipse peti, et totos laniari corporis artus.

His aliud majus monitum, certique futurum
 Auxilii objicitur, si mens non cæca fuisset,
 Ullum si infano satis esset lumen amor.
 Turris in urbe fuit summa fortissima, sæclis
 Ignotis erecta manu, nec certior auctor
 Illius; ast violare nefas, vox omnibus una:
 Seu vestes validos, seu ferrea claustra movere:
 Contemptis populi Rudericus vocibus, intrat
 160 In turrim, ruptis ferratis postibus; arcam
 Ferratam cernit: veterum recludere regum
 Thesauros sperans, auri, argentique talenta;
 Extemplo impavidus vestes, et vincla resolvit.
 Hic vero (horrendum, et dictu mirabile monstrum!)
 Implicita observat, depictaque linthea; solus
 Explicat. Ignotas ignota in veste figuras
 Esse videt: fuscus vultus, turgentia labra,
 Stat tonfi capitis supremo in vertice floccus
 170 Crineus; ex humeris pendet nigrantibus arcus,
 Et pharetra, et lævum texit latus æreus ensis,

In Lunæ formam curvus, dextram implicat hasta:

Descriptasque notas intentus legit: *Ab istis*

Hispani populi dira ditio prementur

At non his cessit monstris insana libido;

Tetra magis nulla est pestis, nullumque venenum

Promptius humanos sensus vertitque, trahitque.

Hos monitus ægræ credit deliria mentis

Cæcus amans, fingique putat, quæ invertere possint

180 Turpia, queis dudum jactatur, gaudia sensus.

Nec procerum voces audit, qui castra suadent,

Arma paranda, duces, armato milite servant

Qui littus, late fines et ab hoste tueri

Qui possint; validis opponere viribus arma.

Non magis hoc justo procerum sermone movetur,

Quam si dura flix, aut stet marpesia cautes.

Esse, inquit regnis ad propugnacula marmor

Hesperium littus findens sub pondere aquarum

Littore ab australi: Gaditana ostia forti

190 Et commissa duci. Sic mens improvida lumen

Rejicit, et pasci gaudet, ducique tenebris,

Quæ placeant: duro nec scribi in marmore caelo

Virgineum noscit maculantia probra pudorem:

Vel patrem latuisse putat, creditve sepultos

Irarum magnos, quos nondum sentiat, æstus.

At Nomadi interea, fusci quoque castra Maroci,

- Et Barci fortes in proxima littora turmas
Urgebant, notas et ad Herculis usque columnas.
Excussos populos omnes, totamque carinis
200 Impositam longis Libiam dare carbasa ventis
Credideris; tantæ complebant littora gentes,
Sic amplum innumeris ratibus confunditur æquor.
Armati pedites bis centum millia fulgent
In clypeis, enses, et lento spicula cornu
Evibranda, manus implent vel tela, vel hastæ.
Omnibus it tortus circum cava tempora turbo
Lineus, implexus spiris, latera ardua cingit
Fascia versicolor. Signorum in vertice longe
Omnibus effulgent argentea cornua Lunæ,
210 Quatriduæ. Triplicis prostant insignia caudæ
Quo turmæ volvant oculos, et iussa capeffant.
Scilicet hos ritus, armorum hæc dogmata nuper
Illius induerat gentis pars maxima; postquam
Rupit honestatis leges, et avita piorum
Cum monumenta patrum tenebris obduxerat atris:
Et sacros ritus vitiis infecit, et almam
Doctrinam extinxit turpis Mahumedicus error.
Ductores primos populorum cogit in unum
Concilium Princeps, rerum cui summa potestas,
220 Muza ferox, bello clarus, spes unica magni
Miramolini, nam turbam affarier omnem

Nec numerus, nec lingua finit, tum rite coëctos
Adloquitur verbis, urgetque in prælia vires,
Accendens iras, avidis et pectora mulcens.

Hic locus est, inquit, sunt hæc ea littora, turmas
Genfericus ubi divisit, tristia quando (g)
In nos arma tulit, nostrisque penatibus ultro
Attulit immensas strages, stravitque vigentes
Tunc populos de se meritos numquam male: nostro
230 Sanguine, quam solis potius fervore rubescit
Littus adhuc; tanti restant monumenta furoris.
Octoginta super pignantum millia regnis
Immisit nostris, quorum vestigia morum
Turpia longa tribus sæclis abolere vetustas
Non valuit. Patrum cineres ulciscimur; et nos
Magna manent justæ vindictæ præmia. Quantum ab
Fini-

(g) *Hujus ab Hispania in Africam trajectionis hortatu Com. Bonifacii, celebris est in annalibus sacris, profanisque; cum ex ea Romanæ urbis direptio, ac depopulatio consecuta sit; restrictisque Imperii Romani finibus, novum in Africa regnum surrexerit, in quo mirifice auctus est martyrum numerus sævientibus Arianis illis Principibus in populos Catholicæ fidei addictos, maxime vero in Episcopos, et secundi ordinis ministros.*

Finibus Europæ nimbosus usque Pirenes
 Subiacet imperio, domino et famulatur Ibero,
 Oceanus quantum supra, quantum alluit infra
 240 Hoc medias findens terras mare, jungere sceptris
 Uliti est animus, spoliis ditescere opimis.
 Spes neque tot terris, Socii, mihi credite, nostras
 Claudimus: Herculei jungemus sceptrum Tarenti,
 Jonique maris, si quid mens augurat æqui, (h)
 Omnis et Europæ, fuscum quæ respicit austrum,
 Pars potior nostris subdetur legibus olim.
 Nec tantæ facinus molis, nec præmia tanta
 Nostrorum multo constabunt sanguine. Tutum
 Pandit iter procerum, et Regis discordia præsens.
 250 Pro siccis Libiæ campis, Nomadumque relictis
 Littoribus, Barcæ pro tot sitientibus arvis
 Arva patent vitteis semper vernantia rivis.
 Nec gemmas memoro, nec quæ pretiosa metalla
 Fundit Iber, divesque Tagus. Montana dehiscunt
 Antra

(h) Equidem Creta quoque insula potius Arabes Hispanienses memoriæ produrum est sub an. 818. et quinquennio post patefactam Afris Saracenis Siciliam prodicione Euphemii cujusdam. Exinde Arabibus atrisque Neapolitani regni, atque Italiæ plura oppida patuerunt.

Antra meæ genti; veteres tellure repositos
Thesaurus prodent, nec spes patientur inanes.
Ite, ait, atque animos vestris adjungite turmis,
Arma parent pugnis, et læti iussa capebant.

Tuque, Tarise, tuas acies ad prima paratas
260 Signa jube, tecumque suos Alcama feroces
Conjunget populos. Bis septem millibus istis
Faucibus Herculeis Hispani ad littoris oras
Ante diem, si fata sinent, transmittere suadet
Mens mihi. Ductores spectet dein cætera pubes,
Iussa modo tuta nobis statione teneri,
Dum tempus, dum prima sinunt tentamina belli.

Nec mora præceptis Muzæ. Sua castra Tarisus
Excitat, ostendens prædura in fronte tumorem,
Ore ferox turpi, tum lumine captus et uno:
270 At bello impavidus, magnis majorque periclis.
Dux Alcama suos vicina in littora cogit
Adciscens socium rebus, comitemque Maquedum,
Est cui corde furor, sunt artes mille nocendi,
Mille dolos tum mente fovet; nam perfidus alma
Dogmata Christiadum scelerato crimine nuper
Prodiderat, sædi Mahumedis transfuga legem
Professus, gentem cupiens si perdere posset
Desertam; fractæ fidei sic tergere labem
Posse putans, si nullus erit, qui crimina damnet.

- 280 Ergo alacres portum, vicinaque littora portus
 Complevere acies. Fulget mucrone corusco
 Ærea telorum messis; clypeique cadente
 Sole repercussi flammæ in fluctibus altis
 Ostendunt globulos, totum quibus ignibus æquor
 Misceri visum. Magnæ spes proxima laudis
 Acrius accendit vires: furor ingruit ardens,
 Præcipita:que animos tantæ præsentia prædæ.
 Non belli eventus varii, martisque cruenti
 Pugnantes terret gentes mutabile pectus.
- 290 Orant transmitti, ponti, ventique, ratisque
 Incusant, damnantque moras; nec segnius omnes
 Ire volunt, quam si ad prædam exuviasque vocaret
 Martia, vel portas caneret jam buccina lauros.
 Corripuere locum properi, signoque repente
 Ære dato, naves conscendunt. Regia puppis
 Iam tremulum malo signum suspendit ab alto,
 Quo extemplo nautæ funes ab littore solvunt.
 Confidunt transtris; remis, velisque feruntur
 Littus in adversum; tuto volat æquore classis.
- 300 Jamque adeo medium certus findebat in undis
 Maurus iter; medium cursu superabat et axem
 Alba per æthereos fulgens Latonia tractus;
 Cum montes inter visa est Hispania sese
 Erigere; attonitumque caput super ardua tollens

Cæsariem laceram, vultu mæstissima frontem
Ostendit, tristes oculos, atque ora, nitentes
Et lacrymis perfusa genas; tum tendere utramque
Ad cælum cum voce manum, lacrymansque, dolensque
Cum gemitu tales effundere pectore questus.

310 O qui res hominum, magnorum et pectora regum
Æternis regis imperiis, et numine terres:

Cui parent gentes; nutus et iussa capeſſunt
Alituum, p-cudumque genus, ventique, procellæ;
Et quæ marmoreo fert monſtra ſub æquore pontus,
Quo ceſſit tua cura mei, Pater optime? Numquam
Muneribus, quæ in me vertiſti magna, licebit
Per tot bella frui? Rurſus mea viſcera contra
Gemmarum, et rubri pugnabit vena metalli?
Non queror accitos longis regionibus olim

320 Geryones, horum victoris et Herculis arma.

Nec mihi qui nomen primum dedit Heſperus, Athlas,
Nec Siculus, nec quos miſit nemoroſa Z-ſynthos,
Gorgoris, aut Abides, Celtæ, Rhodii, Tyriique
Vel Græci memorandi, et qui Carthaginiſ altæ
Fundamenta prius poſuere, urbiſve Quirini;
Quos omnes noſtrarum hoſtes opulencia rerum
In nos excivit. Lacrymis ea digna fuere
Viſa mihi donec donum memorabile cælo
Religio, et Pietas noſtris non fulſerat oris.

- 330 Te donante, meis floresceret utraque regnis
 Cum dudum; vidi gelidis consurgere ab oris
 In mea regna novas gentes, aciesque Gothorum;
 Quos procul excierat, validisque instruxerat armis
 Auri sacra fames, cujus jactura fuisset
 Parva mihi, si sancta Fides, si dogmata possent (i)
 Nil ab rege mali, duris populisve timere,
 Quos Arianæus jam tunc infecerat error.
 Inde mihi causæ lacrymis. Quot funera, quantas
 Sustinui strages? quantus dolor ossibus hæsit,
 340 Cum mea principibus cessissent sceptrâ Riannis,
 Expulsos patria, profligatosque viderem
 Cælestis fidei flagrans quos ardor agebat.
 His erepta malis refici, attollique videbar (k)

In

(i) *Quantum Hispaniensis Religionis facies immutata sit sub Arianis Principibus occurrit passim in eorum temporum annalibus. Quin propterea defuerint illis etiam temporibus viri omni litterarum genere excultissimi, sanctitate autem multo illustriores, inter quos Leander, Fulgentius, Isidorus, Martinus, Braulius cet, cet.*

(k) *Sub Reccaredo scilicet, cum Arii error in frequentissimo, ac celebratissimo Toletano Concilio tertio damnatus esset.*

In non speratæ felicia tempora pacis,
Cujus dum summis fructus præsentio labris,
Armari rursus divini Nominis hostes,
In mea Maurorum converti viscera vires
Intueor, mea regna peti. Si vena metalli
Divitis in sanctæ Fidei est vertenda ruinam,
350 Dispereat nostris regnis. Si Hispania parens
Imperiis sacris non sit, constansque futura,
Maurorum si fracta minis, si territa diris
Suppliciis mores sacros, ritusque beatos
Exutura fuat; tellus ante ima dehiscat
Tota mihi; mergar, pontique Athlantidis æquor
Amplificem, quam sacra, Pater, tua jura resolvam.
Ah! non ista mihi dederat promissa Iacobus,
Felicis quondam nostris qui nuntius ævi
Appulerat terris; non sunt hæc facta Iacobo
360 De me verba Tuo; cum juxta flumen Iberum
Virgo Parens mortalis adhuc, innixa columna (1)
Marmorea, liquidum veniens super aera; dixit,
Hos

(1) Celeberrima, atque firmissima inter Traditiones hæc B. Mariæ Virginis viventis adhuc apparitio Iacobo Apostolo, neque veri in dubium nisi ab intemperanti critice poterit.



Hos populos, istas gentes, totamque sub umbra
Hesperiam sumplisse sua; his gentibus olim
Egregios virtute viros, sacraque vigentes
Religione patrum venturos, robore firmo
Qui populos omnes, crebris freta consita terris;
Regna sub arctois, et quas antarticus axis
Obducit gentes, divinæ lumine legis

- 170 Lustrarent, Nomenque tuum, sortemque beatam
Humani generis firmarent sanguine fuso.
In me Sancta Fides, Pietas mansura per ævum
Dicta est æternum. Quo nunc fiducia cessit?
Tot me muneribus cumulata Maurus habebit?
Barbarus hæc armis tandem dona irrita reddet!
Dicar et ipsa tuis contraria legibus? hostis
Nominis et Jesu credentur iberica Regna?
Hæc dicens gremium lacrymis implebat obortis,
Occlusitque viam verbis dolor omnibus ingens,
380 Singultus pro voce sonant, ceditque dolori.

At Pater Omnipotens ter cælo clarus ab alto
Intonuit dexter, turbataque corda refecit
Clara per illustres vox tandem reddita ventos.
Parce metu, lacrymisque tuis, Hispania, sortes,
Atque immota manent jam dudum grandia fata
Dicta tuæ genti. Lustris labentibus ætas
Adveniet non una tibi, cum læta videbis

Ex gremio prodire tuo natosque, ducesque (m)
Qui legem, nomenque meum, qui dogmata corde
390 Impavido medios hostes, mediosque per ignes
Ore tuebuntur, profuso et sanguine multo.
Hos ego delegi cunctis ex gentibus, hisce
Sub ducibus vires, et robora firma tenebit
Religio, et contra surgentes proteret hostes.
Si sobolem forsan sceleratam Francica tellus
Protulerit, natosque feret sacra jura moventes:

Si

(m) *Insignes Mauricæ hujus alluvionis occasione prodire militares Ordines Alcantaræ, S. Iacobi, Calatravæ, Montescæ S. Georgii. Insigniores etiam deinde hispanienses viri, qui Religiosos novos Ordines instituerunt, vel institutos restaurarunt. Nempe Contra Albigeneses Dominicus Guzmanus Prædicatorum Ordinem; Petrus Nolascus, et Iacobus Aragonius Redemptionis Captivorum Ordinem; Ignatius Loyolæus adversus sui temporis hæreses Societatem Iesu; Ioannes de Deo Ordinem Ministrantium infirmis; Scholarum Piarum familiam Clericorum Regularium Ioseph Calasanzius. Ioannes à Cruce restauravit cum Theresia Carmelitanos, Franciscanos Petrus de Alcantara, ut conditores alios, Reformatoresque non ita magni nominis omittamus.*

Si omnia sacra suis verti Germania regnis
 Unius ob noxam, turpisque cupidinis æstu
 Senferit; Ipse tuos inter jam feligo natos
 400 Egregios virtute viros; primique refulget
 Fronte novum sydus placida, dux dexter ab albo
 Ore ferente facem signabitur ipse catello;
 Alterius signis fulgebit Nomen Iesu.
 Pro quantas acies, quam firmo pectore turmas
 Amborum ex castris orbis prodire videbit?
 Et quoties partis amborum sanguine palmis
 Roma triumphales ornabit maxima currus?
 His ego nec metas rerum, nec tempora pono;
 Imo horum ingentes animos, invictaque cernens
 410 Pectora, jam notis terris majoraque corda;
 Regna paro, nova regna, maris quæ gurgite vasto
 Dissita nunc, vestris resident incognita terris.
 Hæc tu regna tuis adjunges grandia sceptris
 Relligione prius, quam bello, armisque subacta. (n)
 Nec modo Maurorum turmas horresce minaces.
 Advenient hostes, et terras undique circum
 Fundentur; non ista meo sine numine fiunt,
 Nec sine sorte tua felici. Vivida virtus

Vivi-

(n) *Hispaniense Imperium in Asia, et utraque America
 latius*

Vividior pugnīs evadit. Sumit ab igne

- 410 Interius torquente magis lumenque, decusque
Aurum. Nonne vides surgat quam florida messis
Cum desævit hyems aquilonibus aspera, cumque
Gleba gelu, longis nivibus concreta quiescens
Dirigit? Quam læta vigent et lilia vepres
Horrentes inter? Florum quis sceptrā dedisset
Pulcra rosæ, spinis si numquam hæc cincta fuisset?
Ut Mauri longe terris dominantur opimis
Annuo; ditescant auri modo divite vena,
Et patiar populos teneant ditione. Cavento
440 Ritibus ast legem, sacra vel miscere profanis,
Vel gentes prohibere fidem servare volentes.
Ni faciant, propriis exscindi viribus omnes,
Et ruere in strages propria virtute jubebo.

Nec

latius fuisse, firmissimumque propagatum Evangelicæ prædicatione, quam armis, nemo mediocriter eruditus negaverit. Nec sane fieri aliter potuit, cum Hispanienses Reges pro Religione sua id sibi præcipuum proposuerint (quidquid nonnullorum exterorum cæca invidia cavillatur) gentes illas fidei sacre luminibus erudire, et in Catholice Romanæ Ecclesiæ gremio exceptas suis deinde sceptris adjungere. Quam in rem et leges latæ prudentissimæ,

Nec tamen interea stabit victoria parvi
 Hostibus. Optatis gemmis, auroque fruentur,
 Haud impune quidem. Cernis quanto ore Pelajus (o)
 Regius egregia juvenis de stirpe Gothorum
 Ostendet sese? firmo quam pectore? quantas
 Messuerit palmas primævo ab flore juventæ?
 440 Hic res Hispanas Maurorum sanguine multo
 Firmabit, gelidis veniens ab montibus altæ
 Cantabriæ: imperium collectis undique turmis
 Astorios inter statuet; torrentis et inde
 Instar aquæ, rivus passim quem plurimus auxit
 Obvius, in latos rapidus diffunditur agros;
 Haud aliter rebus miseris, et paupere terra
 In magnum imperium consurget magna Pelaji
 Vir-

*tissima, et ex gaza regia subministrati singulis sub
 Regibus sumptus uberrimi.*

(o) Princeps hic immortalī sane laude dignus, sive
 incorruptam ejus probitatem, morumque honestatem, sive
 res ejus bello præclarè gestas intueamur. Neque talis
 visus est solum nostratibus, ab externis etiam plurimum
 commendatur. Horum Orleans in hunc ferme modum
 pulcherrimam ejus imaginem exhibet. Utcumque esset
 illustris ejus regia nobilitas, dici nihilominus potest, ma-
 jorum

Virtus. Virgineo vis nunc illata pudori
Res sternit vestras: vi subvertetur eadem
450 Maurorum robur. Gaudet gens impia; posthac
Sed non et venisse volet, cum signa Ramiri
Aspiciet Primi, Victoris magna sequentur
Facta Duces magni venturi in luminis auras
Ordonii, Alphonisque graves, Sancique, Ramiri,
Et qui Maurorum purgabunt crimine regna
Qua-

jorum gloriam fuisse in eo quod minus emicabat; adeo ipse ceteris propriis dotibus eminebat, Animi robur invictum; corpus robustum; incessus militaris; comitas supramodum affabilis; summa religio; mores honestissimi; mens atque ingenium acre, studioque cum pulcherrimarum artium ac disciplinarum; tum sacrorum librorum usu, atque exercitatione excultum, et perpolitum; dicendi copia, et venustas, hæc dotes ille erat, quas in Pelajo intuebantur ad unum omnes. Nec sane poterat esse non maxima virtus illa, quæ in aula vitiis turpissimis tamdiu inquinata, constans, et incorrupta permanserat; Parcus in omnibus, sobrius medio in luxu aulicorum, et Principum, ejus modestia venerabilis erat iis etiam, quorum mores ab ejus vivendi, agendique ratione maxime abhorrebant.

- Quatuor a fluvio ducunt quæ nomen Arago, (p)
 Petrus, Fernandus, clades extrema Jacobus.
 Sic placitum. Nutu totum tremefecit olimpum.
 Audiit imperium perruptis Cantaber oris,
 460 Celtiber, et Lusus, Balearica et Insula, longe
 Audiit oceani patiens qui littoris oras
 Gallicius findit: tum quæ tot regna coronant
 Culmina cum plausu responsa dedere Prennis.
 Interea ventis in proxima littora classis
 Tuta ferebatur, cum jussus navita proram
 Elati ad montis radices vertere Calpis,
 Urbis Heraclææ portusque intrare propinquos,
 Herculeæ nostris atavis de nomine dictæ
 Herculis, has tandem victor qui ductus ad oras
 470 Naturæ extremos fines tetigisse putavit;
 Et geminas vivo superas de marmore ad auras
 Attollens (veterum si vera est fama) columnas
 Eximium scripto signavit carmine factum:
 Terrarum *Non Plus Ultra* confinia quæras.
 Ipsa modo celso Calpis de monte, Tarifi et

No-

(p) Scimus ab aliquibus Aragoniæ nomen ab Tarracone urbe celeberrima deduci; nec opinionem hanc proinde rejicimus.

Nomine nostris est Urbs Gibraltaria dicta.

Portus ab eo fluctu curvatur in arcus
Leniter extensi formam, vastissimus ipse,
Classibus adversus statio et fidissima ventos.

- 480 At procul e fluctu, portumque intrantibus offert
Se contra medius sublatum ad æthera saxo
Mons vivo, cingit placidis hunc undique pontus
Fluctibus, excepto boreæ de partibus isthmo,
Qua patet hispanis via non latissima terris.
Hac sed inaccessus perruptus tollitur, instar
Arte laboratæ turris: qua respicit Austrum,
Occiduumque salum, leni descendit in undas,
Et dulci gremio, super hoc fundata superba
Urbs surgit, validis despiciens mœnibus hostes.

- 490 Inde sinu duplici gaudet; qui proximus urbi
Occiduus *Veteris portus* cognomine gaudet;
Ille *novus* contra surgentes despicit austros.

Vela legunt nautæ, remis datus impetus ipse
Urget in optatam naves, et pellit arenam.
Obvertunt pelago proras; et ferrea postquam
Anchora fundabat naves; in littore pontes;
Expediunt alacres. Rebus sic rite paratis
Intenti expectant, reddet quod buccina, signum.

FINIS LIBRI PRIMI.

C 2

LIBER SECUNDUS



A R G U M E N T U M.

Herculæ capta urbe , acies utrasque Tarisus
 Iungit , et Hesperie primas sua sub iuga terras
 Mittit ovans . Trepidant urbes ; tandemque Toleti
 Excutitur somno Rudericus . Mittitur hostes
 Sancius adversus , Bætisque ad fluminis undas
 Confligunt acies paribus non viribus , armis
 Imparibus ; cæso donec Ductore , per agros
 Funditur aufugiens exercitus omnis Iberus .



INterea primo spargebat lumine terras
 Orta dies , afris cum signum regia puppis
 Extulit , et sonitu monuerunt cornua rauco
 Littus in Hesperium totis descendere castris .
 Corpora curarunt læti ; fremit arma juvenus
 Horrida , loricam tergo , laterique mucronem ,
 Et capiti galeam tremulis aptaverat alis
 Longe fulgentem ; clypeique ex ære sinistras
 Armabant , lato dextras hastilia ferro .
 10 Emicat in littus primus , ripasque Tarisus

Occupat ; inde suas acies Alcama, Maquedus
 Expediunt celeres ; complebant littora densis
 Ordinibus, fraudis prætor cum conscius urbis
 Obvius armatis multis comitantibus ibat,
 Mænia Ductori pandens, populumque volentem
 Ultro subjiciens. Ea res oblata timorem
 Dispulit, ancipites animos firmavit ; atrocis
 Creditus est tandem Julianus criminis auctor, (a)
 Quem nec relligio, sacri nec jura pudoris,
 20 Nec patrium studium, aut famæ j. Ctura teneret.
 Urbem sed ductor placida ditione receptam
 Ipsi prætori committit. Castra deinde
 Iussit in extensos paulum procedere campos.
 Scilicet optatus vicinis missus ab oris

Nun-

(a) *Ægre persuadere sibi Mauri poterant Julianum Regibus Hispaniensibus consanguinitate propinquum, locupletissimum deinde, ac potentissimum, quodque caput erat, religione Christianum, eò pertrahi posse furoris, et odii, ut constanter vellet patriam hostibus tradere, religione adeo diversis, et insensis. Hac suspitione inductus Muza rem totam tentari voluit non ita magno exercitu; missurus longe majorem ubi nullus reliquus esset suspitioni huic locus, quod sane præstitit.*

- Nuntius attulerat, Juliani castra per amplam
 Adventare viam, properantis jungere turmis
 Maurorum turmas, nuper quas duxerat altis
 Ab *Calderinis* facti de nomine dictis (b)
 Montibus: hostiles huc conjurasse catervæ
 30 Dicuntur, quas aut odium crudele tyranni,
 Aut metus urgebat, pulsî vel fama Vvitizæ
 Excierat; sobolem cujus Rudericus avitis
 Exuerat regnis, curisque agitabat iniquis.
 Vix adeo exiguis superatis saltibus, omnis
 Nigra acies campis turmas instruxit apertis;
 Cum procul ingentem volvi caligine densa
 Conspexere globum; nubem mox pulveris alte
 Attolli, strepitumque pedum, sonitumque tubarum
 Auribus excipiunt. Iussi consistere Mauri
 40 Laxis ordinibus, venientum et discere vires.
 Omnibus ex regnis collecti signa sequuntur
 Bis sex mille viri pedites, tria millia pulcris
 Lecta feruntur equis præstanti corpore, quales
 Bætis magnanimum semper generator equorum
 Mittere in arma solet, postquam in præcordia flammæ
 Intu-

(b) *Calderinis*. quod scilicet nomen Arabibus, conventus proditionis, seu conjurationis sonet.

Intulit ætherei spirandas naribus ignis.

Armati clypeis, atque ærea splendida longe
Tegmina habent capitem; tereti mucrone dolones
Pars gerit; infixo pars lato hastilia ferro

50 Ostentat; gladius fulgens, cælata bipennis,
Squammeus et thorax, decus et tutamen in armis
Omnibus est idem, furor insuper omnibus idem
Cæcus, et insanus, patriæ quo in viscera ferrum
Convertunt miseri. Cernunt nec quale venenum
Imo corde bibant, quo ardebunt igne medullæ.

Progreditur patriæ Julianus tristis Erynnis
Ore ferox, oculisque minax, tum fronte cruentam
Perfidiam referens, vultusque in imagine tetram
Vindictam spirat: vultus fidiſſima imago

60 Est scelerum cordis. Trepidant in vertice cristæ
Sanguineæ; gladius lato mucrone coruscans
Dextram armat, læva faciles moderatur habenas
Vectus equo lecto multis e millibus, alba
Stella cui exornat media inter tempora frontem,
Et qui doctus erat fluvios transnare profundos,
Ac rapido cursu descendere montibus altis.

Convenere duces ambo. Tum sistere jussis
Agminibus, primus Maurum Julianus amicis
Aggreditur dictis, strictoque mucrone catervas

70 Signans, en promissa tibi fidiſſima, dixit,

Agmina, venturo nec spes est unica bello.
Æquales virtute viros, armisque paratos
Regna dabunt, quotquot Martis vis nulla vorabit;
Armatos pedites, promptas equitumque phalangas
Ad nutum tellus fundet. Quò longius arma
Duxeris, augeri turmas, aciesque videbis
Ipse magis. Signis collatis, regna petamus
Quæ scelus, iratum Numen, turpisque voluptas
Regnantis nostris animis, armisque dedere.

- 80 Accepit placido vultu, monstratque Tarisus
Millia quot peditum vicino in littore prompta
Consistant jussu Muzæ; quot ab urbe Damasci
Iam paret Ulitis terris immittere Iberis
Instruâs acies, martis si insania sævi,
Si furor ingruerit morborum. Castra movere
Tempus, ait, suadet: fortes in bella ruamus
Dum mentes spes certa fovet, dum vivida virtus
Nostris corde viget. Pavidis nil hostibus umquam
Exitiale magis subito terrore. Coactis

- 90 Agminibus statim dextra, lævaque jacentes
In populos rapidi vires, atque arma feremus.
Hæc ait, et stricto postquam mucrone liquentes
Auras distinxit; strepuerunt cornua rauco,
Lethiferoque sono, quo circum littora, montes,
Concussæ et valles, gelidusque per ossa cucurrit

Vicinis populis terror. Sed fusca Juventus
 Sævior in pugnâ exarsit. Funditur inde
 In campos, atrî nimbi, seu turbinis instar.

Ut pateat turmis afrîs venientibus oris
 100 Latior hic aditus : primum subit urbe potiri
 Cartheja, celso fauces quæ ab monte tuetur, (c)
 Et scopulos, bimarîs cundit quos undique fluxus.
 Nec prædæ spes longa foret, non ariete muri
 Tentandi crebro, si non urbs illa fuisset
 Alphonfi fidei, firmo quoque credita cordi.
 Scilicet objecit venientibus hostibus omnes
 Oppositus; portas æratis vœstibus, altis
 Aggeribus duro erexit de robore turres,
 Armavitque suos ferro, ferroque potenti
 110 Laudis amore magis, libertatisque beatæ.
 Fortior ast urbi, maurisque potentior ipsis
 Arx est visa Ducis naturæ viribus ullis
 Non concessurum pectus. Nam e mænibus hostem
 Dum vigil observat, plausus et barbara sinistra
 Clamoresque hilares totis diffundier agris

Au-

(c) Alphonfi Guzmanii egregium, ac memorabile factum
 scimus multo serius accidisse, huc vero transcribimus de-
 sumptum ex Prolus. Famiani Stradæ.

- Audit, et attonitus causas dum quærit, ad urbis
Mœnia Maurorum turbas accurrere cernit,
Captum ostentari puerum videt. Illicet arsit
Ut natum pater agnovit: sæt nota micantis
130 Cæsaries capitis; neque fallunt viscera Patrem.
Illum inter comites (et erat hæc una superstes
Alphonso proles) agris dum forte pererrat,
Abstulerant hostes; nunc circum mœnia ductum
Objiciunt patris ante oculos, gladioque minantur,
Ni dedat, quam non longum tutabitur, urbem,
Aduros sese nati intra viscera ferrum,
Et patrium charo sparsuros sanguine vultum.
Expavere alii, atque animum subiere Parentis,
Exiit ipse Parens; torvo quin lumine Mauros
130 Despectans: Me ne, inquit, deterrere putastis,
Venales agimæ, et dominos mutare paratæ?
Si me fecisset proles centena parentem,
Staret et hostili natorum turba sub ictu,
Nil me propterea recti de tramite flectant,
Exarmentve ducem lacrymæ, mortesque meorum;
Mœnia sunt ferro, non Patris viscera nato
Aggredienda; meam per me, concidite prolem,
Dilaniate artus, æquate et vulnera membris,
Et semel Alphonsum majorem discite Patre.
140 Hæc dicens subito vagina liberat ensẽ,

Elatoque minax; rabies si tanta furoris,
 Cædisque innocuæ stimulat præcordia, ferrum
 Hoc, ait, accipite, et ferrum de mænibus altis
 Projectit Pater: inde suos, et tecta revisit
 Securus, potuitque paratæ accumbere mensæ.

Obstupere acies; tonitruque simillima rauco
 Alphonsi vox illa fuit; ferrumque cadentis
 Fulminis in morem, spectantem æruit hostem.
 Mox animi rediere truces; subitque pavoris
 150 Ira locum; certum est ulcisci in prole Parentem.
 Tunc ferrum in venas pueri nil tale merentis,
 Et frustra palmas ad mænia nota levantis
 Immergunt, donumque Patris in viscera condunt.
 It subito ad cælum clamor. Quantusque nivali
 Fit sonus, incubuit boreis cum stridulus Ossæ,
 Tantus ad adspectum cædis dolor urbe resultat.
 Evocat Alphonsum fragor, atque in mænia currit,
 Et nati aspiciens letho languentia membra,
 Quamquam animo redit usque Pater, tamen exuit illum
 160 Dux melior, civesque objurgans; hoc erat, inquit.
 Quod veluti capta comploravistis in urbe?
 Vos ne, puerque meus casu pendetis ab uno?
 Illum ego nutrieram patriæ, jam reddidi et urbi;
 Hæc reor insensum placabit victima Numen.
 Dixit, et extemplo ad convivia cæpta revertit

At nil invitis fas quemquam fidere divis:

Unius ob noxam periisse ingentia regna

Vidimus haud raro; duro sed ab hoste tueri

Unius virtute ducis vix ulla, regique,

170 Urbs longum valuit. Cecidit Cartheja, cadensque

Amisit nomen. Surgentem denuo victor

Esse jubet nostris, appellarique Tarisam.

Casus tantæ urbis (non expugnabilis armis

Credita, magnanimoque Duci commissa) paventis

Posteaquam populi tandem pervenit ad aures;

Implevit terrore novo, trepidoque tumultu

Hesperiam, quantam Bætis, Salsusque profundus,

Singulis, auratisque Tagus sæcundat arenis.

Hoc concussa metu ceciderunt oppida centum,

180 Ullia, Barsavolumque, Vcubis, Soricaria, Ategua,

Urso, Asta insignis Ventispons, Munda, Caruca,

(Hæc tunc nomina erant, nunc sunt sine nomine terræ)

Et tractus, Bætis rapidis quem claudit et Anas

Fluctibus, ab proavis dictus Bæturia nostris.

Namque ferunt, nec vana fides, ferro, ignibus omnes

Funditus evertisse Arabes, quas non sine multo

Præsidio, multis servassent sumptibus, urbes.

Talia per Bætım, vicinaque littora Bæti

Ediderant Mauri; vastæque incendia cladis

190 Interius magnosolvebant ignibus æstus.

- Cum somno tandem excussus Rudericus inerti
 Famineus, turmas hostiles, agmina regnis
 Desævire suis, populos, urbesque ruentes
 Credidit, obstupuitque furens, residique virilis,
 Quæ quondam fuerat, redit in præcordia virtus.
 Excutitur somno, virtus et pristina corde
 Excutitur; sed regna videt defluxa vetustis
 Deliciis, animos veneris dulcedine captos,
 In luxum promptos, armorum horrescere nomen.
 200 His super accedit, turmas, perditumque catervas,
 Regna quibus possent tanto defendier hoste
 Esse procul. Dudum patriæ nam perfidos ille
 Proditor, infandum facinus quo certius esset,
 Mille dolos animo versans: en Gallia, dixit,
 Arma parat dudum nostra in confinia, classes
 Littore ab eo nostras armantur in oras.
 His dictis procerum primis, regique suasit
 Armatos pedites, totas equitumque phalanges
 In regni oppositas longe protrudere terras,
 210 Scilicet ut nullo possit venientibus Afris
 A parte adversa, justa vi, exercitu, et arte
 Occurri, ac tenui, aut nullo discrimine Martis
 Desertas urbes, portis bipotentibus, hostis
 Barbarus invadat, sternat, dominetur, et intret
 Impune. Turbat mentem præsentia belli,

- Et terror populi, cedentiaque oppida passim
Victori Mauro. Majori fluctuat æstu
Curarum, promptæ vires dum ad prælia defunt.
Perfidiam demum Juliani damnat, et odit,
220 Cognita quæ sero: graviore crimine dicit
Se fontem, turpem quæ tandem effusus in omnem
Luxuriem, regni curas neglexerit amens,
Et cæcus graviter violati dicta parentis
Audierit, regni plenas et stultus habenas
Tradiderit cui tanta odii, tantique furoris
Causa pudor natæ violatus sæpe fuisset.
His curis tortus gravibus noctesque, diesque
Insomnes ducit. Noxæ furialis imago
Objiciens sese ante oculos, figitque, premitque.
230 Heu quid ager? Rebus tantis, belloque gerendo
Inter tot procures occurrit Sancius unus,
Quem sincera fides, virtus quem bellica, sanguis
Regius, et partæ commendat gloria pacis.
Huic belli curæ, rerum quoque summa potestas
Tota datur; primoque duci parere jubentur
Hesperiae populi. Vocat ille ad prælia primos
Quos furor hostilis flammis abolere penates,
Sternere agros propius, natorum sanguine ferrum,
Uxorūque, patrum fuso maculare minatur.
240 Scilicet his vires, animosque in prælia fortes,

(Extinxit dudum quos mollis inertia) tandem
 Reddet amor patrius; naturæque indita virtus
 Pugnandi leges, quas non didicere, docebit.
 Sancius has ducit turbas in prælia, quando
 Est spes nulla super. Sed nec sunt tela, nec hastæ, (d)
 Scuta nec, et galeæ, non ferreus omnibus ensis.
 Tantam longa quies animis pugnacibus olim
 Segnitiam; tantum potuit suadere pudendi

Lan-

(d) *Inermem eò temporis fuisse Hispaniam prope universam, constat apud historicos omnes, idque ex Regio imperio factum. Cujus vero lege, Vvitizæ ne, an Ruderici? certo non constat. Qui legem hanc ab Ruderico latam fuisse existimant, legis suasorem volunt perfidum Julianum, vindictam suam molientem. Qui autem Vvitizæ id lege imperatum crediderunt, arbitrantur ab eo factum, cum timoribus angeretur, ne in ejus caput conjurarent ex iis aliquot, qui ab eo male habebantur. Utrumque nobis satis probabile apparet. Caterum Vviti-za urbes omnes munitas arcibus, prognaculis, mœnibus etiam expoliavit, relictis tribus Toletis scilicet, Legionis, et Asturica, quas sibi ad refugium reservavit. Id consilii, ut nostratibus infaustum, ita fuit Mauris saluberrimum.*

Languoris vitæ mollis, venerisque cupido!

- 150 In numero spes una subest: seu fervidus omnis
Impetus opposito frangendus milite, sive
Ab nuper captis arcendus mænibus hostis.

Accitis raprim, collectisque undique turmis,
Spem vultu simulans placido Dux Sancier ibat.
Sed justum præfaga mali imo corde timorem
Mens premit. Ut propius tandem sua castra metari
Obtinuit; levibus, crebrisque laceffere pugnis
Aggreditur Mauros, quò non experta juvenus
Sensim militiæ, martisque adsuescat arenæ,

- 160 Et vires acuat, stetque imperterrita contra
Hostes, cum tanti jactabitur alea belli.
Concurrunt acies, et bello exercita virtus
Hos juvat; ast illis solus furor arma ministrat,
Et patriæ tandem ruituræ tristis imago,
Ni teneant pugnam, et bellantes fortiter hostes
Sustineant, vitamque velint pro prole pacisci,
Pro dulci patria, charo pro pignore patrum,
Conjugibusque, quibus crudeli morte minatur
Servitium crudele magis turpissimus hostis.

- 170 Cæditur acer Iber, sternuntur fortia passim
Corpora Maurorum: belli furor ingruit ingens,
Ductoresque cadunt primi, et sine nomine vulgus
Haud impune cadit. Timidos dum in prælia cogit

Dum fractis revocat vires, verbisque, manuque

Sustinet hostiles animos Dux Sancius; ecce (e)

Ductori stridens per tempora venit Ibero

Acta sagitta manu incerta; nam gloria facti

Insignis pressa est; jactavit vulnera nemō.

Concidit exanimis tanti pars maxima belli

280 Sancius, atque cadens Maurorum pectora firmat,

Proterit Hesperidum vires. Videre cadentem,

Efflantemque animam nostrum vix agmina, vili

Cum concussa metu; gelidusque per ima cucurrit

Offa

(e) *Prælium hocce Sancii scimus ab criticis nonnullis negari; imo et fuisse ea ætate Regio ex Sanguine Principem ullum Sancium; cum, inquiunt, in Chronicis vetustissimis nulla de eo prælio, exercitusque Imperatore mentio fiat; et Sancii nomen Gothos inter in usu non fuerit. De silentio quod sentiamus alibi innuimus. Quid vero prohibebat Gothos nomina usurpare aliis provinciis præsertim vicinis communia, Vasconum maxime, per quorum terras eorum plurimi in Hispaniam penetrarunt? Quid si duplici nomine Ductor ille appellabatur Gothico altero, altero Vasconensi? Equidem ipse Pelajus Theodimerus, et Alphonsus Athanildus in Chronico Isidori nominantur.*

D

Ossa tremor cunctis: frigent in prælia vires
 Torpentes, lumen mentis pavor abstulit; omnes
 Projiciunt ferrum, vitam vilique tueri
 Poffe fuga credunt, citius ceduntur inermes:
 Plurima perque vias sternuntur inertia passim
 Corpora, perque agros: sævit crudelis ubique
 290 Vis Martis, sparsusque cruor crudelius iras
 Suscitât hostiles. Inimico ab sanguine sævi
 Nec prius abstant, quam totis victor in agris
 Adversas penitus turmas absumpserit ensis.

Nec cladem tantam mediis elapsus ab armis
 Nuntius ad Regis Ruderici detulit aures;
 Sed rumor certus, totis venientis et hostis
 Infusus terror populis; cum nulla viderent
 Agminis immissi contra vestigia tanti;
 Non acies super ulla esset, frænare furentis
 300 Incursus rapidos hostis quæ posset, et urbes
 Hesperiaë gremio complexas arte tueri.
 Scilicet, excissis jam turbis Maurus Iberis,
 Per Bætis, Lusique citus diffundier arva
 Cæperat. Ut quondam campos, viridantia prata,
 Et fata læta rapit, sylvas cum vitibus altas
 Eridanus, postquam dejecit flumine pleno
 Oppositas moles, densis quas undique cinxit
 Arboribus vatum genitrix Ferraria, vallum

Ut flumen contra, gratæque tuentibus essent
 310 Deliciæ, latis semper vernantibus arvis.

Haud aliter turmis Arabum victricibus omnis
 Bætica, et exundant populi confinia regni
 Hisperii crebris claudentes urbibus; Ingens
 Hispalis et cecidit, qua non felicior ulla
 Ædibus, erectis sacris ad sydera Templis.
 Sive solo pingui semper, quod multus inundat
 Lenefluens Bætis, gremio acceptasque carinas
 Ducit in optatum, lambentem mœnia portum.
 Urbs intacta manet Templis, atque ædibus: ipsa
 320 Par animis visa est, atque ambitione Tarisq
 Accenso; dicetur huic ea regia sedes,
 Et caput Imperii: Sed non intacta domorum
 Gaza manet. Solido ex auro pretiosa supellex,
 Crateresque graves gemmis, et quidquid ubique est
 Materia, sive arte valens conceditur hosti
 Præda, invasuro pugnas audacius omnes,
 Si spes certa gravis stimulat præcordia prædæ.

Hispalis ingentis casus, totque oppida capta
 Concussere metu, trepidoque egere pavore
 330 In curas omnes merentia corda. Toletum
 Ante alias timuit, postremæ et proxima cladi
 Ipsa urbs visa sibi. Nec mens ea falsa fuisset,
 Si totas acies, victricia signa superbus

In caput hoc regni Maurus iusta arte tulisset.

- Obstupuit tantæ Rudericus imagine cædis,
 Et propius cernens nutare in vertice regni
 Grande decus, sceptrumque peti: in se vertier unum,
 Castra inimica, sibi mortem, vel vincla parari,
 Servitiiq; jugum, clamat. Terroribus aula
 340 Turbatur; somnus Regem, et mens sana reliquit.
 Ut tandem terror cecidit: tum pristina virtus
 Audiri incæpit propius. Præsentia fati
 Instantis regni rebus succurrere suavit
 Absque mora, quacumque via. Simul imperat aulâ
 Cogere conciliû procerum, quos rite coactos
 Aurato folio sublimis farier inquit.

- Turbine magnorum nos contra, et sceptrâ malorum
 Obruimur, proceres; regni et discrimina poscunt
 Ultima, postremis tandem conatibus uti.
 350 Causa mali tanti (quid enim manifesta negemus)
 Nos olim fuimus, cum tanti exordia belli
 Respuimus moniti, nec nostra in regna parari
 Credidimus vires Arabum. Quis crimine tanto
 Turpari procerem regali ex sanguine posse,
 Jura Deî, patriæ, naturæ rumpere vincla
 Crederet? Et procerem, regni cui maxima cura
 Est commissa? locus nostris in cætibus ille
 Qui primus? nobis fuerat qui maximus auctor

Consiliis pacis semper, bellicque gerendi?

- 260 At non hoc tempus rumpendi e pectore questus
Iustos, sed vanos etiam. Sors ultima rerum
Consilium vestrum deposcit. Num omnibus arma
Indicam capienda viris, et flore juventæ
Quæ vigeat primo? Numero num lectus ab omni
Miles in adversos mittendus fervidus hostes?
Integra quemque manent dicendi jura, nec ulli
Obfuerit, quamcumque dabit, sententia præsens.

At patribus res visa gravis, turbavit et anceps
Consilium resides animos, defuetaque corda

- 370 Infani Martis diris terroribus, arma
Dum adventare vident propius, totamque cieri
Hesperiam, varia turbantur imagine rerum.
Pars stupet extremæ cernens discrimina cladis,
Viribus et vellent totis concurrere in hostes.
Pars contra credit, totas certamine in uno
Non objectandas vires. Fit murmur in aula
Diversum, donec surgens e sede Pelajus
Insignis belli ductor, quem plurima tollit
Gloria parta manu dudum: vastabimus, inquit,
380 Civibus ingentes urbes, cultoribus agros,
Innumeras acies tandem ut ducamus in hostes?
Quo fato? qua spe nos cuncti in bella ruemus?
Scilicet ut totas hostis certamine solo

- Absumat regni vires, regnisque potiri
His valeat citius, quæ defensoribus ultro
Vastamus: turpi demum formidine capti
Sortibus incerti Martis committimus omnes
Spes nostras, uno jactatur et alea casu.
Bellantes res nostra petit, non corpora; vires
390 Non numerum censet Mavors; tenuique sub hoste
Innumeras cecidisse acies tam sæpe videmus,
Ut spes nulla mihi numero ab majore supersit.
Nunc, esto, juvenum, et facile est, quingenta virorum
Millia cogantur: quis justis agmina tanta
Armarit telis quæsitis omnibus oris?
Infuistis avibus nuper cum missus in hostes
Sincius, instructam justis vix agminis armis
Obtinuit partem quartam, licet undique tela,
Et clypei, galeæ, lævis quæsitus et umbo.
400 Ardeat innumeris, sine, nunc fornacibus acer
Celtiber, infudet totis Cantabria testis
Tela super, gladiosque; prius mactabimur, armis
Quam se quisque virum ad pugnas instruxerit æquis.
Fac sint armati. Gens nulli adsueta labori,
Nullius imperio parens, metuensque pericli,
Unius adne ducis nutum procurret in enses
Hostiles, vel terga dabit? Mavortis alumnos
Longa dies, studiumque parit, non vestis, et arma.

His ego prætulerim quingentis millibus omni ex
 410 Ordine delectum juvenum terdena nec ultra
 Millia; confidens istis modo ferrer in hostes,
 Quos tot jam pugnis victores viribus ullis
 Vinci posse negant, cuncti nisi in arma ruamus.

His graviter dictis, procerum pars magna Pelaji
 In votum rapitur, quo non spes omnis in uno
 Fortunæ casu, nec res committitur uni.

Ast alios certæ cladis præsentia (namque
 Hos propius torquent hostes) vehementius urget
 In bellum; stimulat dominans in pectore terror,

420 Et ratio suadet rotas opponere vires
 Hostibus immensum crescentibus, ante furentes
 Oppida quam terras, et ferro regna subacta
 Latius extendant: nec sit spes ulla salutis.

His Oppas auctor regali sanguine princeps
 Vittis et sacra redimitus tempora mitra
 Hispalis Antistes, contra lucente Minerva,
 Iam dudum dictus non uno crimine, namque
 Pastorale pedum gladio, ferroque minaci,
 Et curas ovium Martis mutaverat arte.

430 Surgit, et impavidus: Belli primordia, dixit,
 Tempus incauti, contraque potentia Mauri
 Segnitie crevit nostrorum; erravimus; error
 Major erit, pavidi si nunc, timidique sinamus

- Hostes augeri. Qua nos spe in castra ruemus
 Aucta magis, qui nunc adeo leviores sub hoste
 Deficimus? Defunt nobis et Bætis, et Anas:
 Ast intacta manent alia ipsis oppida regnis,
 Regnaque brumales ultra protensa Pirennæ.
 Non tentanda uno regni fors ultima bello;
 440 Omnis nec Regni vis est discrimine in uno
 Experienda. Placet tunc hæc prudentia, quando
 Damna firunt, nec certa manet majoris imago
 Iacturæ; justusque timor ruitura suadet
 Quæ modo consiliis timidis, tardisque tueri
 Credimus. In morbis levibus, quorum exitus asper
 Nullus erit, medicus damnatur, pharmaca iussit
 Ultima qui afflētis: eadem medicina probatur
 Si vis invaluit morbi, vel parva salutis
 Spes fuerit. Quantis jactemur fluctibus; omnes
 450 Res nostræ quanto trepidant discrimine scimus.
 Irruimus nuper enī mediocribus, una,
 Una omnes cecidere acies, quin Sancius ipse
 Dux quondam felix, Arabum vel frangere vires,
 Sistere sive suos duro in certamine posset.
 Tentanda est eadem rursus fortuna sinistra?
 Scilicet ut totas turmatim prælia vires
 Absumant, aciem in solam quæ rite coactæ
 Vix dubium facerent referendum ex hoste triumphum?

Inde viros, juvenesque, domus quos nulla coerces
 460 Cura, nec in generis servantur fœta trahendi,
 Esse jube promptos armis, pugnisque propinquis,
 Qui renuat patriæ succurrere rebus in arctis,
 Privatamque velit timidus præferre salutem
 Communi tanto rerum discrimine, norit
 Se justas pœnas ignavum morte daturum,
 Turpiter et vitam fufurum, reddere magna
 Quam patriæ cum laude potest. Via sola salutis
 Omnibus ab cujusque modo virtute patescit.

Pro se quisque viros dum tot rationibus urget;
 470 Scinditur et procerum studia in contraria sensus:
 Rex Rudericus ait. Fatis urgemur iniquis
 O Patres, vestra ipsa facit sententia discors
 Turbinis ut noscam furias, quo volvimur, utque
 Cautius in regni curas, bellicque feramur.
 Hostibus opprimimur, majorum turba malorum
 Imminet et nobis. Sed non rationis egentes,
 Non timidos nos ulla dies, pavidosque periclis
 Arguerit. Nostros dum spiritus hos reget artus,
 Dum Gothus Hesperio commixtus robore sanguis
 480 Corde fluet, vis hostilis, fortunaque frustra
 Nos adverfa premet: numquam moriemur inulti,
 Ignavique; volens vitam pro laude pacisci
 Est animus, pulcrumque mori qui credit in armis.

- Nostre adeo sedeat quæ nunc sententia menti
Expediam paucis: nec enim tua dicta refello
Oppa magne pater, mihi nec spernanda, Pelaji
Sunt tua. Mens suadet centum concurrere in hostes
Millibus armatis. Vires exercitus omnes
Non iste absument; terræque, urbesque manebunt
490 Scilicet intactæ plures, et viribus hostis
Longe majores vires opponimus. Oppa,
Tu duces acies, nostra quæ lege coactæ
Littore ab australi venient; geminique nepotes
Sub te pugnabunt juvenes Sisibutus, et Ebbas,
Egregii juvenes sub te tolerare Magistro
Militiam, et grave Martis opus, tua cernere facta
Adfuescant, primis et te mirentur ab annis.
Quas vero extremis Gallæcia mittet ab oris,
Asturios fortes, tua quas Cantabria mittet
500 Armatas acies, gelidi tractusque Pirennis
Præduros populos duces in bella, Pelaji.
Tertia bellatrix tandem mea signa sequetur
Pone manus juvenum, curvo quæ vomere findit
Pingue solum nostrum. Belli quoscumque labores
Et sortem, quæcumque suat, nos militis instar
Postremi corde infracto, fortique feremus.
Ergo agite, o procerum lectissima pectora, turmas
Undique collectas alacris justo ordine ducat

LIBER SECUNDUS 53

Quisque suas; et Luna prius quam cornua pleno
510 Lumine ter terris ostenderit, agmina læto
Excipiat gremio fidissima Corduba, cujus
In latos cuncti campos veniemus, ut inde
Collatis signis, in castra inimica ruamus.
Ite, ait, et vestris fidi succurrite rebus.

FINIS LIBRI SECUNDI.



LIBER TERTIUS



A R G U M E N T U M.

Hesperia in tota pugnantum millia centum
 Coguntur Mauros contra. Rex ipse catervas
 Ducit in adversos. Oppas, Princepsque Pelajus
 Quisque suas ducit turmas. Ad fluminis Etræ
 Castra locant. Crebris pugnis ad prælia plena
 Proludunt. Totis pugnatur viribus. Afris
 Imminet exitium. Viras sed perfidus Oppas
 Vertens, dat nostris cladem, maurisque salutem.



UT populis lex dicta recens, patuitque supremum
 Decretum Regis; velox ut fama per omnem
 Detulit Hesperiam, captis ex urbibus hostes
 Arcendos, totis pellendos finibus; utque
 Nuntius edixit, procures, primumque parari
 Ad bellum Regem, trepido simul omnis in arma
 Insurgit juvenumque manus, patrumque tumultu.
 Arma viri poscunt, servens fremit arma juvenus;
 Nec legis vis ulla, preces, iræve, minæve
 10 Famaque Ductorum, sermo vel servidus aut hos,

Aut hos arma sequi, ferrumque laceffere suavit
 Fortius, in patriam dulcis quam flamma, decorum
 Et libertatis studium; quæque omnia vincit
 Religio, et Pietas cunctorum cordibus ardens.
 Undique certatim concurrunt, signaque poscunt,
 Regia signa sequi, turmisque admittier, hostes
 Quæ propius contra pugnent. Fortissima quæque
 Corpora scribuntur. Sorte hac exclusa juvenus
 Posse negat tacito premere altum corde dolorem.

- 20 Hesperiae motus tantus, communis et æstus,
 Famaque in immensum tollens quæ mira referre
 Posse putat, Mauri Ductoris venit ad aures,
 Edixitque, novas acies, totamque parari
 In bellum Hesperiam, venturaque desuper hosti
 Agmina, flammarum, venti seu turbinis instar,
 Quæ vires perdant hostiles, captaque nuper
 Mœnia victori rapiant, castra omnia vertant,
 Trans mare reliquias, fuerint si forte, repellant.

Obstupuit tanti surgentis imagine belli

- 30 Dux primus, versansque animo quibus hostibus una
 Impetitur procul e patriis regionibus, inter
 Subiectos populos; verum quos sola coercet
 Vis major, stimulatque animos diversa sacrorum
 Religio, ponunt mortem quique ante nefando
 Servitio; vires confert dum viribus inde

- Venturis contra, curarum fluctuat æstu
 Territus ingenti, partesque agitur in omnes.
 Acrius insurgunt Juliani in pectore curæ,
 Sævius et fera corda domat, torquetque venenum.
 40 Heu quid agat tanto captus discrimine rerum,
 Si bellum ingruerit? si fors inimica triumphum
 Hispanis dederit? Neque enim spes ulla tuendæ
 Vitæ inter Mauros, quos perdere fraude, dolisque
 Credetur voluisse (nefas!) atque insuper ipsi
 Hesperii insensæ pœnas cum sanguine poscent
 Certæ perfidiæ. Curis his actus acerbis
 Aggreditur dictis pavidus jam multa Tarifum
 Horrentem, certasque novi, magnique timoris
 Solicito causas addit; suadetque petendum
 50 Ab Muza auxilium; primos nisi perdere fructus,
 Spesque velit cunctas cæptorum. Nec mora nostris
 Ulla, Tarifus ait, sit sentibus, ibimus ambo,
 Fortius et nostris verbis urgebimus, hosti
 Queis occurramus, vires. Alcama, Maquedus
 Interea rebus præsent, consistere iussi
 Castris, nec firmis acies educere vallis
 Ausint in pugnam, quamvis certamina poscat
 Castris insultans hostis, flammæque minetur.
 Ambo ductores, rebus sic rite paratis,
 60 Herculeum properi, brevius quâ panditur æquor „

Trajiciuntque fretum, Muzæque in mœnia tendunt.

Postquam introgressi, et coram data copia fandi,
Quam fortunato pugnatum Marte, quot urbes
Uliti imperio addiderit, quanta oppida victor
Militibus rapienda suis concesserit, auri,
Gemmarumque gravi dives quo pondere miles
Exultet, Muzam longo sermone Tarifus
Edocet, et præsens quæ sit fortuna reponit.

Intremuit nostris, inquit, stupefactaque gestis

70 Gens Hispana diem regnis, populisque supremum

Advenisse putat, totis nisi viribus in nos

Irruat; innumeris ni turmis opprimat hostes.

Hic labor extremus: sunt hæc tentamina rebus

In miseris postrema, manet cum nulla salutis

Spes, omnis vitæ et cessit fiducia victis.

Nunc quibus instantem vires veniamus in hostem,

Ferre vel aggressus desperati agminis acres

Possumus, vires æquæ, simileſve fatemur

Deficiunt; unoque tamen certamine tota

80 Alea jactatur. Pugna qui victor ab ista

Exierit, totis solus dominabitur oris.

Agminibus, credo, nostris bene numen amicum

Hostibus hanc mentem, has spes, consiliumque dedisse;

Scilicet ut totam pugna non amplius una

Hesperiam victor Maurus teneatque, regatque;

- Ipse modo jubeas geminas transnare columnas
Armatas acies, frustra quæ hæc littora complent;
Luna prius terris iterum quam se aurea monstret,
Deletas acies bello, totamque subactam
90 Hesperiam sceptris Uliti, et maxima regna
Audiet Europæ potior pars, audiet Indus,
Et plaudens Asiæ prædivitis audiet ora.
Sin contra statues; uno omnes Marte cademus,
Cæpta cadent, adeo quæ nunc felicia surgunt
Omne, et Uliti magni cadet inclita fama.
Ista Tarifus ait: Julianus vota, precesque
Imas addebat, propere ut transmitteret oris
Hispanis acies; obtestaturque verendum
Uliti ingeminans nomen, spondetque futuram
100 Felicem belli sortem. Sed Muza tenebat
Defixos in terra oculos incertus, et anceps
Quid statuet tandem. Factis nam fama Tarifi
Egregiis crescens, venturaque culmen in altum
Laudis, si domitor regnorum, et gentis Iberæ
Dicetur, stimulis animum torquebat amaris
Invidiæ Muzæ. Vellet sibi nomina, quæ fors
Alterius meritis, alienis destinat armis.
Et piget incæpti, piget inservire ministrum
Alterius famæ, cupidus quam quærit, et ambit.
110 At vaser, atque dolis multis adsuetus ab annis

Contra stare videt donini communis honorem,
 Quem nisi perpetuis conatibus urgeat, ipse
 Proditor, atque reus dicetur criminis atri.
 Artibus ut vaftris mens longum exercita suafit
 Posse utrumque suæ tandem concedere laudi,
 Afris si totus residens exercitus oris
 Trans mare mittatur, facto et discrimine primo
 Adveniat, rerum totas et sumat habenas
 Ipse, cito rumpit vocem; mittetur, et inquit
 120 Quod petis auxilium bello, pugnisque, Tarife,
 Et ne parva moræ fiant dispendia, centum
 Cursores mittit, sparsas qui littora, perque
 Vicinas urbes turmas, peditumque catervas
 Festini jubeant accedere ad Herculis undas.

Dum sparsas acies, et turmas undique velox
 Cogit Arabs, fervet totis Hispania regnis
 Delectu, juvenumque decem ter millia ducit
 Montibus ab gelidis, audacia corda Pelajus,
 Queis neque bellorum discrimina, nec labor ullus
 130 Signa metus, lassique animi, fractive vigoris
 Extorquere valet: duris exercita glebis,
 Pauperiemque pati docilis gens; insuper ardens
 Christiadum studio cultus, nomenque tuendi
 Mille per hostiles acies. Et si arma fuissent
 Omnibus in pugna, poscit Mars qualia, et artem

Pugnandi angustum pateretur discere tempus;
 Nullas Romanus, nec Græcia tota cohortes,
 Nec sua Alexander jactans invicta vocaret
 Agmina, Gens illo veniens de sanguine, solus
 140 Qui Romæ domiti decus ingens abstulit orbis,
 Distulit optatam vel plurima sæcula famam.

Parte alia totidem populos, in prælia ducit
 Oppas, delectu qui non contentus, ab omni
 Evocat Hesperia furtim notissima dudum
 Corda sibi. Simulare jubet, scribique, trahique
 Militis in numerum solo dulcique sequendi
 Præfulis in bellum studio, quam morte tueri,
 Si tulerit fors atra, velint; cui sanguine partam
 Victori palmam referent, laurosque virentes.
 150 Hoc tunc nomen erat; docuit post exitus altam
 Perfidiam. Validis instructi viribus omnes (a)
 Armati veniunt: gladius par omnibus, umbo

Æreus,

(a) Sciebat scilicet Oppas unde sibi repetenda arma essent ad improbum facinus tamdiu meditatum exequendum, quod perfici certe sine armis non poterat. Veroque simile mihi videtur, ut, dum Julianus exarmari populos satagebat, Oppas hanc occasionem nactus, plura sibi arma reposuerit, quibus in proximo bello uteretur.

Æreus, et squallens auro lorica, refulget
 Par tegmen capitis, Ictoque hastilia ferro,
 Et pharetra, et triplici volucres mucrone sagittæ.
 Hi complent acies terdenis millibus, omnes
 Imperio prompti, ducibus parere parati
 In quascumque velint partes deducere pugnam.

Nec minus interea Rudericus ab urbe Toleti
 160 Internos populos in prælia magna movebat,
 Turdullos, Celtas, Carpetanosque propinquos,
 Qui Bætis, fontesque Tagi, surgentis, et Anæ
 Flumina clara bibunt; quos mons Argenteus, et quos
 Durius irriguis oriens perlabitur undis.

Hos inter Princeps curru sublimis eburno (b)
 Fertur, quem Gothico ritu lucente smaragdo
 Plurimus irradians adamas, adamante pyropus
 Ornat, et eo quaesitæ in littore baccæ,
 Auro intertextæ; thorax, ocreæque recocto
 170 Longe auro fulgent; fulvum galea alta Leonem
 Sustinet immani rictu, flammæque vomentein,
 Pren-

(b) Ita omnes ad unum historici, quos viderim, apud
 quos celebris est magnificentissimus, ditissimusque appara-
 tus, quo Gothi Hispaniarum Domini ad bella etiam pro-
 cedebant.

Presentem regni dextra, lævaque coronam .
 Dextrum Sceptra latus, lævum mavortius ensis
 Occupat, et validum portendit dextera telum .
 Ante oculos clypeus pendet, non ære, nec auro,
 Sed neque multiplici gemmarum pondere mentem
 Qui rapiat: magnæ artis opus, mirabile textum
 In pretio est magno. Namque hic Didimaonis arte
 Dictæi, cujus dudum gens inclita nostras
 180 Venerat ad terras, fortis melioris amore,
 Fortia facta Virum, pugnataque bella Gothorum
 Cernere erat Regum. Fulvo hic cælarat in auro
 Ut Romanorum spoliis Athaulphus onustus (c)
 Placi-

(c) *Athaulphus hic scilicet vir rebus bellicis clarissimus, accepta in matrimonium ab Honorio Imperatore Galla Placidia sorore, quam apud Forum Cornelium sibi copulavit, ab eodem dono accepit Hispanienses Provincias, quas tutari ipse ab hostibus, et conservare desperabat; cum præsertim res Italicæ miserandum in modum diuturnis, infelicissimisque bellis vexatæ, abjectæque jacerent; et Roma ipsa, Imperii caput bis miserrimam dirptionem sustinisset: Suevi et Vandali Gallæciam, Alani Lusitaniam, et Carthaginensem provinciam invassissent: Silingi, quod Vandalorum genus erat alterum, Beticam*

Placidiam spoliis charam magis omnibus unam
 Ducebat sponsam, sociosque in regna vocabat
 Hesperidum primus. Fortes ut Vallia posthac (d)
 Vandalios Suevosque tribus congressus Alanos
 Sternebat pugnis, et totis cedere regnis
 Cogebat. Turmis Atilæ ut (mirabile dictu)

190 Quingenta Hunnorum Thodoredus millia, sola (e)

E 3

Pu-

occupassent, latis novi regni fundamentis, sublatus est Athaulphus ab altero ex Gothis suis Barcinone, quod cum bellorum avidissimi ipsi essent; animum eis ostendisset Athaulphus pacis artibus, quam bellicis paratorem.

(d) Interposito paucorum dierum Sigerici regno; suscepit Gothicum Imperium Vallia, quod multis ipse rebus bello præclare gestis meritis dudum fuerat, quodque natus mirifice amplificavit, devictis Suevis, Vandalis, Alanis, quos seorsim aggressus est tribus præliis, quæ totidem ei triumphos peperere.

(e) Sive Theodoredus, vel etiam Theodoricus cum Mæroveo Francorum Rege, atque Actio Rom. Exercitus Imperatore in campis Catalaunicis contra Atilam congressus est memorabili illo prælio, in quo scriptores unanimi consensu memoriæ proditum reliquerunt, biscentum Hun-

Pugna, bis centum spoliabat millibus, utque
 Reliquias Suevi furtim nova bella moventis
 Fundebat victor Thodoricus. Maxima præda (f)
 Ricciarus currum præcedit: Regia vestis,
 Et sceptrum, capitisque decus di dema fuisse
 Ostendunt Regem, captivum vincula monstrant
 Aurea, queis nexus, manicæ cum compede, multo
 Auro fulgentes. Sceptis sic tempora ludunt.

Parte alia victor Lusus Euricus, et acres (g)

300

*Hunnorum millia grandi internecione esse deleta; et nî
 Aetii perfida calliditas obstitisset; qui prælium illud con-
 secutus est dies, ultimus Atilæ, ejusque exercitui fuisset.
 Theodoredus autem in prælii exitu, cum jam nox incu-
 buisset, et cæco nihilominus Marte utrimque pugnaretur,
 fato functus est, oppressus ne ab multitudine suorum non
 cognitus; an ab hostibus? incertum.*

(f) Theodoricus frutic'dio viam sibi in paternum re-
 gnum aperuit. apertamque reliquit, ut eadem ipsa ab
 so'in dejiceretur. Pugnatum ab eo est apud flumen Orbi-
 gum contra Ricciarium Suevorum Regem, qui captus
 ab Gotho. regno primum, vita deinde est spoliatus.

(g) Fratrem Theodoricum Regno, vitæque privavit, et
 regno non contentus, quod tanto scelere comparaverat;
 vici-

200 Gallæcos, Bætim, Cantabros, Oppida Iberi,
 Celtiberos addit-regnis, urbemque Toleti
 Marte suis: spoliis et non contentus opimis
 Acer in internos Gallorum effunditur agros,
 Imperiū et sedes Arelatis collocat urbe.

Nec minus interea palmas, interque triumphos
 Artificis caelum prudens excolferat arte
 Eventus belli infustos. Alaricus ut arma (h)
 Iusta Clodovei stimulans, captusque duello

E 4

Victori

*vicinis Principibus Lusitaniam, Galleciam, Beticam
 eripuit; Cæsaraugustæ, Pampelonæ, Tarraconis, quam
 prope iunditus evertit, Toleti potius: penetravit in Gal-
 lias; et urbes, provinciasque subjiciens; Arelatem cum
 pervenisset; hyberna stativa exercitui suo in ea urbe
 concessit, ei urbs sepulcrum.*

*(h) Patri Eurico successerat Alaricus, et Francici re-
 gni potiundi injana cupiditate actus; movit omnia, ut
 Clodoveum in bellum urgeret. Initum est prælium in
 agro Vocladensi, quod cum diu ancipiti Marte pugnatum
 esset, et sese vicissim Reges agnovissent; alter in alterum
 pari mente, ac robore irruit. Stetere utraque acies
 adtonitæ, et testes futuræ victoriæ. Primo impetu utrim-
 que valido æque, ac feroci, uterque rex percussus est;*
prom-

Victori regnum cessit, vitam ictibus altis .

210 Hac Amalaricum fuffis Childbertus, et acer (i)

Clotarus instigant turmis: In limine Templi

Sternitur infelix, sacris dum quærit asyllum

Ædibus. At tu promissis, Ariane, maneres

Con-

promptior autem, celeriorque cum adversus hostem rediisset Clodoveus; Alaricum hasta confossum, atque extinctum dejecit ab equo.

(i) Clotildem Clodovei filiam duxerat ea lege, ut liceret sponsæ, quam baptismo acceperat, Catholicam fidem libere profiteri. At Arianus non diu stetit promissis, vexabatque crudelissime Clotildem, quæ nihilominus flecti patientia posse tantam sævitiam sperans, et exarmari, sustinebat omnia mirabili constantia. Cæterum cum sæpe ad sanguinem usque percussa fuisset, videretque nihil apud crudelem impiumque virum valere tot annorum cruciatibus probatam patientiam; omnia fratribus Childberto, Clotario, Theodorico aperuit, quorum exercitus superatis celeriter Pireneis, Barcinonem ductus est, et commisso cum hostibus prælio, iisdemque profligatis, cum in templo catholicorum, quostamdiu vexarat, asyllum quæreret Amalaricus; in ipso limine ab Gallo milite hasta transfixus est.

Connubii; claram nec Relligione Clotildem
 Ius contra, et leges vexasses. Mœnibus urbis (k)
 Emeritæ sceptrumque iuum, vitamque tueri
 Posse putat, stratis pleno certamine turmis,
 Agila, deseruit dudum quem pristina virtus.
 Detractum folio, conjuratique videres

220 Ludibrium populi, tractumque in funus acerbum.

Summo umbone nitet redimitus tempora lauris (l)
 Rex Leovigildus, fugiens cui Grajus opimas
 Cedebat captas urbes Betim inter, et Anam.
 Cessit et indomitus Pœnorum Cantaber armis,
 Romanique ducis. Rapiebat tela Suevus,

Non

(k) Otio deditus suorum in se primo despectum, odium
 deinde excitavit. Perturbatis itaque regni rebus, exerci-
 tum comparavit, Cordubam obsidione cinxit; sed obses-
 sorum virtute, crebrisque excursionibus exanimatus, tur-
 piter fugiens, immensas opes hostibus dereliquit. Postea
 apud Hspalim primo prælio victus, intra Emeritæ urbis
 mœnia visus sibi est posse et vitam tueri, et regnum.
 Sed infelix ab suis etiam ludibrio exceptus, velut per-
 sonatus Rex habitus, et derisus, postmodum est vita igno-
 miniose expoliatus.

(l) Mente, ingenii acumine, bellica virtute cum præ-
 cipuis

Non tamen ad pugnam, sed quæ victoris ovantis
 Sisteret ante pedes. Felix si victor ab hoste
 Externo, internum superasset fortius hostem.
 Extinctus juxta jacet Hermenegildus, acerbi
 230 Causa Patri fletus, meriti non causa doloris.

Svin-

cipuis Gothorum Regibus sane conferendus; et, si gentis ingenitam ferocitatem, et arianos errores dediscere potuisset, immortalem fuisset gloriam consecutus. Prædecessorum Regum ignavia, atque socordia factum erat, ut Græci rursus pluribus Hispaniensibus oppidis potirentur; Suevi tributum jugum excuterent; Cantabri in pristinam se libertatem vindicarent. Primos ab omni fere Hispania expulsi crebris victoriis; alios sæpe debellatos ad officium compulsi. Tot hostium victoriis clarus, adeptam gloriam turpavit nece filii Hermenegildi, qui Catholicam, quam professus paulo ante fuerat, fidem regno præferens; mori gloriose maluit, quam deserta fide, regnare. In hunc furorem cum actus fuisset Leovigildus suorum Gothorum metu potius, quam falsæ suæ professionis obtutu; antequam moreretur, Leandrum ab exilio revocatum obtestatus est, ut filium Regni heredem Reccaredum Catholica Doctrina erudiret; et satis agnoscens veritatem, ab ea profutenda humanis rationibus est deterritus.

Svintillam patrem populi pars infima Regem
 Ostendit clypei . Grajos hic arcet ab oris (m)
 Hesperiiis, raptis spoliatos urbibus, ultra
 Victor agit ponti fluctus, spesque eripit omnes
 Quæsitis toties regnis, cæloque fuendi.
 Nec procul hinc sceptri contemptor Vamba rebelles(n)
 Sub iuga mittebat populos cis,transque Pirennas;
 Nemaufosque agros inimicis ignibus urens
 Grandia devici linquit vestigia Pauli.

240 Quatuor est invehctus equis, quibus omnibus æqua
 Stirps, maculæ similes, eadem pulcherrima forma
 Corporis, indiscreta suis custodibus. Illi

Non

(m) *Reccaredi filius, inito regno, regis omnibus virtutibus adeo instructus visus est, ut Rex perfectissimus, paterque pauperum vulgo appellaretur. Bellicis artibus illustris, Græcos magnis copiis plures hispanienses urbes occupantes, novasque acquisitiones molientes ita compescuit, ac fregit, ut ab omni penitus Hispania exulare coacti fuerint, sublata etiam spe omni iterum in easdem oras cum exercitu descendendi. Felix, si ut erat bello strenuus, ac imperterritus, ita otio, ac pace uti recte voluisset.*

(n) *Sceptri contemptor Vamba communi consensione regno*

Non vanos horret strepitus; est ardua cervix;
 Argutumque caput, brevis alvus, obesaque terga,
 Luxuriatque toris animosum pectus, et armis
 Ut tuba clara sono concurrere jusserit arma,
 Ingentes tollunt animos; nec vividus uno
 Stare loco sanguis patitur, frænoque subacti
 Collectos tandem volvunt sub naribus ignes,

250

gno adeo dignus credebatur, ut proposita ei ab proceribus regni certa mors fuerit, nisi suffragiis electorum, votis populi, eum deposcentis, manus dedisset, Cessit illatę violentiæ cunctanter; et Rex plures, majoresque virtutes ostendit, quam in eo privato ceteri admirabantur, quamque plures voluissent. Procerum aliquot opera, quæ Regia virtus ingrata evadebat, atque incommoda, perturbatę res publicę sunt in Gallia Gothica, Catalaunia, Aragonia, Navarra, et Paulus Exercituum Imperator Rex est salutatus. At Vamba peritus belli supra adversarios omnes suos, coactō exercitu, profectus est in rebelles, quos præliis in omnibus protrivit. Devictis, debellatisque hostibus; rebusque regni compositis sacris, atque civilibus mira pietate, ac Religione, ultro se regno abdicavit, in cænobium se recepit, in quo et Religiosissime vixit, et morte sanctissima functus est.

- 150 Ore hausit pręgnans genitrix quos Bętis ad undas.
Sunt phalerę, et torques, sunt et gemmata cuique
Ornamenta, fulvum mandunt sub dentibus aurum.
Pone venit lectus sonipes Orelia luxu
Regifico, gemmis sed et auro pulchrior ipse, et
In quamcumque viam dederit fortuna, paratus
Corpore, vel cursu dominum, regemque tueri.
Circumstant proceres dextra, lęvaque frequentes,
Delecti regni proceres, quique agminis ingens
Robur, et intrepidi custodia maxima Regis.
- 260 Jamque propinquabat campis Rudericus apertis,
Turdullus quos acer arat Bętim inter et Anam;
Cum propius celso Marianos surgere montes
Vidit, et instructas acies, quibus ultima fervet
Planities. Oppas hic, et sua castra tenentes
Princeps expectant Regem, propiusque salutant,
Explicitis vento signis, dulcique tubarum
Concentu, lituique cavi, fidibusque canoris.
Ut tandem triplex exercitus omnis in unum
Convenit, patuitque oculis vis quanta moveret,
- 270 Si in numero vis certa foret, ferretur et hostem
Adversus: miles magno turgescere faustu
Incępit; tumidisque hostes in pręlia verbis
Provocat absentes; pleni spes firma triumphi
Est animo, damnatque moras, quas rumpere poscit.

- Nec minus interea Ruderici gaudia mentem
 Pertentant; fervetque animo spes indita, cernit
 Dum tantas acies, tantumque in milite robur,
 Ardere ad pugnas juvenes, ac temnere mortem.
 Ergo prius quam corde vigor, spes mente tepefcat,
 180 (Noscit enim quam sit varium, et mutabile vulgus)
 Utendum virtute ratus, trans agmina montes
 Ire jubet, tali et descendere montibus altis
 Ordine, planitiem teneant ut castra, parati,
 Et prompti ad pugnas justī sint agminis instar.
 Haud secus ac jussi faciunt; equitesque Pelajus
 Ante suos mittit, constat quibus ala sinistra;
 Inde suis Oppas instruxit cornua dextra.
 In medio sistunt pedites: qui spargere funda
 Saxa inimica sciunt, formant prima agmina, post hos
 290 Arcitenens agmen sequitur, tum tertius ordo
 Exhibet armatos hastis, teloque minaci.
 Ut fors obtulerat, gladius micat omnibus, ast non
 Par gladius; numerusque ingens non utile ferrum
 Tractat, et in pugnae longo discrimine certe
 Mansurum; Clypei potius nec regmen, ahænz
 Non galeæ, validos sed nec thoracis in ictus.
 Ardens armorum sortem subit unica virtus,
 Et spes in numero, justæ et fiducia causæ.
 Agmina Rex claudit, quem circum mille feruntur

300 Hastati juvenes, claros quos sanguis, et isti
Par animus, studiumque movet pro Rege, Deique
Lege sacra, patriæ pro libertate pacisci
Illustres animas. Totidem, mucronibus alte
Sublatis equites regem post agmina cingunt.

Nec vanum celeris motus, trepidumque fuisse
Consilium instructas acies deducere in æquor
Res docuit. Campos exercitus omnis apertos
Vix tenuit; cursor cum nuper missus, ut oras
Exploret, rapidus veniens referebat, ab Afris
310 Innumeras venisse acies, quæ littora late,
Et campos totos complerent: Insuper omnes
Hispalis, et Bætis turmas venientibus ultro
Accessisse refert; collatis scilicet armis,
Irruere in nostros sperant, et sternere turmas,
Quæ primæ montes altos, saltusque relinquunt.
Nec dictis dilata fides. Austrum inter et undas
Occiduas densam consurgere ad æthera nubem
Pulveris adspiciunt. Acies consistere Princeps
Imperat, et spatium castris designat, et alto
320 Castra jubet, rerum prudens, circumdare vallo.
Tum vigilum excubias duplicat, noctuque, diuque
Exploratores mittit, qui certa reportent.
Indicit sociis, alacres ut corpora curent,
Arma parent, stellis primoque oriente fugatis

Lumine, quisque locum teneat, servetque receptum ;
 Ne locus infidiis pateat, nondumque paratas
 Irruat in turmas hostis, fallatque dolosus.

- Ut campos tenuisse acies, et castra locasse
 Hesperias primum novit, viditque Tarifus;
- 330 Spes primas cernens tenues vanescere in auras,
 In melius vertit mentem, et ni pignora fortis
 Felicis rursus Julianus certa dedisset,
 Armorum quamvis secum tot millia ducat,
 Sitque animis, et mente ferox, venientia contra
 Agmina spectasset muros apud Hispalis altos;
 Non ignarus, amor patrius virtutis, et acris
 Roboris, et quantum dulcis, sacrique furoris
 Inspiret generoso animo, tenuique popello.
 Ergo movens turmas; paulum deflectit ab ortu
- 340 Solis ad occasum. Fixum stat corde locare
 Castra procul, campisque acies educere apertis
 Planities sæcunda jacet Bætum inter et Anam,
 Quam fluvius geminas in partes dividit Etes.
 (Voce una Hispani Guadaletem nomine dicunt)
 Hinc, atque hinc latos campos, rarisque vigentes
 Arboribus turmis offert, quibus ordine iusto
 Quisque acies possit validas exercitus agris
 Dividere, et tuta tentoria figere terra.
 Tunc primas turmas fluvium transnare Tarifus

350 Imperat, et pedites currit qua latior amnis,
 Pone sequi: turmis postremis agmina claudit
 Ipse, locum castris potiorē cingere circum
 Aggere murorum, lata circumdare fossa
 Præcipit, et vallo: Namque hic inimica parato
 Consilia expectare libet; seu tentet Iberus
 Hostiles acies armato invadere ferro,
 Seu totas vires alio convertere, et urbes
 Iam captas iterum priscis adscribere sceptris.

Hostilem agnovit mentem Rudericus, et acri
 360 Robore confidens sociorum, prælia sentit
 Poscere quos, longæque moras abrumperē, fortes
 Quas nolunt, pugnisque putant magis omnibus, armis
 Infestas; omnes virtuti solvit habenas.
 Castra movere jubet, ferri recto ordine in hostem,
 Quem vallo septum novit; quem linquere vallum
 Cogi posse putat, campo et concurrere aperto.
 Si renuat, missis circumdabit undique septa
 Agminibus, frangetque hostes armisque, fameque.
 His animis ardens miles sua castra relinquit

370 Impiger, arreptamque viam, longumque laborem
 Incessu celeri breviat, servatque, cavetque
 Imperturbato ut gradiens exercitus omnis
 Ordine, conservet formam noctuque, diuque
 Non secus ac medios incedat turma per hostes.

- Et jam primæ acies vicinos fluminis Ectis
Attigerant campos, cum contra inimica tuentur
Castra procul, firmis cinctæ quæ mænibus urbis
Instar, agros spatio complent, atque insuper omnem
Prospectum eripiunt oculis. Consistere iussa
380 Agmina, delectumque locum circumdare fossa,
Aggere munire, et densis includere palis.
Iussa viri properant celeres, omnemque laborem
Sortiti, duro intactas attollere glebas
Pars certat ferro, strictisque ligonibus altas
Effodiunt fossas. Alii tellure tenaci
Effossa, formando insudant aggere: raris
Pars spoliât campos, et ripas fluminis omnes
Arboribus; truncos alii fulgente bipenni
Certatim doctique dolant, scinduntque dolatos
390 Quatuor in partes: forma pars omnis acuta
Instruitur, valli qualem natura reposcit.
Ast alli rivos ducunt in castra; profundos
Effodiunt alii puteos; pars altera portas
Extruit, et validis addit munimina portis.
Fervet opus totis campis. Nec surgere moles
Arma inimica vetant; equitum quando agmina longe
Castrorum ab vallis, cæptisque laboribus arcent
Assiduis pugnâ, crebrisque excursibus hostes;
Nec sine multorum crebra hæc tentamina fiunt

400 Cæde tamen: soli fuso nec sanguine pænas
Dant Arabes; fato simili cæduntur utrique,
Quique opus incæptum certant prosternere, quique
Artifices, operumque volunt incæpta tueri.

Exemplis equitum pertractæ in prælia firmæ
Sunt acies peditum. Iuvenum manus impigra poscit
Hostes induci contra, virtutis, et artis
Tentamenta suæ facere, atque agnoscere quantus
Surgat Arabs gladio, quanta vi fulminet hastam,
Quam dexter telum vibret, volucresque sagittas,

410 Arma prius certent totis quam viribus armis.

Annuit et votis Rudericus, fortia namque
Castra videt valido circumdata robore; laudat
Parva prius duras contra certamina Mauros
Institui, nova ne facies, insuetaque turbet
Hispanos, cum tempus erit concurrere totis
Agminibus: discant experti, sæpe latere
Fæmineos animos duræ sub imagine formæ,
Non forma, sed corde geri implacabile bellum.

Ergo feri castris erumpunt; flumina præter
420 Turmatim gressi, visis procul hostibus, armis
Insultant, Arabes signis, sed voce rebelles
In patriam socios Juliani ad bella laceffunt:
Nec venti rapuere minas; longumque vocari
Sustinuere; suos levia ad certamina primus

- Dux Maurus, patriæque vaser dein proditor, oti,
Atque moræ impatiens Iulianus tendere contra
Mille jubet pedites hinc, atque hinc; mille sequuntur
Partiti turmis equites; numerumque paremve,
Vel non dissimilem longe ut prospexit Iberus,
430 Constat, et contra venientes fervidus hostes
Exspectat. Teli ad jactum vix agmen equestre
Venerat impatiens pugnæ, cum tela vicissim
Et celeres hastas acies contorsit in hostes
Utraque. Tum ferri liquidum super aera nimbus
Ingruit, et sparsus primo certamine sanguis
Excitat horribiles, acuitque in prælia vires
Amborum. Surgunt iræ, subeuntque virilis
Virtutis, mentisque locum; fremit effera pubes,
Cominus et pugnæ ardet miscere: coruscat
440 Ferrea mucronum messis, gladiique rotantur
Fulminis in morem; sanguis fluit undique rivis,
Commistisque viris, et mixtis ensibus anceps
Stat Martis fortuna diu. Cadit Hesperus inde,
Sternitur et passim Maurus discrimine nullo.

Nec numero ex tanto miles super ultimus esset
Ni sol occiduis dudum festinus in undis
Ardentes merisset equos, noxque humida primis,
Non frustra adveniens, obvolveret arva tenebris.
Pugnandi cessit nocti furor; effera cessit

450 Sanguinis hostilis rabies, et dira voluptas,
Cum demum socios vetuit distinguere ab hoste
Nox fuscis acies complectens cominus alis.
In sua tunc tandem pugnator quisque receptus
Castra, quot hostilis socios absumserat ensis
Agnovit; sed plena quibus victoria castris
Cesserit, incertum, donec sol æquore surgens
Inter confusæ distinxit cædis acervos.

Quatuor inde dies instaurant prælia; sorte
Nec valde abssimili pugnatum. Corde sed imo
460 Acrius insurgunt iræ, quibus ignibus ardent
Agmina, sanguineæ quæ tot discrimina pugnæ
Nondum tentarunt, propius nondum ora, trucesque
Lustrarunt Arabum vultus. Lux quinta coegit
Hesperios, Arabesque acies educere castris
Omnes in pugnam, totis concurrere tandem
Viribus, extremam rerum dissolvere sortem.

Excipiunt turbæ plausu, fremituque secundo
Supremum venisse diem, qui littore pèllet
Hesperio Mauros, et quo sacra templa, penates
470 Et patrios possunt, libertatemque tueri
Hostes externos contra, gnatosque rebelles.
Corpora curarunt vigiles, atque æthere nondum
Aurora in roseis fulgebat lutea bigis;
Cum rauco lituum sonitu, strepituque tubarum

Sublatum ad ventos supra tentoria Regis
Vexillum regni primum. Mox quisque sub armis
Sortiturque locum, densis adstatque manipulis.
Procedit castris ardens equitatus apertis,
Et longo flexu dextra, lævaque patentes
480 Amplectens campos; tempus, spatiumque relinquit,
Quo pedites acie possint iusto ordine sisti.

Primam aciem formant juvenes, Balearica misse
Insula quos bello doctos; his tempora cingit
Funda teres, qua saxa pluunt, vel plumbea grando.
Nam quando monuit signum concurrere in hostes;
Hi primi pugnas ineunt: nec certius ullum
Vulnus, aut clades hosti procul imminet ulla
Certa magis; pugnant falcato cominus ense.
Post hos armati telis, levibusque sagittis
490 Instruxere acies. Curru sublimis eburno
Has claudit multis cinctus Rex millibus, unde
Eventus pugnae varios, casusque tueri
Possit, et afflictis melius succurrere rebus.

Ipse etiam turmas, aciesque in prælia ductor
Jam Maurus castris eduxerat, agmina miscens
Maurica fida magis scelerato milite signa,
Impia signa, ducem dirum, sævumque secuto.
Circumstant ipsum juvenum bis millia quinque
Lectorum numero ex omni; Sunt omnibus enses,

500 Omnibus et lato fulgent hastilia ferro.

Hi spes, et fortuna Ducis, rebusque supremis
Præsidium sunt. Turmas sic rite parabat,
Dum totas acies, quantum vis integra vocis
Ferre valet, stimulis acuit Rudericus in arma.

Gratulor et vobis, inquit, cupientibus illum
Advenisse diem, tantisque laboribus ante
Quæsitum tempus, patriam quo, jura Deique
Et gentis nostræ egregium defendere nomen
Perfido ab hoste datur, tenuit quem nulla sacrorum
510 Relligio, nullæ naturæ aut vincula, leges;
Barbaro ab hoste, movet quem sola insana cupido
Cervicibus nostris turpissima jura Maconis
Ponendi, legumque jugum, quod ferre gementes
Tot jam Christiades scimus, telluris opimæ
Cæcus amor, studiumque ardens altaria divum
Vertere. Servitio infami natosque, patresque
Addicunt, gnatas, uxores turpia cogunt
Ferre ministeria, et dominis servire nefandis.
Quæ immineant vobis, quid fando demoror?) ante
520 Sunt oculos vestros. Scitis quibus oppida nuper
Capta malis, quanto lacrymarum flumine sortem
Infandam, amissam libertatemque sequantur.
Arrisit fortuna quidem certamine Mauris,
Quo cecidit, vicio alterius, mihi sanguine junctus

- Sancius: hoc tumidus successu Maurus, et amens
Difficiles ultra sese conjecit in oras,
Unde referre pedem, patriasque requirere terras
Non possit, virtute uti, si et forte velimus
Felici, quam offert nobis bene numen amicum,
530 Infensum sceleri Maurorum. Vicinus olim
Hos Afros siccis Libæ, Nomadumque perustis
Littoribus: pulsi nostris ab finibus hostes
Grande decus Gothicum planctu super astra tulere.
Nosque rapi gentes nostras, verti oppida, regna
Transferri in Mauros vilissima pectora, durum
Servitium, domini nati, patiemur inulti?
Segnitie nostra sceptrum mutasse eatenis
Hæ speriam, dici timidi, vilesque feremus?
Horresco memorans. Complent ecce agmina campos,
540 Quæ curas obtestantur, quibus arma, ducesque
Militibus, formam ducibus, ritusque paravi
Vincendi. Quicquid pietas, sceptrumque reposcit,
Quicquid Relligio, nostræ quoque gloria gentis
Postulat, ipsi vos testes, perfecimus: unum
Nunc superest, et majus opus, quod denique vestrum
In manibus positum lætor. Victoria nempe
Certa manet, si vestra uti virtute velitis,
Nunc cum majorum nomen, quod barbarus ardet
Obscurare, Gothus sanguis, quem optatque, sititque ;

- 550 Christiadam cultus, ritu temerare nefando
 Quos quærit, vestra dependent omnia dextra.
 In vos sunt oculi versi omnes. Vincite pugnam hanc,
 Ista dabit vobis plenos et ab hoste triumphos.
 Nec minus interea verbis, signisque Tarifus
 Impellens Arabes, campos monstrabat apertos
 Ante oculos, acies hostiles, æquora ponti
 A tergo, non jam laudem, et nova regna, salutem
 Omnibus, et vitam, libertatemque requiri.
 Esse fugæ nullam timido, vitæque tuendæ
 560 Spem nullam, præter vitæ, mortisque ferocem
 Contemptum, quem certa manet victoria; Pugnam
 Hinc unam sceptrum Europæ, tumulumve daturam
 Hesperiiis Arabi campis; palmasque, cupressos
 Funereas esse ante oculos: discernere solum
 Inter utrasque animi robur. Memorabat avorum
 Ex Asia, atque Africa lauros, cladesque recentes
 Quæis ipsi nuper totam terroribus atris
 Hesperiam excierant: acies contraque coactas
 Ense ferox signans: En agmina maxima, dixit,
 570 Vis quorum in numero est omnis; nam corpora præter
 Quid j. stare valet collectum milite tracto
 Hinc, atque hinc agmen raptim? Vis magna Gothorum
 In numero est nostro, nobiscum pugnat, in illis
 Sola manet species, vani quoque nominis umbra:

Quam quanti faciam, factis hæc dextera, quorum
Vos testes cupio, sectatoresque, docuit.

Hæc dicens, pugnae signum dedit. Horrida mille
Timpana mox strepitu sonuerunt: æthera rauco
Complerunt litui sonitu; clangore tubarum,
580 Pugnantumque feris clamoribus æther, et omnis
Intremuit longe tellus, percussus et Ettes,
Et Bætis, rapidusque Anas videre fluenta
Urgeri cursum contra, retroque referri.

Irrumpunt Arabes, venientes occupat acer
Funditor injecta saxorum grandine primus,
Qua pressus sistit, turbatur et impetus hostis.
Nec cessare tamen, quamvis lumenque, diemque
Ex oculis densa tolli caligine cernunt,
Quam jaculum nimbus, turbo volucrisque sagittæ
590 Excitat. Incurrunt odiis violentius acti,
Cum sterni passim socios, gemitusque cadentum
Excipiunt, lateque vident fluere arva cruore.
Ira docet non jam incertis decernere longe
Missilibus; curvos sed uterque exercitus enses
Stringit, et hos punctim, cessim nunc percutit illos
Absque mora, et requie: tepidis et sternitur arvis
Trunca manus truncumque caput: sed pectus apertum
Immani est aliis ictu, rivosque cruoris
Vulnere, et ore vomunt; strepitum miscetur in unum

- 600 Pugnantum clamor, gemitus, fremitusque cadentum,
Armorumque sonus: Peditum confusa ruebant
Agmina; cædebant Arabes. cæssique cadebant
Marte diu cæco; turmas cum ductor equestres
Impulit in sævos hostes, atque arma Pelajus
Arte locum sp- culatus eques, quo perfida prædo
Agmina ducebat Julianus. Funera fando,
Ingentesque sequi verbis quis cladis acervos,
Irarumve æstus poterit? Fornacis ut ignis
Crescit in immensum, volvitque ad sydera rubros
- 610 Flammarum globulos, quoties vis virgea large
Injicitur; qualem ruptis fornacibus Æthnam
Vidimus undantem, liquefactaque saxa sub auras
Immensis flammis revomentem; pinguiâ quando
Incidit in nitri cumulum, vel sulphura; clades
Haud aliter, tristesque iræ, pugneque furores
Acrius insurgunt, vires et ab hoste propinquo
Majores capiunt. Adeo certamine denso
Concurrunt, vix ut telis, gladiisque rotandis
Sit spatium, pateat solis aditusque, locusque
- 620 Vulneribus. Strages dextra, lævaque frequentes
Accensus furiis curru Rudericus ab alto
Hostibus intulerat; procerum primosque minaci
Urgebat telo propius: cum forte Pelajus
Agnovitque procal Julianum, et tendere furtim

- In Regem vidit, speculatum tempus iniquum,
Exarsere ignes animo, subiitque malorum
Tristis imago, quibus patriæ communis Erynnis
Hesperiam totam prædo devoverat. Hic ne
Perfidus exultans animo, jactansque videbit
630 Excussos populos, nostro fluere arva cruore,
Extingui procerum primos, Regemque sudore, et
Sanguine conspersum mediæ discrimine pugnae
Urgeri, plaudetque sibi, quod florida regna
Privatis odiis concesserit? Insuper ardet
Regali dici sceleratas sanguine prædo
Intinxisse manus, odii que expleisse furorem
Insanum, Rege interfecto? Non ita, dixit;
Aut hac infamem dextra sub tartara mittam
Prædonem patriæ, et pœnas de crimine sumam;
640 Aut tentasse mei jactura sanguinis, ævo
Omni laudabor facinus. Vi corripit hastam
Fervidus ingentem; latum densosque per hostes
Findit iter. Contra venientem novit in armis,
Seque peti solum Julianus. Constitit acri
Percussus, subitoque metu; scit quantus in hasta
Adsurgat Princeps, quanta et virtute Pelajus
Emineat. Sceleris terret præsentia, cujus
Ante oculos tristis facies, fructusque nefandi.
Dum quid agat, versat; speculatus iusta Pelajus

650 Tempora, vi insolita fervens calcaria fido
 Subdit equo, ferturque volans, subque inguine lævo
 Confixit totis subjectam viribus hastam,
 Retraxitque citus: sequitur tunc sanguinis atri
 Rivus, et ad nigras animus detruditur umbras. (c)
 Inde alios juxta sequitur, tepidoque cruore
 Hastam rotantem nunc hos, nunc torquet in illos
 Strage pari, certos ventus non excipit ictus.

Iamque acies Arabum percussæ clade suprema
 Cedebant campis; ingens et ab hoste triumphus
 660 Hesperiiis aderat turmis: cum perfidus Oppas (p)
 Mente

(c) *Perditi hujus proditoris fatum incertum quidem apud scriptores, apud quos post hocce prælium nulla ejus certa, et constans mentio. Si superses fuisset ex pugna, non omnino inutilis ejus opera Mauris videtur futura. Sunt qui velint post prælium hocce ipsi quoque Arabibus despectum, ut accidere proditori solet, fuisse, et tuta in arce clausum reliquos vitæ suæ dies duxisse miserrime. Nec minus asperam sortem uxori, et filia ejus contigisse: ut in eo plenissime adimpleretur divinum oraculum; generationem scilicet impij radicitus extirpandam.*

(p) *Prodicionem hanc in ipso prælio, cum jam Mauri*
prope

Mente dolos, testumque scelus furiale retexit;
 Atque equitum dextrum cornu, quod milite lecto,
 Insidias animo versans, instruxerat acri
 Contra defessos socios certamine vertit
 Impius, et totis procumbit viribus hostis
 Hesperios contra. Fessæ stupere cohortes
 Fraude nova capræ: prostrato reddita virtus
 Et spes est Arabi fugienti. A fronte petuntur,
 Et latere Hispani; contra hos nova prælia surgunt,
 670 Cum longa fracti pugna, vix arma tenere,
 Ægre stare valent. Confusis agmina passim
 Ordinibus, multa cæduntur strage. Pelajus,
 Et juxta Alphonsus sustentant prælia, donec
 Rex investus equo pugna subducere sese, (q)

Et

prope afflicti, prostratique hostium vires conatusque sustinere longius non posse sibi videbantur, alii filiis Vvitiæ tribuerunt: nobis cum aliis vero videtur similis, Oppæ adscribendam; cum is esset perfidus hic præsul, qui in hoc negotio regere nepotes suos, quam regi ab illis mallet. Hoc certissimum apparet, ab hac prodicione victoriam Arabibus, cladem extremam nostratibus accidisse.

(q) *Subduxit sese ab pugna Rudericus ope equi, ad fugam,*

Et vitam possit fugiens contra arma tueri.
 Nec cessere loco, finemque dedere labori,
 Adveniens donec densis nox atra tenebris
 Hesperidum obvolvît miseram caligine cladem.

fugam, si opus esset, parati; cum bellicæ virtutis, ac roboris dedisset in pugna experimenta haud pauca. Quo fato extinctus sit, incertum. Equus trans flumen in loco paludoso paulo post inventus cum diademate, regio amiæu, ocreis. Ducentos post annos fertur fuisse detectum Visei in Lusitania sepulchrum, cujus inscriptio significabat, ibi ossa Ruderici requiescere.

FINIS LIBRI TERTII.



LIBER QUARTUS



ARGUMENTUM.

Hesperie rursus dejectis viribus, Afri
 Urbibus, et regnis potuerunt. Muza, Tatifus
 Abdalazizus victricia signa reportant,
 Subjuga jam missis populis, quot fluminis Anæ
 Ab ripis nimboſa colunt poſtrema Pirænis
 Culmina. Victori conceſſit Murcia, ſalva
 Religione patrum. Emeritam Dux Muza ſubegit
 Grandia linquentem ſæclis exempla futuris.



Nunc age quas ſtrages, Clio, quæ funera Mauri
 Ediderint, celeri curſu quot regna Maconis
 Subdiderintque jugo turpi, cultuque nefando
 Polluerint; lapſi maneat quem gloria regni
 Reliquias ſervaffe, quibus, venientibus annis
 Crevit aduſta novis Hiſpana potentia regnis,
 Tu vatem, tu, Muſa, mone, cui credita priſca
 Faſtorumque fides, veterum et cuſtodia rerum.

Poſtera cum tenebris ſurgens aurora fugatis
 ro Sublatum ex oculis ſolemque, diemque reduxit;

Egredi castriſ Arabes toto æquore campi
 Proſtratas acies, confuſæ cædis acervos,
 Communique vident concretam ſanguine terram,
 Quantam acie poſſunt oculi ſervare tuentum,
 Agnoſcuntque ſuos, Martis quos ira, furorque
 Sanguine perſuſos hoſtili, et vulnere multo
 Abſtulerant cæſos. Duplex hic fuſa jacebat
 Vitizzæ proles princeps Siſebutus, et Ebbas,
 Impulit in fraudem miſeros quos impius Oppas,
 20 Fraus et in interitum. Julianum vulnere foſſum
 Inviſam mordere vident telluris arenam,
 Huncque jacet circum confuſum vulgus. Agazel,
 Selimus, Muleaſſus atrox, et ſanguine perſo
 Natus Aronthæus, pugnæ quem ſola coegit
 Gloria, quem juvenem prima in certamina traxit
 Laudis amor, patriæ virtutis et æmula virtus,
 Alcamam circumcernuntur; vulnere quique hunc (a)
 Confoſſum letho dederit, quem gloria facti
 Egregii maneat, res eſt incognita: et inde
 30 Agnoſcunt alios paſſim ſine nomine campis

Pro.

(a) Duſſorem Alcamam in prælio extinctum credimus,
 cum ejus nulla deinde mentio fiat; neque par ſit, ut Al-
 camam, et Alcamannum virum eundem exiſtimemus.

G

Prostratos. Hostes internecione suprema
Deletos credunt; postquam alta silentia castris,
Nulla inimica vident insignia: castra patere
Conspiciunt propius: nullo custode relictī
Sunt currus, et equi, belli quoque lauta supellex.
Militibus demum prædandi ut facta potestas,
Omnia percurrunt, castris potiuntur apertis,
Diripiuntque ducum tentoria: Regia præda,
Quæ Gothico luxu splendet, fatiatque, gravatque
40 Maurorum cupidos animos; jussuque Tarifi
Præda omnis cumulum interea glomeratur in unum
Distribuenda dein, justa vel forte trahenda.

Conscius at tantæ cladis, cædisque Pelajus
Reliquias pugnæ, prima jam nocte movebat
Solicitus, duplicatque viæ, cursusque laborem
Multa movens animo, casu et concussus acerbo,
Non tamen afflictus, vel spe dejectus ab omni:
Et quacumque viam tendit, nunc excipit hosce,
Nunc illos fovet afflictos. Ut sæpe colonus
50 Impiger, immani fuscus cui grandine nimbus
Flaventes late campis contrivit aristas,
Colligit exuvias tenues, queis turbo pepercit,
Quasque instaurandæ segeti fore semina nescit.
Haud aliter fusos adverso marte Pelajus,
Vel studio propero venientes colligit ultro.

Cordi est prima Duci pietas, et cura sacrorum, (b)
 Quæ servare cupit fœdis ex hostibus, omni
 Posthabita rerum cura quacumque suarum.

- Ergo iter intendit rectum; primumque Toleti
 60 Mœnia magna petit. Locupletem scilicet urbem,
 Regnorumque caput, collectis viribus, hostes
 Si sapiunt, bellicue volent felicibus uti
 Ominibus, cingent armis: qua si urbe potiri
 Principe contigerit, regnorum cætera certo
 Oppida fortunam, sortemque sequentur eandem.
 His curis ardens sacrorum rite ministros,
 Ac primo Urbanum, cingit cui tempora mitra,
 Adloquitur; sacros libros, sacra vasa, beatas
 Exuvias clara quondam virtute virorum
 70 Infami properent servare ab gente suadet,
 Se duce: querendum rebus, rerumque ministris
 Perfugium tutum sacris, ne turpiter audax
 Sacrilegus nostris insultet ritibus hostis.

G 2

Nec

(b) *Has fuisse post acceptam cladem primas, precipuasque curas pii Pelaji constans est scriptorum sententia; Ducemque ab omnibus habitum eundem veluti scepro hispaniensis propiore Principem in extrema illa rerum omnium perturbatione.*

Nec mora consiliis. Procedunt ordine longo
 Qui libros, et vasa ferunt, qui corpora divum
 Relligione patrum multos servata per annos
 Suppositis humeris, arcis inclusa superbis;
 Nec labor iste gravis gestantibus. Omnibus ante
 Alphonfus Princeps, circum quem mille feruntur
 80 Armati: totidem hinc porro, atque hinc agmine denso
 Sacra reportantes stipant, et sacra canentes.
 Quatuor ex omni delectos ordine secum
 Mille regens, agmen sequitur, clauditque Pelajus,
 In pugnam promptis animis, si forte furentes
 Auderent vim ferre piis gradientibus hostes.
 Dum properans acies gazam servare sacrorum
 Tendit iter tutum, sedes fidasque requirit.
 Muza senex afris aderat devectus ab oris,
 Excitus ad pugnas alienæ laudis amore, (c)
 90 Crescere quam torvis oculis, et surgere cernit;
 Nec domitæ nomen primo, famamque Tariso
 Hesperix vult posse dari, se præside summo.

Ergo

(c) Muzæ, Tarisique similitates ex sola invidia ortæ
 notissimæ sunt apud historicos, ut ex iisdem etiam ha-
 bemus, easdem similitates in Muzæ primum, deinde in
 Tarisi caput recidisse.

Ergo ducum primos in magnum rite vocatos
Concilium, postquam docuit, nil hætenus actum
Felici pugnae eventu, tantoque labore;
Sorte uti si forte sua, rebusque secundis
Nescierint, fructusque sequi, quos plena reposcit
In tanto rerum casu victoria, dixit;
Nunc quoniam clade accepta, sunt hostibus omnes
100 Absumptæ vires, nec eis spes ulla relicta
Armandi ingentes acies, quæ fructibus uti
Tanta clade vetent partis; nostra agmina partes
(In mare qua pateat nostris via libera terris)
In tres partiti jubeo. Malaca, Granata
Sunto tibi, turmisque tuis pinguißima laudis
Et pretii messis magni, æternique, Maquede;
Tuque, Tarife, tuas acies quæ Corduba regnat,
Victrices acies duces. Capta urbe, Toletum
Advenies, passim postquam tua sub juga montes;
110 Planities, urbes locupletes miseris: Illuc
Castra locanda tibi, quod nos veniemus opimis
Insignes spoliis, si quid mens augurat æqui,
Quæ Bætis, quæ dives Anas, quæ Durius. et quæ
Multa Tagus, Miniusque dabunt. Ergo ite secundo
Omne, et Vlti sceptris ditissima regna
Addite, et hæc nostris accrescat gloria gestis.
Imperium prompti accipiunt, læaque agmina cogunt

- Ductores. Sævit totis mox impia regnis
 Vis martis. Sylva ut magnos cito concipit ignes,
 120 Ingentesque globos flammarum tollit ad astra,
 Jam siccis avidus stipulis cum forte colonus
 Scintillam iniecit, partes speculatus opacas,
 Quæque magis pateant graviter tunc flantibus austris.
 Haud aliter variis ardet correpta cohortum
 Viribus Hesperis tellus; trepidantque, caduntque
 Ingentes passim populi. Capta oppida centum
 Victoris sese Imperio, rebusque Tarifi,
 Relligione patrum salva, intactaque dedere.
 Corduba dives equis cessit. Cessere Maquedo
 130 Quot populi Malaca regit, quot magna Granata, (d)
 Regia Maurorum quæ per tot sæcla futura,
 In quam venturi ferrent sua vota nepotes
 Spe non dejecti, quamvis et Maurus ab omni
 Exu-

(d) Audi Bunonem in notis Cluverianis. Ut a Christianis Hierosolyma, ita hæc civitas a Mauris desideratur, adeo ut, ob ejus amissionem singulis diebus Veneris Vexilla sua abscondant. Quanta fuerit illis temporibus magnitudo, amplitudo, frequentia, oppulgentia urbis hujus non sine admiratione legitur apud plerosque scriptores, quos adi, si lubet.

Exulet Hesperia, forti et circumdata muro
 Despiciat vires hostiles. Non ita Muzæ
 Contigit Emeritam dira ditio tenere.
 Nec vos indictos, cives, vestramque silebo
 Egregiam virtute, viri, belloque relatam
 In longo laudem: quam si mea carmina possent
 140 In præsens quidquam tempus, tempusve futurum,
 Servari vellem, duroque perennius ære.

Urbs antiqua jacet (quondam tenuere coloni (c)
 Romulei) fluctus rapidos trans fluminis Anæ;
 Et qua nulla solo, nulla est vernantibus arvis
 Pulchrior in terris Lusis, vel ditior. Illam
 Mœnibus ut firmis, fossis, vallisque, præaltis
 Turribus instructam vidit stupefactus, et hærens
 Muza ferox, dixisse suis narratur, in urbis
 Illius ornatum, munimentumque labores
 150 Addixisse suos, insudavisse diuque
 Terrarum gentes omnes; se divite præda
 Hac fore contentum sola. Sed nescia vinci
 Urbs armis, cives infracto robore, quamvis

G 4

Exi-

(c) Augusta Emerita ab Augusto Casare coadita, et
 ab eodem destinata militibus qui jam stipendiis confectis,
 emeriti dicebantur; unde ab utroque ei urbi vetus nomen.
 Est autem juris hispaniensis

- Exigui numero, venienti ferrea claustra
 Portarum obiciunt, et acuto cuspide valli
 Æternos vestes, et inundant flumine fossas.
 His aliud majus jungunt, hostique verendum
 Munimen tum sorte magis; fortissima nempe
 Pectora, v'atricibus nunquam cessura catervis.
 160 Quæ neque telorum turbari grandine possint,
 Sive animis frangi, crebro licet ariete muri
 Concussi trepident; latis rimisve dehiscant.
 Omnibus idem animus, firmumque est omnibus idem
 Consilium, turpi patriam defendere ab hoste
 Sanguine profuso, patriave cadente perire.
 Nec Muzam latuere diu viresque, vigorque
 Invisæ gentis. Castris vix cinxerat urbem
 Undique compositis; cum cives agmina totis
 Educunt portis, inimicaque castra feroces
 170 Invadunt, ad pugnam armis, verbisque laceffunt.
 Nec mora sit promptis animis; pugna aspera surgit
 Cominus; incertos arcus, celeresque sagittas
 Deponunt, lato capiunt hastilia ferro,
 Fortiferosque manu gladios, quos flumine tinctos
 Credideris stygio; crebris sic ictibus umbo
 Æneus et multo taurorum tegmine crudo
 Defensus, scissus tenues evadit in auras.
 Nec galeæ capiti, nec sunt custodia tuta

Pectoribus, squammis loricae, auroque rigentes.

- 180 Cæsim finduntur validis mucronibus, amplam
Vel ferro, fatoque viam, mortique dedere.
Fit totos strages per campos horrida, rivis
It cruor; armorum sævus magis ingruit horror,
Quo plures letho occumbunt; viresque ministrat
Corporibus pugna fractis sola integra virtus.

Non tulit egregios cives, contraque furentes
Spes omnes fati felicitis Muza, coegit

Majores acies; his auctus fertur in hostes

- Acrius: hi numero pressi tantum impare tandem
190 Terga dare, et muri coguntur quærere septa.

Sed fuga fortis erat, fortique simillima pugnae.

Agnovit factis edoctus Muza, virorum

Esse genus, quod non armis, campove patenti,

Nec posset virtute peti. Ergo fraudibus uti

Insidiisque parat: quando certamina cives

In nova venturos, certa est sententia menti.

Nec mens vana fuit. Læsus vix namque quietem

Gustarat miles, vix saucius artubus ægris

Attulerat propero studio medicamina prima;

- 200 Cum rursus sese portis effundit apertis

Bello invicta manus juvenum, quos sola voluptas,

Et laus sola acuit patriæ sub mænibus altis

Pugnantes sædo defendere ab hoste penates,

Aut urbis casum privata obvolvere clade.

Tecti ergo parmis inimica in castra feruntur

Impavidi, ferro dextra, lævaque trucidant

Adversos quoscumque; metus diffunditur ingens,

Atque metu rumor per Maurica valla, propinquas

In pugnam totis concurrere viribus urbes;

210 Quæque timent vidisse putant. Sed conscia fraudis

Pars potior, simulatque fugam, sociosque dolosæ

Ignaros artis, vallum vehementius urget

Intra castrorum, et totis discedere pugnis,

Longius ut cives abscedant mœnibus urbis.

Nec procul ab castris aberant hostilibus, acres

A tergo claudi cum cives hostibus, armis

Ipsa à fronte peti speculantur; namque reductis

En adsunt hastis, strictisque mucronibus ipsi

Qui modo terga dabant. Fraudes sic arte pararat,

220 Insidiasque novas, acies sic vertere Muza

Infractosque animos sperans, quos Marte videbat

Difficiles victu. Delecto milite fossam

Amplam complerat, muris, quæ non procul urbis

Abdita, quæstis fraudique, dolisque jacebat.

Iusserat hos latebris emergere, fervidus hostis

Cum turmas, aciesque fugam, pavidumque timorem

Fingentes strictis telis procul urbe sequetur;

Atque ipsum prohibere via cum mœnia quæret.

Agnovit pugna acies discrimen, utrimque

- 230 Capta manu hostili, mortis non capta timore;
 Attollensque animos majores, inquit, irultus
 Nemo cadet nostrum, circum licet undique cincti
 Hostilibus turm's, armisque premamur iniquis.
 Terga simul castris vertunt, et tela cruore
 Sparſa diu, gladios rorantes sanguine, pugna
 Defeſſi quamvis longa, ſubeuntia contra
 Agmina convertunt, via fit mucronibus ampla,
 Hostibus et stratis, urbe excipiuntur amica.

Exigui tandem numero coguntur aperto

- 240 Marte carere, gravi nulli ſe credere pugnae.
 Viribus infractis adſunt ad mœnia. Vana
 Redditur ars omnis, ſævi quoque machina belli
 Ingenium contra civis, roburque virile.
 Muza fremit rabie, nec tantum clade ſuorum
 Indignatur atrox, quantum furit, urbe quod una
 Victoris laurus, curſus bellicue moretur.
 Nec cives ceſſere prius fraudive, dolive,
 Et longæ fami, vel mœnia victa dedere,
 Quam ſalvas res cuique ſuas conceſſerit hostis.

- 250 Muza ſed optata demum ſic urbe potitus,
 In partes geminas acies mox dividit, unam
 Subjicit Abdalaſizzo, qui nuper ab aſris
 Littoribus, tantæ laudis ſtimulatus amore

Venerat, et gnatus Patrem nova bella gerentem
Orabat focius tantis adsciscier armis.

Altera victorem sequitur; qui exinde Toleti
Mænia magna petit, quæ jam obsidione premebat,
Devotis populis aliis, castrisque Tarifus.

Regia nec longum victricibus obstitit armis

260 Urbs rectore carens, sensusque adsueta tot annis
Illecebris vinci, turpi et consumier igne.

At sanctos patriæ ritus, sacra Tempia, domosque,
Fortunasque cadens potuit servare, tributum
Solvere jassa tamen, domino et parere superbo.

Collatis signis Ductores Muza, Tarifus

Cæsaream Augustam tendunt. Urbs maxima cedit

Dives opum, quamvis multis habitata colonis;
In sortem traxitque cadens quanta oppida præter
Et populos, et castra fluens fecundat Iberus,

270 Vel quot cognomen fluvii de nomine ducunt.

Inde acies cursu rapido, tutoque feruntur

In gentes, quas Cinga rapax, Sicorisque tot annis
Cæsareis clarus pugnīs, quos flavus arenis
Planitiem, montesque inter Rubricatus inundat.

Nec juga Maurorum quondam fortissima fugit
Tarraco Scipiadum donis Carthaginiis altæ

Æmula, præcipuis olim caput urbibus: et quam
Condidit, atque suo de nomine dixit Hamilcar

Barcino, plaudendas inter felicior urbes

280 Artibus ingenii, sævi quoque numine Martis.

Urbis nec magnæ sortem indignata supremam
Ausa vetusta sequi, quamvis latera omnia circum
Montibus, et crebris populis munita tulisset
Obsidium longum: nimbosos usque Pirennes
Stravit iter Mauris cedens excelsa Gerunda.

Nec minus interea cedebant Oppida centum
Abdalafizzi turmis, ab fluminis Aræ
Fontibus, ad terras, quas pulchra Valentia, quasque
Murcia dives arat, felix et Alona Lyco.

290 Una omnes cessere urbes; non omnibus una

Conditio bellique fuit, vel sæderis æqua.

Nam qui cesserunt cives victricibus armis,
Hostibus et portas ultro venientibus urbis,
Tela, manusque metu capti, afflictique dedere;
Hi duram sensere minus victoris et iram,
Et rabiem belli: si quidquam militis acrem
Luxuriam, sævos animos cohibere, vel auri
Exsatiare famen potuit, frænove tenere.

Qui vero pugnæ sortem tentare, vel ausi

300 Oppositus longos Maurorum, et ferrea claustra

Obiectare urbis turmis venientibus, horum
Turpiter erepti thalami; ante ora parentum
Confossi gladio gnati; puerisque, puellis

Virgineus maculatus honor, jusque omne pudoris.
 Hi possi quidquid potuit suadere malorum
 Fæda superstitio genti, cui vincula nulla
 Naturæ, leges nullæ; pro lege potestas
 Est sola audendi quidvis, turpisque voluptas.

His invicta malis frangi, flective periclis
 310 Haud potuere virum fortissima pectora bello,
 Murcia quæ genuit. Cives durissima quæque (f)
 Excidiumque pati statuunt, victoris et iras
 Postremas, urbem flammis accendier, agros
 Profuso potius compleri sanguine, chara
 Pignora gnatorum sædis quam dedere Mauris.
 Esse volunt virtutis opus, pactique decori
 Fæderis, arbitrii sed non hostilis, amicæ
 Vel libertatis donum, pignusve salutis.
 Objicitur menti Numantia sola, Sagunthus.
 320 Ergo Rectores armari in prælia cives,
 Undique quæsitis armis, jussere, novasque
 Surgere fornaces. Curis his vertitur omnis
 Artificumque labor, duri quoque vomeris ardor.

Quid-

(f) *Quid simile memorie mandatum de aliis urbibus, ut puta Dertusa, cet. Quod non ideo verti a nobis in dubium volumus.*

Quidquid ubique gravis ferri est, fulgentis et æris
 Prompta manus juvenum centum fornacibus acri
 Igne coquit, totidem positis incudibus, hastas
 Tegmina et umbonum, galeas, thoraca, scutillas
 Excudunt, aptant et acuta cuspide contos,
 Et curvæ rigidos falces consistunt in enses.

- 330 Nec mora, nec requies operi noctuque, diuque.
 Jamque adeo armati plures; cum nuntius hostes
 Illice subiecta tumidos petere arva reportat (g)
 Orcellis, quæ dulce fluens Secura rubenti, et
 Piscosa fecundat aqua; nec creditur, illam
 Possesse moras hosti venienti necesse; quando
 Gens afflictæ metu, et magnis terroribus acta,
 Deseruit nullo defenso milite muros,
 Vicinos montes, et culmina celsa petivit.

Hoc magis instaurant operas. Ab flumine ducto

- 340 Aggere, quæ Orcellim vergit, sua mœnia cingunt,
 Aggeribus fossam effodiunt, quæ plena moretur
 Hostiles vires: primos si frangier armis
 Contigerit valli oppositus, atque arceat urbe.

Hoc

(g) Oppidum est nobile, amplum, vetustum ab A'ona
 et Orcelli pari fere intervallo distans (incolis Elche) a
 quo Illicitanus sinus nomen accepit.

- Hoc operum fervore animos ad bella vicissim
Exacuunt cives; quidvis sibi vivida virtus
Tentandum credit pro libertate parentum,
Et sacro cultu. Tanta virtute minores
Nec spes mente foveant cives. Armantur ad unum
Omnes; armati portis funduntur apertis,
350 Iusta acie turmis instructi. In fronte locantur
Corpore qui præstant, firmis et viribus, et qui
Martis opus pugnis, artem bellicque gerendi
Pugnantes didicere, suo qui sanguine tela
Tinxerunt inimica, suos sparfosque cruore
Hostili gladios ostentant. Omnibus istis
Armarum genus omne datur; certamina quando
Et primi tentare, gravis quoque pondera belli
Ferre diu debent, pugnas committere primi.
Ergo ultra fossam procedunt ordine denso,
360 Aggere et ingenti superato, castra locantur
Delectis campi spatiis, quæ commoda pugnae
Visa magis. Sic instructi venientia contra
Agmina multiplici procul exultantia præda
Conspiciunt. Signum belli jactatur ad auras;
Et pulsu peditum tellus tremit excita, montes
Vicini resonant vario clangore tubarum.
Ut vidit totos compleri milite campos
Abdalafizus, cives opponere vires

- Viribus, et contra victores arma movere
370 Ausos extra urbem; prohibere et mænibus urbis,
Obstupuit tantum miratus robur in hoste,
Quem victum terrore, sui quoque nominis acri
Crediderat dudum captum formidine. Primas
Ergo acies in castra jubet prorumpere. Cives,
Vix medium campi spatium confecerat hostis,
Occurrunt tecti clypeis; his tela, sagittas
Turbinis instar aquæ concretæ frigore missas
Rejiciunt, firmo crepitant umbone, domorum
Ut tectis crepitans quondam salit horrida grando:
380 Nec tamen immixtis cedit mucronibus ære
Multiplici tectus clypeus; geminentur ut ictus
Crebrius, et totis emittat viribus hostis.
Tum cives, hastis alii, sive cuspidē contis
Armatis, alii gladiis, duraque bipenni
Impavidi medios audent irrumpere in hostes;
Adversosque prius funesta clade trucidant,
Stringere quam possint gladios, vel vertere terga:
Turmæ miscentur turmis, densusque viro vir
Congrediens cædit, simili quoque cæditur ictu;
390 Lethiferoque cadunt ambo sub vulnere victi,
Victores ambo; vires, nec scuta, nec arma
Vel vitam posuere prius quam membra sub armis
Lapsa ruant, fulva vel prosternantur arena.

It cælo clamorque virum, gemitusque cadentum,
Armorumque sonus, campis pugna aspera surgit.
Tisiphone palla victrix succinta cruenta
Sævius in strages nunc hos, nunc concitat illos,
Vipereos torquens crines, armansque veneno.
Iamque rubescebant effuso sanguine campi,
400 Et clypei, galeæ, consulæ et cædis acervi
Arma retardabant pugnantum, pectora quamvis
Acrius ignescunt odiis, ardentque furore;
Cum procul Abdalafizzo nova timpana visum
Audire, et tollens oculos, cinxisse corona
Mænia confertas acies, nova et agmina portis
Educi vidit. Telorum ferrea messis
Effulget longe, lato et super aggere sistit.
Scilicet obstupuit Maurus, timuitque coactas
Urbis in auxilium gentes, populosque propinquos,
410 Et super exhaustas venturos turbinis instar
Longa acies pugna. Iussit clangore tubarum,
Sublatisque procul vexillis, arma morari,
Paciferæque dein ramum protendere olivæ.
Excepere moræ signum, et responsa dedere
Partē sua cives: Martis, pugnæque furorem
Una omnes cessare jubent. In fæderis inde
Pacta vocat cives Abdalafizzus, et ultro
Omnia salva dedit, libertatemque futuram

Perpetuam spondet; ditionis jura reposcit

- 420 Qualia nec cives ausi sperare, fidemque
Jurando pactam firmat. Cæpere volentes
Et cives pacis leges, et sæderis æquas.

Ergo urbem positis odiis, exercitus omnis
Armatus repetit. Medias panduntur in auras
Undatim vexilla: sonus clangorque tubarum
Exultans animos victorum, et pectora muleet.
Post cives medius fertur sublimis in alto
Abdalafizzus curru, quem pone sequuntur
Insignes acies Arabum; minitantia postquam

- 430 Deposuerunt simul, turgentiaque ora modesti.

Vallorum Ductor moles superarat, et urbem
Ingressus, mirans oculos huc vertit, et illuc,
Delectasque novas acies, turmasque requirit,
Mænia quæ nuper densa cinxere corona:
Culmina et egressæ complerant aggeris alta.
Desertasque vias cernit, deserta tuetur
Compita, miratur simul alta silentia tectis,
Non armatorum speciem tota urbe videri,
Quam gravidam multis pugnantium millibus ipse

- 440 Crediderat fidens oculis. Stupet inscius, et se
Vana deceptum nec credit imagine rerum,
Nec turbas abiisse putat, ceu fumus, in auras.

Talibus et dubiis agitatam exsolvere mentem

Ref erat haud factu facilis. Namque oppida cives
Capta Valentini cum scirent plurima regni,
Vexari populos subiectos, jura pudoris
Omnia lascivo violari crimine; sacra
Cælituum tristi spoliari templa ruina;
Iamque æstus propriis incendia volvere muris
450 Aspicerent; statuisse ferunt, sese arte, vel armis,
Et sua profuso vel sanguine testa tueri;
Intacto mortem illustrem vel obire pudore.
Omnibus idem animus, cordis vigor omnibus idem.
Fæmineum genus omne jubent insignia Martis
Induere, accingi gladiis, prætere latro
Ad pugnam promptis animis hastilia ferro.
Et cum prima viri campis certamina apertis
Miscuerint, ardor pugne cum sævus, et horror
Acrius ingruerit: turmæ volitantia ventis
460 Fæmineæ vexilla darent, et tympana postquam,
Et litui sonitu complerint mænia rauco,
Pars teneat muros, et sese ostendet in armis;
Pars alia in vallum portis se fundat apertis
Ingenti strepitu; venientis et agminis instar,
Inscia pugantum mentes, et pectora turbet.
Quæ dum fæmineæ condito tempore jussa
Perficiunt acies; optato fœdere cives
Composito, patriam, veteres ritusque sacrorum

Seque, suosque gravi Maurorum ab fure tuentur.

470 Principis et casus urbis subiecta sequuntur
Oppida, Lorca, novum nomen, fundata vetusta
Ubs sed parva manu: vetus Dunaria, Cobel,
Basa solo felix: Pænis Carthago Colonis
Dicta nova; Asdrubalis jussu quæ condita, portu
Tranquillo gaudet. Decurrens saxeus olim
In mare mons, laterum ob.ectu cingebat aquarum
Ingentem tractum, fessas ubi vincula naves
Stupea tercentas longas non ulla tenebant,
Ferrea non curvo firmabat et anchora morsu.

480 Æquora nam longo tractu cunctantque, silentque,
Nec portus, qua parte patet surgentibus austris,
Et gremio naves venientes excipit amplo,
Undarum sentit motus, aut æquoris iras;
Scilicet exsurgit media inter brachia montis
In mare protensi scopulus, quo fluctus ab alto
Frangitur, et duplices aditus utrimque relinquens,
Occludit portum. Naturæ hæc munera nuper
Molibus immensis Hispana potentia ad astra
Extulit, artis opes, operumque laboribus auri

490 Thesauros addens, facti infectique talenta
Argenti; nostrique maris præ portubus unum
Reddidit optatum nautis, loca tuta carinis
Sive velint; laceras ventorum turbine naves

Vel reparare; novas malint seu cudere puppes;
 Transtra vel, et remos, teretesque reponere malos.

Sic demum duplici regno, populisque potitus
 Abdalasizzus felicibus, Hispalis altæ
 Mænia tendebat victor, quam jura Maconis
 Excussisse recens norat; quamque impiger atro
 500 Subdidit imperio, tristi et ditione subegit.
 Regnaque tot sæclis felicia, fluctibus inde
 Oceani, cellis hinc circum clausa Pirennis
 Rupibus, infami cessissent omnia scepro,
 Atque sepulta suis jacuissent teſta ruinis;
 Ni Pater Omnipotens sortem miseratus iniquam
 Regnorum, gentisque piæ; servasset avitæ
 Semina virtutis, bello ex ardente receptas
 Reliquias, fortesque Duces de sanguine Regum
 Antiquo, miseras qui res, qui scepra tenerent
 510 Afflicti populi: quorum de stirpe nepotes
 Tristia primorum repararent fata parentum.

FINIS LIBRI QUARTI.



LIBER QUINTUS



A R G U M E N T U M.

Salvandi Hisperiae sceptri spem corde Pelaji
 Suscitat Omnipotens. Tendit conspici; contra
 Castra movent Arabes; sed victi fœdera poscunt:
 Ast ea facturus Princeps firmata, Damascus
 Navigat; Uliti donis cumulatus opimis,
 Invisis Solyris; conscensis navibus, atri
 Delusisque dolis, vano et conamine Ditis
 In sua felici perducitur omine Regna.



ATque ea per campos sævo dum Marte geruntur;
 Pignora sacrorum, sacri ritusque ministros
 Planities fugiens, excelso monte Pelajus
 Deposuit (qui *mons* nobis nunc *sacrus* ab illo
 Dicitur, ignoto nomen, nec gloria monti
 Ante fuit) sociosque suos super ardua duxit
 Oppida montano longe tutissima muro.
 Non secus ac, quando valles viridantiaque arva
 Diluvio ruptis immergit molibus, Anas,
 10 Cogit oves properis curis, inque ardua montis

Pastor agit, viridis possint ubi gramina collis
 Carpere, dum strages camporum desuper ipse
 Conspicit, et, tutusquamvis, lacrymatque doletque.

Haud aliter Princeps concussus clade Pelajus
 Hesperidum late populos, Regna ampla videbat
 Fluctibus obvolvi bellorum; ingentia passim
 Oppida prosterni; cunctis dominarier oris
 Arma Mahumedis; sedes in turribus altis
 Obtinuisse Crucis crescentis cornua lunæ.

- 20 Ah' gemuit quoties perculsus corde dolore!
 Ah quoties oculos vertit, lumenque perosus
 Austro terga dedit; septemque trionibus alte
 Subjectis cautes cernens gaudebat? at inde
 Vi graviore rapi sensim mentesque, oculosque
 In partes contra positas, in regna videbat,
 Quæ causæ gemitus; proprio quæ sanguine vellet
 Eripere insensis sceptris; mixtamque dolore
 Imo corde spei flammam, lumenque suavis
 Exciri sentit, succurrere posse cadenti

- 30 Se patriæ, excidio postremo sceptrum tueri,
 Et Gothicum regale decus de clade receptum
 Communi, feris quondam transmittere sæclis.

Spes inter blandas hærens, sævosque dolores
 Incertus, quid fata ferant; compellat amicum
 Alphonsum, quicum curas partirier omnes,

- Et rerum casus varios, dubiosque solebat.
Quem puerum, et teneræ vernantem flore juventæ
Ipse sibi socium bellis adsciverat, alte
Illius ingentes animos miratus, et acre
40 Ingenium, moresque graves, quos aula, nefandis
Increfscens vitiis, nulla turpaverat aura.
Quo res nostra loco? quo nunc, Alphonse, recessit
Gloria regnorum, terris quæ maxima nuper
Adveniens summo sol adspiciebat Olimpo?
En prolapsa jacet: totam mars sævus in afros
Transtulit; et pulchris gaudens gens impia regnis,
Hesperias prostermit opes; altaria Divum
Desjicit, et sacras supremi Numinis aras
Proh scelus! infandis deturpat ritibus audax.
50 Quæ pietas patriæ poscebat, quæque vigentes
Tunc vires utrique dabant, vos sidera testor,
Præstitimus: gladios inter, mediasque secures
Irruimus, patrios quavis ratione penates
Excidio eripere, aut communi occumbere fato.
At contra justas offensi Numinis iras
Nil vires, nil arma valent mortalia, morte
Quæsitæ toties salvati, funere acerbo
Supplicium gravius patimur. Quid durius uno
Quam non posse semel fato frangique, rapique?
60 Lumina et æternum miseris occludere rebus?

- Quid queror, et memorans cordi grave vulnus acerbo,
Solamenque mali, nulla medicabilis arte,
Exquiro, tibi dulce caput, tibi tristia fata
Augendo repetens? Regalis sanguinis ambo
Ecce super soli fuimus; cum nullus in hostes
Sævius ingruerit, Maurorum et sanguine ferrum
Crebrius extulerit tepefactum. Vivimus? Anne
Hæc sine mente Dei fieri, sine numine credam
Illius, qui cuncta regit mortalia, quique
70 Dum justas repetit pœnas miseretur? An ipsi
Funere servamur, nobis ut regna supremum
Excidium fugiant, nostris conatibus olim ut
Pristina venturæ renovetur gloria genti?
Hujus ego non parva spei mihi semina nasci
Sentio; crudeles hæc inter sola dolores
Mitigat, et mulcens animos noctesque, diesque
In facinus me grande vocat: sperare suadet
Quæ fors cumque volet supremi ab Numinis ore,
Cujus et auxilio primum mens audet ab hoste
80 Jam jam venturo non sola hæc sacra tueri,
Sed quotquot populos, gentes, atque oppida cingit
Littore ab occiduo pontus, confinia terræ
Sunt ubi, Vasconum postremos usque Pireennes,
His ego nunc terris claudam nutantia sceptræ;
Inde renascetur, si mens mihi nuntia veri,

Nec spes vana movet, nostris nova gloria regnis.

Hæc dicens, oculos defixus in ore tenebat

Alphonſi, motusque animi, ſenſusque notabat.

Iſque ubi ſermoni finem dedit ore Pelajus;

90 Tunc contra ſic pauca refert. Ingentibus auſis,

Sed quæ digna, Pater, magno ſunt nomine, noſtris (a)

Quod tua dextra tibi peperit dudum inclita bellis,

Ne quaſo, ne me ſocium, comitemque recuſes.

Eſt mihi par animus pugnis, eſt parque periclis

Contemptus vitæ, didici quam pendere magni

Poſſe ubi cognovi pro libertate paciſci

Communis patriæ, ſacris pro altaribus, et pro

Religione patrum: regnis magis omnibus una hæc

Chara mihi mentem inflammat noctesque, diesque,

100 Inque graves ſtimulat caſus, inque incitat arma:

In ſomnis ex quo Pietas hiſpana jacenti

Viſa mihi ante oculos adſtare, oſtendere frontem

Aſſiſtam, lacrymisque genas perſuſa nitentes,

Quæ dabat, hoc uno comprehendere carmine juſſa:

ſa-

(a) Socerum Patrem vocat, cujus filiam Hermefendam, ſive Hermefindam matrimonio ſibi copularat, ut novo vinculo utriusque animus, ac ſtudium arſius in ſuſcepto opere, vehementiusque laboraret.

Sacra, suosque tibi commendat Iberia natos.
Nec me degenerem demissis æthere ab alto
Officiis, vel tetra dies, fortuna vel atrox
Arguerit; ruptisque prius radicibus imis
In mare se montes isti volventque, dabuntque
110 *Præcipites cursu rapido, quam Martis acerbi*
Aut furias timeam, pugnae fortemque recusem.
Qui jubet, is spondet; dubiis non est locus ullus.
Teque, Pater, te pone sequar, seu ducere in hostes.
Sævius armatos placeat, seu castra tueri
Iusseris, et turmas hostiles pellere vallis.

His animi accensi dictis: firmumque Pelajus
Consilium populis postquam patefecit, ad arma
Undique concurrunt gentes, quas impia nondum
Vis belli, martisque furor violaverat, et quæ
120 *Devictæ nuper, debellatæque nefandis*
Tristia subdiderant Maurorum colla catenis.
Hos in bella movet duræ experientia fortis
Gente sub infami, lex et quam nulla coercet:
Ast illos metus acer agit, maluntque quibusque
Pugnantes proprium caput objectare periclis
Quam sese, vxores, gnatos discrimine nullo
In servos impune rapi crudeliter omnes.
Hos ubi confertos audere in prælia vidit,
Accenditque gravi mentes sermone Pelajus;

- Omnibus arma viris indicit. Saltibus inde
130 Excubias fervare jubet, simul aërta viarum,
Angustas montis fauces, aditusque malignos
Pervigili Mauros contra obsidione tenere,
Ne possint impune viam tentare, vel ausint
Si montis penetrare sinus, circumundique saxis,
Telorumque gravi cogantur turbine pressi
Retro ferre pedem, et multati in castra reverti.
Nec frustra Dux urget opus, quo semita truncis
Clauditur arboreis, saxisque ingentibus omnis.
Nam vix susceptum compleverat arte laborem;
140 Cum procul adventare videt toto æquore turbas
Maurorum, totos compleri milite campos,
Instructasque acies fluitantibus aere signis
Exciri ad pugnam cernit. Fera buccina montes
Terrificis implet late clangoribus altos.
Scilicet Abdalasizzus, ductorque Tarifus
Indignum, sædumque rati, victricibus armis
Jam tot regnorum miseras obfistere gentes,
Difficilis quas una soli natura tumore
Implebat tanto; cum propugnacula, præter
450 Montis inaccessi rupes, scopulosque minaces
Nulla forent ipsis; et desperatio posset
Sola locum miseranda spei, sortemque subire.
Omnis ne Hesperix devictæ gloria gentis

Unius ob populi temeraria facta filebit?
Exiguæ numero gentes, quibus ira pepercit
Martis ab instanti fugerent cum cominus hoste,
In longum referent, cunctabunturque triumphos?
Et quos victores timuerunt Oppida mille,
Ostendantque suas portis bipatentibus urbes,
160 Hi modo tardati, vili vincemur ab hoste?

His furiis animi accensi montana requirunt
Circum saxa vias; armato milite complent
Nunc hos, nunc illos aditus: ardentius audent
Interius penetrare vias montem inter utrumque,
Hostilis quando facies se nulla, vel arma,
Nulla inimica manus contra venientibus obstat.
Jamque acies montis fauces intraverat arctas,
Aggere truncorum quas dux conclusit, et alto
Demissis celsi montis de culmine faxis;
170 Cum subito insonuit cornu; visusque repente
Mons armatorum cinctus, tectusque corona.
Nec cinctus, visusque prius, quam vallis, et omnis
Horribili gemitu, magnisque ululatibus æther
Maurorum late resonaret. Grandia nempe
Saxa simul summis evolvunt montibus, imbrem
Effunduntque simul lapidum, quibus ætheris omnis
Conspectus, solis lumen subducitur omne.
Horribilis visu clades; miseranda vel hosti

- Si minus intentus jaculando e monte fuisset
180 Imbre saxorum. Deprensus namque viator
Ut medio si forte fuit nudi æquore campi,
Cum ruit increpitans lapidosæ grandinis imber,
Huc gressus vertit pavidus, convertit et illuc
Festinus, quærens quâ sit fuga libera mortis;
Donec contusus repetitis ictibus, atræ
Languida composuit, perfractaque membra quieti.
Haud aliter Maurus saxorum grandine pressus
Dum fugere hanc quærit, revolutis grandibus alto
Opprimitur scopulis, donec vi victus, et omni
190 Spe posita vitam, fractos artusque tuendi,
Hoste incessanti; concussum corpus aceribæ
Destituit, traditque neci, jecitque preemptus.
Talibus insidiis vix retraxere cohortis
Reliquias Arabes: bis septem millia postquam
Fato infelici morientia membra dedere.

- Hinc Mauris rabies, crevit spes major Iberis.
Undique concurrunt alacres quot linquere terras
Mauris subjectas potuere; nec aspera tellus
Jam satis est populis ultro venientibus. Ardet
200 Abdalafizzus furiis immanibus; ardet
Infans captus, cæcoque dolore Tarifus.
Rursus in abruptos acies immittere montes,
Rursus iter tentare jubent, qua semita monstrat

Se facilem primo fauces intrantibus. Intus
Immissum primum paulum processerat agmen,
Hesperidum cum lecta cohors e rupibus altis
Defiliit, sævitque animis, ritumque Leonum
In pecus, insurgit furiis, cunctosque trucidat.
Inde referre acies iterum coguntur acerbo

- 210 Ductores animo: cæptis desistere victi
Nec potuere, nova donec de clade recepti
In melius mentem mutarunt. Possè putarunt
Hæc fieri populis aliis exempla, Maconis
Qui juga jam pridem, et leges subiere coacti:
Possè novas victis nasci spes jura tuendi
Pristina, belligero, proprio et sub Principe, cujus
Nobilis in bellis jam dudum cognita fama
Nobilius regnis nomen promittit Iberis.

- Ergo Oratores lecti, qui castra Pelaji
220 Celsa petant, ejus congressum, sædera pacis
Quo tractent, simul indicant; tempusque, locumque
Ipse legat, poscunt; firmanetur et obside dicta.
Annuit et votis Arabum non multa moratus
Egregius Princeps, nec enim temnenda, sed ampla
Visa sibi est, tenui surgenti et gloria regno
In pacis leges, et sædera iusta vocari
Ab Ducibus bello claris, quos inclita fama

Illustrat, meritis cingit, decoratque triumphis
Totius Hesperiae victæ memorabile nomen.

- 230 Lectis ergo viris numero Dux magnus ab omni
Aspera linquebat montis; jamque arva tenebat
Plana, sub ingenti cum constitit Ilice, multis (b)
Jam sæclis populis illis quæ sacra, securis
Senferat haud ullos ictus; frondosæque circum
Plurima in implexum distendens brachia gyrum
Solis inaccessum radiis, venientibus umbram
Grata viris, umbram pecori, pecorisque magistris
Præbebat dulcem. Montanis mentibus illum
Excierit quæ causa gravis, quisve auctor honorem
240 Illice trunco dederit, ramisque tributum
Intactum semper servarit, fama vetustis
Audivisse atavis, vel cognovisse negabat.
Solut ab incerta constabat origine rumor,
Venturum tempus lustris labentibus, ingens
Cum res, Hesperiiis semper memorabilis oris
Ilice sub sacra statuetur sædere firmo,
Nec Princeps Arabes Ductores arboris umbra
Expectare diu potuit; concessit uterque

Sci-

(b) Quæ de Ilice narrantur, non ex fide historica, sed
ex licentia poetica sunt deprompta.

- Scilicet huc Ductor, postquam videre Pelajum
 150 Illuc vertentem vestigia. Postque salutem
 Alternis inter se dictam nutibus oris,
 Defigunt hastas in terram: nixus et hastæ
 Quisque suæ, summis ineunt de rebus, amicis
 Concilium verbis (Mores hos simplicis ævi
 Intemerata fides servabat pristina, ritus
 Non alios pactis conventis) fœdera firmant
 Et pacis leges statuunt. Te, magne Pelaji
 Sceptra super montana manent hæc oppida, quotquot
 Uliti nondum magni mandata capeffunt:
 260 Hique tuis montes regnis confinia sunt:
 Quæ numquam frustra servaveris. Arma, cohortes
 Uliti quotquot subsunt victricia sceptris
 Audentes contra numquam patientur inultos:
 Tu tantum pacis leges servare memento,
 Atque Oratores Uliti ad mœnia mitte,
 Delectos virtute viros, qui Principe coram
 Has nostro pacis leges, et fœdera firment.
 Annuit his Princeps placido mox ore Pelajus,
 Accepitque, deditque fidem, seseque Damascum
 270 Venturum dixit, finerent modo Numinis alti
 Æternæ leges: Socium tunc Ductor uterque
 Agnovitque lubens, iustoque secutus honore est.
 Perfectis rebus, casus mirabilis omnes

Et cæcas Arabum mentes percussit, Iberis
Et stupor est ingens ortus, quem pone secutus
Lætitæ cumulus plenæ. Vix ilicis umbra
Egressi paulum Ductores ampla per arva
Exierant, subitus cum stridor perculit aures;
Qualis et in sylvis glaciali frigore quondam
180 Auditur, concretus ubi et jam lacteus humor
Extendi quærens, omnes uno ordine fibras
Dirumpit. Volvunt oculos, crepituque tuentur
Ingenti truncum ab summis radicibus æquas
Inque duas partes discissum; protinus inque
Terram prolapsam, viridem amisisse vigorem
Frondentis sylvæ. Nova res oblata timores
Dispulit Hesperiiis omnes: sperare salutem
Ausu tunc primum certam; cum sceptra Gothorum
Tor fluctus inter bellorum stare putarent,
290 Stantia cælesti confirmarique sigillo.

Inde suos lætus populos, et castra revisens
Auctus honore novo Hispanis, maurisque Pelajus;
Res gentis tenues, capiendaque commoda pacis
Ordine composuit iusto; sic rite paratis
Alphonso plenas rerum concessit habenas,
Ad naves properans; Littus portumque requirit
Salovii, brevis unde magis via finditur undis
Hesperio quærenti orientia regna Damasci;

- Excipitur navi ingenti, quæ jussa parari
 300 Ignoto, magnoque Duci, regalia nautis
 Stemmata in auratis ostendit puppibus altis,
 Versicolorque vagis illudens fascia ventis
 Cornua velatarum ornaverant antennarum.
 Hanc sociis primus lectis conscendit Iberus
 Princeps, et mare velivolum, fluctusque tumorem
 Prospiciens posuisse; jubet dare carbasa ventis.
- Provehitur portu, zephyrus fert lenis euntem,
 Findentemque freti longa vada falsa carina.
 Teque datis linquens lævam, Balearia, ventis,
 310 Insula dives avis, Romano et clara Metello,
 Sardoas, Africasque inter perlabitur undas.
 Haud procul e fluctu Trinacria cernitur æthna,
 Et monumenta tenens Carthaginis alta Tunetum;
 Melitæque sinus radit; tum littus et oras,
 Et diras syrtes procul execratur, acerbis
 Quas Nasamon, gens dura, tenet, qui dicitur undis
 Luctantes naves cernens, et syrtibus atris
 Navisfragis, vacuus propriis accurrere cymbis
 In speciem tendentis opem; re triste requirens
 320 Naufragium miserum; namque hæc dispendia credens
 Esse suas crudelis opes; hæc quærit, et ardet.
 Inde datum molitus iter, centum urbibus olim
 Prospicit insignem, fallaci et Numine Cretam.

Effugit et dexter crebris freta confita terris.
Inque Parætonii cursum septem ostia Nili
Intendens, propius sperat Sidona venire,
Unde brevi, faciliqve via munita petuntur
Mænia, multiplici circumdata turre, Damasci.

Dicitur Omnipotens rubra, atque ex ubere gleba
330 Divitis hujus agri primum formasse parentem
Humani generis, verbo cælestia postquam
Corpora de nihilo sapiens eduxerat, astra,
Lucentemque globum Lunæ, Solemque rubentem
Ignoti assiduis flammæ fornacibus ignis
Iusserat immoto volvi sub fornice gyro.
His terris urbem fama est posuisse ministrum (c)
Thariadi charum ante alios, cui Regia parent
Armenta, et lati custodia credita campi,
Magnum Eliezerum, Nachoris grandia postquam
340 Tecta adiit, dominoque nurum, sponsamque Isaaco
Egregiam juveni duxit virtute Rebeccam.

Ante semel plenum quam Cinthia conderet orbem
Littore ab hispano, Syriam pervenit, et urbe

I 3

Prin-

(c) Abrahamo scilicet filio Thare. Hanc fuisse legimus circa urbis conditorem Doctoris Maximi Hieronymi sententiam.

Principe regali luxu, festoque Pelajus
Exceptus plausu, proceris comitantibus ibat
Uliti in magni vastissima tecta. Superbis
Porticibus Princeps venientem excepit Iberum,
Audivitque bonus dicentem fœdera pacis;
Et regni leges, ducibus quas rite supremis,
350 Res quibus Hesperidum parent, firmarat, et orat
Has habeat stabiles, et summo fœdera justus
Roboret imperio longum mansura per ævum.

Hæc inter fixos oculos, animumque Pelaji
In vultu intentum Princeps Ulitus habebat
Admirans frontem placidam, mentisque vigorem
Infractum, morum probitas quem sola, decora
Nobilitasque solet generosæ inducere menti.
Tandem lætus ait. Qui te, fortissime Iberum
Excipio, agnoscoque libens; ut verba recorder
360 Et vultus magni Favilæ, quem regna Maroci
Invisens adii. Genitor tunc oppida centum
Barbariæ Hesperiiis sceptris subiecta regebat,
Imperiique thronum Septæ firmarat in urbe.
Eximium virtute virum, faucesque tumentes
Visendi studio, nostras quibus alluit oras
Oceanus findens afros ab lictore terras
Europæ; Favilæ gaudens in mœnia veni;
Agnovique virum, tectis gratissimus hospes,

- Nomine majorem; quamvis fama inclita cælo
 370 *Æquasset meritum. Nec sum digressus ab illo*
Quin mihi dona prius dederit Cantabrica quotquot
Durescunt chalybis limphis, fluvioque rigenti
Tela; Placentinos gladios, geminosque jugales
Asturcos, cursu doctos prævertere ventos.
Nec lacrymis caruere genæ, cum nuntius oris
Attulit his nostris, crudeli funere functum
Egregium virtute ducem, cui gloria, sanguis
Regius, et crimen fuerat meruisse coronam.
Tempore jam ex illo nomen, sceptrumque Vitizæ
 380 *Indignum visum mihi; fors et siqua tulisset,*
Promissi ulturum, crudeli ab sanguine pænas
Sumpturum, tristem sortem miseratus amici.
Ergo quam quæris juncta est tibi sædere dextra;
Et te certa manent quotquot sunt oppida, nostras
Quæ nondum leges, nondum sensere Maconis
Imperium. Magnos animos vel in hoste vereri
Edocti, robur sceptris præferre solemus;
Et virtutem etiam, nostris contraria rebus
Quæ pugnans, nostros produxerit usque triumphos.
 390 *Hæc vel in hoste. Tibi vero, tibi magna parantur*
Munera, quæ populis nostri sint pignus amoris.

Hæc satus. Tum dona viro jubet ordine ferri; (d)
 Sceptri insigne decus, multoque adamante coronam
 Intexam, miseri Ruderici ab clade receptas
 Tristes exuvias, ripis ad fluminis Ettis (e)
 Inventas nuper ductor quas Muza Damascum (f)
 Mi.

(d) *Summis Damasci honoribus exceptum Pelajum fuisse testantur scriptores; cum et Mahumedani vehementer admirarentur Principem, qui parva popularium suorum manu de maximis hostium copiis toties triumpharat, et Christiani, qui plurimi eandem urbem incolebant, summo studio Virum exciperent, qui res Christianas tanto animi rebores, tantaque felicitate sustinebat. Ab ipso etiam Ulito magnis honoribus habitum cum fuisse, et donis cumulatam uberrimis memoriæ proditum scriptores illi reliquerunt.*

(e) *Hic scilicet inventum equum Oreliam post Ruderici cladem, et regia insignia ex historia novimus. Regis factum omnino incertum, nec enim audiendæ sunt quorundam fabulæ ad vulgi admirationem captandam potius, quam ad veritatem historicam elucidandam inventæ.*

(f) *Ex verosimili hæc ponuntur, cum dona plura, et locupletissima memorentur, eorum vero naturam nemo singulatim descripserit.*

Miserat: his, inquit, regno tu dignior omni
Utere jure tuo; sint hæc insignia regni.
Purpureas addit vestes, et murice primo
400 Intinctas; aulæa dein, quibus aurea Serum
Fila acus intexens, et versicoloribus arte
Velleribus positis, bello res ordine gestas
Pinxerat, et veterum felicia facta parentum.
Hoc Heros magni regis cumulatus honore
Instructusque novo perfectæ pignore pacis,
Mænia linquebat gaudens, et testæ Damasci.
Sed non ante maris portum, et Sidona venire
Constituit, quam sacra suplex monumenta salutis (g)
Omnia lustraret, Solymis quæ multa reliquit
410 Humani generis Christus Reparator Jesus.
Nec loca lustrabat, lacrymis quin ora rigaret
Dulcibus internus cordis dolor excitus ingens.
Oscula figebat saxi, figebat et almæ
Telluri, manifesta pedum quæ signa sacrorum
Suscepit toties, toties tepefacta cruore
Divino: recolensque animo quæ Golgotha vidit
Ver-

(g) *Altum scriptoribus etiam nostratibus de hoc Pelaji itinere silentium; ponimus autem nos ob eximiam Principis religionem, ac pietatem singularem.*

Vertice in excelso patientem tormina Jesum,
Hærebat, mentemque pius, pia corda per æstus
Ducebat, quos dius amor coniecit, et auget.

- 420 Postquam oculos, mentemque piam per singula duxit,
Accenditque animum pietatis sensibus, ægre
Digreditur, crebro gradiens et lumina torquet
In loca, quæ studium rapiunt, raptumque relaxant.
Inde petit portum, socios, navemque revisit.

Postquam cuncta videt cælo constare sereno
Indicitque viam, et primis surgentibus euris
Tensa jubet nautis dextro dare carbasa vento.
Provehitur portu, Syriæ et sacra littora linquens;

- 430 Excelsos Solymæ montes dum spectat ab alta
Intentus puppi; rursus sua regna supremi
Numinis arbitrio, sacris committit et aris.

Jamque dies gens læta novem felicibus euris
Ægipti, Libicique maris vasta æquora, ponti
Jonii longa sulcaverat abiete fluctus;
Trinacria cum Pluto caput forte extulit æthna
Flammarum globulos inter, trepidumque tumultum
Montis, et egressus cæcis, stygiisque cavernis
Exeso flammis turgens in pumice sedit.

- Hinc torvos oculos tot vasta per æquora volvens,
440 Adventare videt, fluctusque secare Sicanos
Ingentem navim, plenæ quæ concita velis

Littus in Hesperium proram direxit aduncam;
 Agnoscensque ferox signum, bis, terque momordit
 Ore manus ambas, et frendens dentibus, inquit.

- Ergo tot incassum susceptos, Pluto, labores
 Experiar? fractas vires, mea et irrita cernam
 Consilia? Hesperiaque (nefas?) invisa manebunt
 Regna? Piis stabunt promissa nepotibus ante
 Fata? Nihil terras omnes vertisse juvabit
 450 Armis Maurorum junctis civilibus armis?
 Prostravisse Sacras aras, et templa nefandis
 Criminibus violasse? piis et moribus omnem
 Luxuriam subiisse, probris quæque inde sequuntur?
 Vincar? et invisæ gentis nova surgere regna
 Aspiciam, solumque caput, solumque Pelajum
 Conatus frustrasse meos, et ludere votis?
 Haud ita. Jam dudum terras, nunc omnia volvam
 Arma maris contra, tempestatesque ciebo.
 His reparatorem Hesperia sub fluctibus abdæm;
 460 Si nequeo; superum vel si contra invida virtus
 Id prohibet, firmata scio, qui fœdera rumpam:
 Extremique seram populis nova semina belli.
 Dixerat, et citius stygiis excivit ab antris
 Horribiles visu formas, immania monstra,
 Cura quibus cunctas imo res vertere fundo.
 Sensit se captum mediis in fluctibus heros,

- Adspexitque cito raptum cælumque, diemque
Ex oculis, cæcas ponto incubuisse tenebras.
Quatuor adverso concurrunt agmine venti
470 In navim, fluctusque atros ad sidera tollunt,
Lugentes fluctus, summo qui a vertice ad imum
Sæpe dehiscentes oculis immensa barathra
Objiciunt, navemque viris haurire minantur.
Nil remi, nil vela juvant; laxare rudentes,
Colligere aut laxos; clavus supereminet undas.
Huc, illuc trepidant nautæ, mortemque minantem
Posse negant ullis vitari viribus artis.
Ipse gubernator ventis, undisque relinquit,
Quam minime sperat salvare ab turbine, navim.
- 480 Hos motus animo cernens ac mente Pelajus
Infractus, causas penitus cognovit, et artes
Quæ excierant nimbos tantos, susque omnia, deque
Vertebant. Ergo simulacrum Virginis effert,
Illius, quæ stella maris, quæ rebus in arctis
Perfugium; miseris quæ nunc mortalibus omnem
Præstat opem, stygiasque metu, segnique cohortes
Correptas terrore nigras detrudit ad umbras.
Ac vix effigiem malo suspenderat alto,
Vota, precesque pio Matri de pectore fundens;
490 Cum venti posuere, omnisque repente resedit
Undatum, pontique tumor: stat solus et Euris

A puppi surgens, liquidumque per aera nimbos
Disperdens, nautis solemque, diemque reduxit.

Servati ex undis nautæ, et discrimine functi,
Effugiunt Cyrni scopulos, syrtesque latentes;
Insula quæ Bacchi donis pretiosa, Minervæ
Munere felici gaudet fragrantis olivæ.

Huic regni formam fertur, nomenque dedisse
Æquore in Etrusco quondam satus Hercule magno
500 Vir magnus Cyrnus; servavit et Insula nomen
Egregium, donec Ligurum de finibus agmen
Pugnantum duxit, terris et misit apricis
Fæmina, dux facti, quæ sylvis excita magnum
Et suscepit opus, terrasque, urbesque subegit.
Inde vetus Cyrni posuit capta Insula nomen;
Sylvestri ab Corfa posthac et Corsica dicta est.

Nec propius vada dura legunt, portusque, finusque
Insula quos nautis offert Sardinia, primos
Quæ hispano ab regno cæpit, Libiæque colonos;
510 Quæque beata solo (duro sed subdita cælo)
Vipereum genus omne, Lupos, colubresque nocentes
Nescit, et exiguum solum formidat arachnem
(Solifugam dixere patres, quia lumina fugit)
Quæ sensim reptans; fundit non visa venenum.
Hæc secum nautæ longis sermonibus. Aspros
Ast Princeps Cyrni montes, et saxa Pelajus

- Longe prospiciens Sardoica; mente revolvit
 Sacra Patrum monumenta sequens, his exul ut oris
 Constitit illustris sacrorum turba Ministrum,
 920 Candida queis fulgens ornabat tempora mitra;
 Quosque furor, rabies, et inextinguibile pectus
 Gentis Arianae templis detraxerat ætatis,
 Rege sub Hunnerico, grex ut, pastoribus actis,
 Erroris citius scabie marcesceret omnis.
 Et loca sancta procul supplex veneratur, et orat
 Absit ut ab populis error, quem dogmata damnant
 Demissæ e cælo fidei, quem fulmine fixit
 Qui summo imperio Romanæ præsidet arci.
 Æquora navifragi finduntur gallica ponti
 930 Interea; nautæque *finem* dixere *Leonis*
 Marmoris ingentem tractum, qui fervet aquarum
 Æstu continuo, levibusque efflantibus austris,
 Ingentes tollit fluctus, et concipit iras.
 Jam procul apparent nimboſi celsa Pirennis
 Culmina, et hispanæ raduntur littora terræ.
 Agnoscit longe montes, terrasque jacentes
 Princeps, et magnum premit imo corde dolorem,
 Infaustum gentis memorans fatumque, jugumque.
 Mox ad Salovii portum convertere proram
 940 Imperat, et notis properat succedere terris,
 Vela legunt nautæ, jussi et confidere tranſtris

Remigio navim portus statione reponunt.
Diditur inde citus vicina per oppida rumor,
Qui mox Hesperias plures penetravit in urbes,
Urbe Damascena magnum venisse Pelajum,
Regia qui referat supremo ab Principe regni (h)
Ornamenta, decus capitis, sceptrumque; Gothorum
Sa-

(h) Regem appellari Pelajum molestissime videtur fere Voltairius; nescio enim, inquit, quo pacto dari Regis nomen potuerit isti Gottho, cujus dignitas tota in eo erat posita, ut servus non esset scilicet. Qui fieri poterat, ut Mahumedani regnum istud Asturiarum consistere trans Pireneos paterentur, cum ab an. 734. dimidiam prope Galliam sub juga misissent, cet. Si Pelajus neque Religiosus fuisset, neque pius; vel si Voltairio visus fuisset dignus, qui in pseudo-philosophorum hujus ætatis numerum adscriberetur; non rex modo ab eo, sed heros vel inter primos recensendus haberetur. At vir utcumque Maximus, cui Religionis res præ cæteris omnibus erant cordi, nullam ab irreligioso scriptore gratiam, nullam etiam justitiam polliceri sibi poterat, quam neque Constantinus M. neque Theodosius, neque quisquam alius patris Religionis, ac pietatis obtinuerunt. Cæterum cui fides habenda sit potius, scriptoribus id adferentibus, an Vol-

Sustineat qui pace data, nutantia regna:
 Undique visendi studio matresque, virique
 550 Accurrunt; juvenes, pueri, innuptæque puellæ.
 Nec vidisse semel satis est: quocumque petivit,
 Qua gressum extulerit, compleri compita cernit
 Agminibus populi. Maurus permixtus Ibero
 Conspicit, atque ducem miratur, solus ovantes
 Robore qui invicto pugnans compescuit hostes;
 Abstulit et Mauris laudem victoribus omnis
 Edomitæ Hesperix: sceptrum, regnumque paternum
 Unus ab æterno servavit funere victor.

Laudibus his populi comitatus regia demum
 560 Testa, novas regni Princeps sedesque Pelajus
 Exiguas, inopesque subit, quas parva prioris
 Munera fortunæ cernit. Sed semina noscit
 Imperii, variis quondam quod gentibus ortu
 Solis ad occasum distentis quinque sub axis
 Syderei zonis, leges et jura daturum.

*tairio dubitanti; res est quæ cuique patet non cæcutienti.
 Cur vero passi sint Arabes consistere Regnum Asturiarum,
 satis aperte quisquam intelliget, qui res temporum illo-
 rum attente legerit.*

FINIS LIBRI QUINTI.

LIBER SEXTUS



A R G U M E N T U M.

Causa resurgentis belli sit fœmina rapta ;
 Rursus et Afrorum vires in sceptrâ Pelaji
 Animantur, Pleno sternuntur Marte Maconia
 Agmina. Delectis Sociis stipatus in antrum
 Confugit : hic addit vires animosque Pelajo
 Adveniens divina Parens, monstratque nepotum
 Ingentem seriem, pulsâ quos gloria mauri
 Magna manet, certi pignus jungitque triumphâ



Astorios montes, atque oppida celsa Pelajus
 Jam dudum placida compositus pace regebat:
 Imperiumque suum Maurus tendebat ab oris
 Occidui ponti nimbosos usque Pireennes;
 Iurgia cum Pluto, belli causasque recentes
 Excivit, residesque animos, populosque quietos
 Rursus in arma ferox, rursusque in bella cogit,
 Quæ primus fugisset atrox, si fata, supremum et
 Novisset finem venturi conscius ævi.

10 Nam quæ causa Gothis sceptrum, regnique coronam

K

Abstulit, hæc eadem Mauros spoliavit adeptis
Hesperia regnis, et crebra clade subegit.

Dulcis erat, forma et præstans Germana Pelajo
Florentina, pio fratri charissima Virgo. (a)

Nam primis orbam lustris utroque parente

Ipse loco natæ studio, curaque paterna

Nutrierat. Fratrî studiûm, curasque puella,

Spes omnes longe superans, virtutibus altam

Omnibus ornatâ mentem, quæ corpore pulchro

20 Pulchrior eximium fratrî rapiebat amorem.

Viderat hanc (fratrem cum crebro inviseret) urbis

Vicinæ rector, sed qui ditione præmebat

Gallæcos populos plures, et castra, Munuza

Christiades, animo sed et ortu ignobilis, et qui

Arma Arabum sortemque sequens, et durius hoste

Relligionis habens Socios, illustre tenebat

Officiûm, nostros crudeli et jure regebat.

Viderat, et forma captus properabat amore

Ardenti juvenem sociali fœdere secum

Iungere connubii: proprii sed conscius ortus,

30 Consciûs et generis sponsæ, quam regius ornat

San-

(a) Florentinam dicimus, quam sine nomine dant ex-
teri, et nostrates etiam, quos videre licuit.

Sanguis, quæ quærit præceps, ea poscere fratrem
Horrescit pavidus, justæ certusque repulsæ.
Acrius ardet amans, magni quo finis amoris
Longior objicitur, sunt et magis ardua vota.
Infanit, vi posse putat quod quærit, et astu
Nancisci; precibus quoniam via nulla patescit.

Quod putat id statuit demens. Procul urbe Pelajus
In terras aberat, plena ditione Tarifus
Quas ductor bello captas terrore regebat.

- 40 Hoc tempus tutum, iusta hæc occasio fraudi,
Virginis et furto meditato visa Munuzæ.
Ergo actus furiis, infano et cæcus amore
Multa malus simulans in regia testâ Pelaji
Irrumpit, castam fraterna ab sede Puellam
Abducit, timidam ab nidis ut prædo columbam
Accipiter; raptam vetita ad connubia cogit.

- Exartere ignes animo, mentique Pelaji;
Sed prudens recto conceptum corde dolorem
Dissimulat, parcens verbis, et nutibus, hosti
50 Prodere qui possint, optat quas sumere pænas.
Ac primum tanto violatum crimine fædus,
Recisumque putat; nulla se lege teneri
Ad pacem, scelere immani quam perfidus hostis
Ruperat. Inde animos populi, mentesque suorum
Explorat cautus. Nam quæ sententia victis

Gentibus infideat; cupiant quam jura Maconis
 Excutere, et sædo imperio subducere collum,
 Cognovit, quando Hesperiae tot regna pererrans
 Et vidit strages, audivit et impia facta.

- 60 Arma parent tacitus montanis, arma propinquis
 Indicit populis: Longinquos admonet omnes,
 Se duce qui vitam pro libertate pacisci,
 Et sacra cupiant pro Relligione parentum,
 Adveniant, pugnaeque locum, tempusque requirant.
 Ipse modum dudum meditatus, ab hoste sororem
 Liberat. interea, longinqua et sede reponit:
 Hoc certus belli signum, causamque futurum.

- Nec strenuum spes certa ducem, vel cura fefellit.
 Namque furens animis, stimulis et percitus iræ
 70 Prædo Munuza (velut furiis accensa Leæna
 Cui dulces rapti catuli, rugitibus implet
 Horrendis saltus Getulos, martia vires
 Advocat ingentes, et quas novus excitat ignis
 Raptores contra) clamoribus omnia complet,
 Accenditque animos populorum. Castra parari
 Imperat, et totis inquirere viribus hostem.

- Hos motus animo præfenserat ante Pelajus;
 Subiectique sibi populi delegerat omni
 Ex numero fortes, præstanti et corpore solos
 80 Mille viros, secum qui prælia prima subirent,

Innumerasque acies Maurorum vivida virtus
Quid possit, patriæ pietas, mens sana docerent.
Cætera pugnatum montes, atque oppida turba,
Si contra irruerent hostes, est iussa tueri.

Ipse suis septus venientibus obvius ibat
Hostibus impavidus; turmas nactusque Munuzæ
Ampla per herbose gradientes æquora campi,
Irruit in primos, et primos proterit; inde
Ordinibus ruptis, solito terrore, subortus

- 90 Incertus, cæcusque metus: dum prælia tentant
Ferre alii; credunt alii circum undique cingi
Innumeris turmis, acer quas terror adauget.
Vertit terga fugæ longe pars maxima: clades
Ingruit idcirco major. Jam sanguis inundat
Campos, et cædis miseræ cernuntur acervi.
Depopulantur agri, vicina atque oppida: præda
Ingenti locuples exercitus omnis, et hoste
Deleto, victor rursus montana petivit.

- His incredibilis nostrorum mentibus ardor
100 Accessit; spes magna novas in prælia vires
Sufficit, et duci poscunt instantèr in hostes.
At Princeps doctus belli, et sibi conscius arma
Quanta parat contra, validas quantasque cohortes
Mittat adhuc, Alcamano ductore, Tarifus;
Arte nova vires hostiles frangere, regnum

Aggreditur rursus turba ab veniente tueri.

Solis inaccessum radiis in montibus antrum (b)

Aufenæ sylvestre fuit, latissima sedes

Armentis, ovium gregibus, pecorisque magistris

110 Deucalionæis quoties nimbosus orion

Imbribus erupit; duri vel grandinis imber

Defævit crebro sonitu, vel fulmine crebro;

Vel quoties glacialis hyems circum omnia densis

Nivibus obduxit. Sese fortissimus Heros

Mille suis sociis ad fortia quæque paratis

Hoc antro incluserat: quando hæc via sola patefcit

Hostibus, in montes venturis agmine facto.

Nox erat, æthereo gratumque sub axe silenti

Omnia carcebant animalia fessa soporem;

120 Cum Princeps pressus curis sua membra quieti

Composuit feræ tandem, cæpitque jacentem

Serpens dulce sopor, requies placidissima lassis.

Nec dum prima quies medio jam noctis ab ætæ

Curriculo expulerat somnum; cum visa jacenti

Ante oculos Divina Parens consistere, fulvas

Lumine cincta comas multo, quam pulchra videri

Cæ-

(b. Huic antro jam tum nomen fuisse videtur Covadonga.

Cælicolis, et quanta solet, roseoque silentem
Ore loquens tales effundere pectore voces.

- Maeste animis, et maeste nova virtute, Pelaji,
130 Neu motus horresce novos, pugnæve futuræ
Commovere minis. Sceptri tibi credita cura
Hesperiae, non nutu Uliti, aut fœdere pacis
Jam pactæ: cernis quam sint infirma, quousque
Sceptra tibi, et regnum firmarint: firma manebunt
Me duce, quæ multis te legi ex millibus vnum
Qui res Hesperiae collapsas rursus in altum
Attollas, regnum serves, regnique coronam
Victor ab interitu. Series longissima regum
Ad te ducta, tuos ab te præclara nepotes
140 Accipiet, soliumque vetus per sæcla tenebit
Plurima: sic statuit superi Regnator Olympi,
Atque immota manent: animo timor omnis abesto,
Et menti dubium. Quod si te cura remordet
Exiguas regni vires, contraque videntem
Maurorum innumeras turbas: tibi fata tuorum
Expediam dictis, oculisque fidelibus omnem
Subjiciam seriem, vultus, atque ora nepotum,
Maxima quos maneat depulsi gloria Mauri
Hesperiae regnis. Hæc dicens visa jacenti
150 Eripere ex oculis nubem, quæ turbida visus
Mortales hebetat, densa et caligine volvit

Plurima, quæ tandem cæli ventura sub auras.

Obstupuit primo adspectu, turbatus et hæsit
Magnanimus Princeps, avidos oculosque tenebat
Magnorum in longo difixos ordine Regum.

Tunc Virgo sic orsa loqui. Qui primus in armis
Ostentat sese, dextræ et constanter inhæret
Intemerata fides, vultum, frontemque serenam
Alphonfi nosis generi. Tibi funere raptο (c)

160 Proximus h.c, parvo sed proximus intervallo
Succedet; conjux illum Hermosinda vocabit
In solium. Plenas rerum vix nactus habenas
Belliger armatas acies in prælia ducet,

Et

(c) Namque Pelajo successit filius ejus Favila, cujus regnum paucorum supra annum mensum fuit. Dicitur est autem Catholicus Alphonsus ob ardentissimum restituentæ religionis, sacrarumque rerum studium; cum, ejectis Mauris, primæ ejus curæ essent superstitionis Mahumedicæ vestigia delere, sacris ædibus ornatum, nitoremque instaurare. Itaque refixis legibus, quæ morum relaxationi favere possent; erexit templa prostrata, purgavit alia violata, dedit eisdem ministros, quos quæsit absolutissimos: atque ab eo rege amplificatum est mirifice regnum, captisque hostium spoliis locupletatum.

Et crebris fractos pugnis concedere Mauros
Coget ab Asturiis, Gallæcis finibus, oris
Vasconum; Castellæ urbes, atque Oppida Lusa
Plurima diripiet, spoliisque ornatus opimis
In sua victrices acies, et divite præda
Sæpius excepta gaudentes regna reducet :

- 170 Alphonsum qui pone venit, qui condet Ovetum,
Extractæque urbis regnum de nomine dicet,
Huic Froilæ nomen Primi, quem viribus audax (d)
Aben-Giosepheus, multo quoque milite fidens
In patrio regno quæret, quæsisse dolebit,
Cum campos stratos cernet, montesque suorum
Quinquaginta super cæsorum millibus. Entem

Non

(d) Froila, seu Fruela I. ad officium coegit civitates, quæ in regno Navarræ, a.que Gallæciæ jugum excutere tentarant; et ab Mauris ducibus Abderramo, et Aben-Giosepbo ingenti comparato exercitu bis aggressus, bis de iisdem triumphavit. Ex clade maxima Aben-Giosepbo illata accidit percommodum nostratibus, ut Mauri in factiones scinderentur, divisi minus fierent in bellis potentes, et viribus suis inter se pugnarent. Divisionem subsecuta est rebellio, qua Abderramus vir, et animi robore instructus, et bellicæ disciplinæ peritissimus suum sibi

Non Abderamus leviozem sentiet; illi
 Eripet Froilæ gladius magnæ Oppida, terras
 Fluminis inter aquas Minii, Durique jacentes,
 180 Ereptas regnis victor superaddet avitis.

At Princeps juxta cernens uti spectra virorum
 Quatuor, obscurus cingit quos undique nimbus,
 Et caput obvolvii fusca caligine velum:
 Mater, ait, quæ larvæ oculis, quæ tristis imago
 Objicitur spectris illis: nostrosne nepotes
 Adfurgent inter, regumque in sede quiescent
 Terribiles visu hæc formæ? Ne quære tuarum
 Exitium rerum, Princeps, certamque ruinam,
 Ni Pater Omnipotens sceptrum firmasset, et illud
 190 Stare, et in immensum sanxisset crescere regnum.
 Aurelius, Silo, Mauregatus, Veremundus
 (Hæc tunc nomina erunt, nunc sunt sine nomine larvæ)

Qua-

sibi regnum Cordubæ statuit. At idem cum Asturiensibus regibus in Gallecia bellum intulisset; ab Froila victus, pulsusque, in regnum se recepit suum. Cæterum Froila fælix regnasset, si, ut recte uti noverat regiis illis dotibus, quæ regem externis hostibus formidabilem reddunt, ita amari ab suis studisset.

Quatuor hi, puero contempto Princeps sceptri (e)
Hærede, invadent regnum, populosque fideles,
Hæstenus unanimis, studia in contraria scindent.
Hi vires acuent Maurorum, hi bella ciebunt
In patriam duri hostes, exitiumque suorum.
Quin etiam, regni raptas ut servet habenas,
Infra-

(e) Alphonso scilicet Froila filio, cui soli hæreditario jure sceptrum paternum debebatur: ejus tamen ætate infantili quatuor illi usurpatores abusi, alienum sibi regnum vendicarunt: Aurelius primum qui Froilæ (non fratris, sed consobrini sui) sanguine se turpaverat; nec sperandum erat, ut qui insana regnandi cupiditate captus consobrino vitam eripuerat, idem infantulo regnum relinqueret. Aurelio successit Silo ejus cognatus, in eo similis Aurelio, quod uterque regendi imperii esset ex æquo incapax. Silone extincto, ut Regnum contra Alphonsum capefferet Mauregatus, Abderrami auxilium imploravit, obtinuitque pacto infami centum puellarum tributo. Regno tantis sceleribus adeptus potitus est biennio dumtaxat, eique demortuo successit Veremundus ex regio quidem sanguine Reccaredi, sed et Alphonso injurius, quamvis ipse non regnum quæsierit, sed acceperit oblatum; et sibi etiam, cum sacros ordines jam antea suscepisset, unde
ci

Infamis Mauregatus turpissima Mauris
 100 Pendere constituet jurando jure tributa,
 Casta puellarum (miserum!) centena quotannis
 Corpora, sive Lupis totidem raptoribus agnas.
 In patrium tandem regni sceptrumque, thronumque
 Post tristes rerum casus fortissimus Heros (f)

Al-

ei Diaconi cognomentum. Utramque injuriam reparare ipse sponte sua suscepit ; nam se imparem regimini agnoscens temporibus adeo difficilibus, Alphonso primum sceptri partem, integrum deinde restituit, sibi que privatam vitam indixit, maximo hispaniensium rerum comodo, quæ sub usurpatoribus istis in discrimen summum adductæ fuerant.

(f) Heros Alphonsus, et. inter maximos recensendus, triginta annos natus regnum suscepit, quod infans inire debuisset. Castus est cognominatus, et quod continentiam in Matrimonii libertate servaverit, et alienam pudicitiam tutatus fuerit regni sui amittendi, vitæque discrimine despecto. Populorum amorem sibi jam dudum privatus conciliarat regiis omnibus virtutibus, quibus abunde instruebatur. Emicuerunt hæ omnes splendidius ubi regni administrationem suscepit. Vir Religiosissimus probe sciens in quo præcipue reges spes collocare suas deberent,

Alphonfus veniet, Casti quem nomine dicent
Laude pudicitiae celebrem per saecula nepotes.
Aspice multiplici cinguntur ut inclita lauro

Tem-

berent, divina protectione nixus, quam certo sibi sperabat adfuturam; infame Mauris tributum abnegavit, bello se accinxit venturo cito; irrumpentibus maximis hostium copiis obviam profectus militum numero admodum minore, secundo eos Marte adeo superavit, ut septuaginta eorum millia interfecerit, exigua militum suorum jactura. Qua relata victoria tanto Mauros terrore affecit, ut hi extra vallum proflire longo tempore non fuerint ausi. Cumque aliquot post annos robustiores hostes effecti in Gallaciam irrupissent; profectus est adversus eos Alphonfus, et nactus eorum exercitum apud Lucum Augusti (nostrates Lugo dicunt) regni illius urbem vetustissimam, commisso praelio quinquaginta millia occisione occidit. Inde Ulfisponem usque penetravit potitus urbibus omnibus, quae dextra, laevaue occurrebant. Ereptis Maurorum jugo tot urbibus, erexit (nostra quidem sententia, cum alii Alphonso Catholico id adscribant) Castellae Comitatus, ut ab novis Comitibus populi illi adversus irrumpentes Arabes citius tuerentur, ac firmitus. Religionis res summo studio curavit, amplificavitque,

- Tempora : quantus inest fronti decor? integra qualis
 Majestas vultum decorat? quis dignior amplo
 210 Sceptro, vel sceptri melius quis jura tenebit?
 Ille requirentes turpissima pœcta tributa
 Rejjiciet Mauros indignans; inter et arcta
 Ostia, quæ pandunt celsæ juga faxea Ledis
 Nactus eorundem turmas, atque agmina plura
 Per campos decies sternet septena virorum
 Millia: victrices acies, et signa deinde
 Reliquias contra ducens, penetrabit in oras
 Extremas, undasque Tagi, pugnisque triumphos
 Æquabit victor semper: juxtaque Lucronem
 220 Mauros insectans rursus nova bella moventes;
 Quinquaginta nova prosternet millia clade;
 Fortunamque sequens, ad muros urbis Uliſſei
 Perveniet, capiens dextra, lævaque quot urbes,
 Et quot castra ferox hostilia victor adibit.
 Ipse novas gentes, atque Oppida capta Maconi,
 Tutius ut possint fœdo defendier hoste,

Im-

*que; restituit artes, et ut omnes commode vitam du-
 cerent adlaboravit, quantum ab sollicito patre familias
 sperare quisquam posset. Regnum administravit annos
 supra quinquaginta; rex fuit annis octoginta tribus.*

Imperio alterius submitter Principis, et hunc
Castellæ Comitem dicet. Proh quanta sub istis
Principibus clades, et funera quarta minantur

- 230 Infestis Arabum turbis! Et Bætis, et Anas,
Et Minius, Duriusque, Tagus crescentibus undis
Sanguine Maurorum, quot fortia corpora volvent?
Hic Libiæ, Nomadumque, hic fusci regna Maroci
Extinctos quoties populos, floremque juventæ
Lugebunt raptum? Quoties venisse pigebit
Littus in Hesperium, quod tanto sanguine fusum
Aspicient? terras execrabuntur opimas,
Quas avidi tanto studio petiere; repertas
Obduxere gravi toties et clade suorum

- 240 At senio tantum, longis confectus et annis
Alphonfus, regni curas, et sceptrum Ramiro (g)
Concedet, reliquos inter qui respice quantum
Adfurgat; quantis ornatus tempora festis
Ostendet sese. Regnum, vitamque pacifcet
Alterius pulchra pro virginitate tuenda.
Hujus et insignes surgent de sanguine reges,
Illustres reges, illum qui pone sequuntur

Or-

(g) De Ramiro I. alio loco, Deo auspice, fuisse, et copiose dicemus.

Ordonii, Alphonfi, Froilæ, Sancique, Ramiri (h)(i)(k)(l)

Et

(b) *Ordonius I. Ramiri filius, sub cujus regni exordio Arabes cum existimassent posse facile delere maculam bello superiore sub Ramiro ad Alveldam susceptam; ingentem exercitum compararunt, et contra nostrates profecti sunt. At eo ipso in agro in quo ab Ramiro victi, trucidatique fuerant, ab Ordonio superati fugæ dederunt sese præcipites. Inde adversus Cordubensem victor Ordonius projectus est, quem sciebat præ ceteris esse superbum, formidandumque.*

(i) *Alphonfus filius Ordonii Tertius dictus, et cognomento Magnus, quindecim annos natus regni administrationem suscepit heroicis virtutibus omnibus egregie ornatus. Displicet Voltairio, Alphonsum hunc vocari Magnum, cum regnum ejus, inquit, parvum fuerit. Ob bone! At, quid regni amplitudo ad illam Magnitudinem confert, qua fuisse magnus Alphonfus dicitur? Nonne potest parvus esse rex in amplissimo regno? Animi igitur, non terrarum magnitudo reges Magnos constituit. Quin et Alphonfi regnum non adeo arctis finibus circumscribebatur, cum ab Cantabria Gallæciam usque protenderetur, partem non exiguam veteris, ac novæ Lusitanie, veterem etiam Castellam contineret. Ab rebus vero bello præclare gestis*

Et gemini Veremundi, En toto ut vertice supra est

250

gestis appellatus Magnus, ex quibus scilicet vera Regibus Magnitudo adsurgit. Quæ porro hæ sunt ! Vix pueritiam egressus, domesticos motus compescuit, et Dynastas adversus se insurgentes ad officium coegit. Mauris Legionensem urbem obsidentibus maximam cladem intulit, atque ad urbes usque eorum est persecutus; in Cordubæ regnum penetravit; unde suos Arabum spoliis onustos domum reduxit: prostravit Toletanos Mauros auxilio Cordubensibus venientes apud obrigum amnem, duodecim eorum millibus interfectis; inde in Cordubensem arma vertit, quem tanta clade confecit, ut ex magno exercitu soli decem milites superstites captivi ducti fuerint. Tercio bello contra Arabes suscepto, tribus consertis præliis, ter victor regni sui terminos ad Tagum usque, accepta Conimbria, amplificavit Segoviam usque in Castella; neque excedere ex vivis voluit, quin postremos dies vastandis Maurorum Oppidis devoveret. Ex quibus incursionibus cum in urbem milites suos victores, locupletesque reduxisset, fato functus est.

(K) Ordonius II. Alphonsi filius acceptum ab patre regnum non conservavit modo, sed etiam amplificavit. Cæpit Talaveram, profligato, trucidatoque ingenti Arabum

L

exerc-

250 Fernandus reges alios: ostendet in armis (m)

Se

exercitu: Penetravit in Baticam ac Lusitaniam gravissimo hostium damno: apud Durium amnem, interfectis pleno praelio duobus exercitus ductoribus clarissimis, de Almanzore Cordubæ Rege triumphavit; eundemque regem armorum suorum gloriam post tot acceptas clades erigere conantem, ex Gallæcia ejecit, in quam irruerat, Naxeram urbem cepit.

(l) Ramirus secundus missis subjugo domesticæ quietis perturbatoribus, qui detrudere eum ab throno aggressi fuerant, arma adversus Mauros convertit. Irrupit in ipsum Oppidum Matritense ferro flammisque omnia Maurorum devovens. Deinde Gonzalo Castellæ Comitæ ab Mauris oppresso opem laturus venit cum exercitu, et inito praelio apud Uxamam (Osmam nostrates dicunt) tanta clade Arabes confecit, ut ii partim in praelio interfecti, partim in fuga trucidati, reliqui prope omnes captivi ducti fuerint, accepta immensa præda. Subjecit se ei victori Cæsar Augustanus Rex, qui paulo post, inito cum Almanzore Cordubæ rege federe, Victori Ramiro bellum indicare ausus est. Dum expectat Ramirus auxiliares copias morantes, videt federatos Arabes se contra progredi; suis itaque solis viribus fertur in hostes, etsi numero admodum

Se qualem ? quantis præcingat tempora lauris !

Belli-

dum superiores, tam ardenti robore, ut primo impetu eorum Ordines turbarit, secundo disperferit, tertio tanta cæde trucidarit, ut qui Scriptores minorem interfe-
ctorum numerum litteris consignarint, occisa triginta millia, alii sexaginta millia dixerint. De iisdem triumphavit iterum apud Salmanticam, et Toletanum regnum vexavit, ac depopulatus est, interfecit duodecim millibus, ductisque captivis millibus septem. Pro quibus omnibus cum vota solvisset sua Divis Regni patronis, gloriosa morte functus est.

(m) Ferdinandus Magnus dictus, quia omnia in eo Magna fuerunt, Religio, Pietas, Regia virtus, bellica disciplina, et animi robur. In ipso regni exordio in Gallicie regnum Arabes impetum fecerunt; adfuit Ferdinandus, et plurimis velitationibus (nam Mauri pleno Marte pugnare detrectabant) ita eos profligavit, ut distracti exercitus reliquias trans Anam flumen usque persecutus fuerit. Inde vicinas hostium regiones vastavit, et ad Tagum eripuit Mauris quotquot obtinebant Oppida ad Durium usque, excepta sola Ulisipone. Cæpit Cæam, Goveam, Viseum, Lamegum, Coimbriam cæt. Confederatorum Cordubæ, et Toleti Regum exercitum uno impe-

Bellica Laus ingens illi, sed major ab alma
 Religione tamen veniet: præclarus utraque
 Dicetur *Magnus*, fuerit cum *Magnus* utraque.
 Gallæcis Mauros ab finibus usque rubentem
 Victor aget, sternetque Tagum: Capta oppida quotquot
 Nunc Arabi subsunt ripas ad fluminis Anæ
 Fernandi sceptro parebunt; Durius et quæ
 Irrigat. Hic geminos Reges in sædus amicum
 260 Se contra junctos uno certamine fundet,
 Urbibus et raptis multis, sibi sceptra Toleti
 Solvere Væstigal coget: compescet et omnes
 Surgentes contra motus. Sed sanguine misto (n)
 Inde alii veniunt: sunt his insigne *Leones*

At

tu profigavit, et pluribus urbibus potitus, Toletum im-
 posito væstigali multavit. Cum rebellium Maurorum in-
 testinos motus compescuisset novis relatis victoriis; sanctissima
 morte functus est, ad quam proluserat longa, constanti-
 que plurimarum virtutum exercitatione.

(n) Cum scilicet Legionense Regnum cum Castellano
 conjunctum est: quo tempore si nostratum vires una omnes
 contra Arabes concurrissent, nec fuissent intestinis discor-
 diis distraeta, brevi omnis Maurorum potentia in hisce
 regnis concidisset.

At Castellæ aliis. Vos o concordibus armis
 Atque animis Mauros contra victricia ferte
 Sgna, nec incertus remanebit ab hoste triumphus.
 Concordes, critis invicto robore; discors (o)
 Si vobis animus fuerit; discordia vires

270

(o) Quod modo animadvertimus manifestius numquam est osensum, quam cum tres simul Alphonsi nostratibus in Hispania imperabant; Aragonio-Navarræus scilicet; Castellano-Legionensis, et qui tunc Lusitanus Comes, paulo post rex est salutatus. Horum exercitus dum inter se pugnant, res hispanienses prope ad interitum impulerunt; in Mauros revoluti, hos plurimis urbibus, regionibusque expoliarunt. Namque Aragonius Murciæ, et Valenticiæ regna victor peragravit de omnibus Arabum viribus pleno pralio triumphans, totque civitates cepit, ut cum copias non haberet, quibus eæ munirentur, coactus fuerit arces plurium, et munimenta omnia prostrernere. Inde profectus in Beticam ab undecim confederatis regulis æterna memoria dignam victoriam reportavit; ex quorum regnis tantam prædam accepit, ut nec milites, nec jumenta illi transportandæ sufficerent.

Interea Castellano-Legionensis haud minori fortuna, et felicitate provincias Maurorum omnes Tagum inter, et

L 3

Anam;

270 Tollet in immensum Maurorum. Fortis uterque
Fortior ab nexu surget. Sed fœdere rupto,
Hujus in alterius volvetur clade ruina.

Huc geminas hunc flecte acies, hos aspice reges,
Quos virtute pares eadem mens, fortis in hostes
Armabit patriæ pietas; quos Rector Olympi
Una

*Anam percurrerebat, Cordubæ, et Hispalis regna expolia-
bat; arma usque ad montes Marianos Cordulam petens
duxit deinde. Superato amne Bæri, in regnum Grana-
tense penetravit, et prælio usus secundo, Cordubam cæ-
pit, Giennium, Biatiam, Almeriam.*

*Lusitanus eodem tempore vexabat assiduis pugnis Ara-
bes, provinciis suis confines. Itaque quinque Reguli, qui
in Australi Lusitaniæ parte imperitabant, fœdus inierunt
adversus communem hostem, collatisque signis contra Al-
phonsum proficiscebantur. Haud passus est Lusitanus diu
queri ab tanto confederatorum exercitu; obviam ei pro-
cessit, prælium commisit, et cum primum impetum for-
titer sustinuisissent Arabes; cesserunt secundo tanta trepi-
datione, ut ingenti clade protriti fuerint, amissis regiis
quinque vexillis. Plenissimam victoriam consecuta est de-
ditio S. Irenæ, Sintræ, Ulisponis, Elvæ, Eboræ, om-
niumque oppidorum in Lusitania munitorum.*

Una ambos in regna pius felicia mitteret
 Hesperiae. Auspiciis quorum et felicibus armis
 Hispani tandem turpis iuga fœda Maconis
 Excutient, Lunis et decrefcentibus actis,
 180 Rursus in excelsis templorum turribus alta
 Christiadam sublata Crucis pia Telsera surget.

Ille prior Fernandus erit, cognomine *Sanctus* (p)
 Dicetur, nomenque dabit non dulce loquentum
 Vana superstitio, mendax vel fama nepotum
 Adfentatorum. Nullus pietate vel armis
 Adfurret major. Postquam *Castella Leoni*

Addi-

(p) Sancti cognomen ab populis Ferdinando inditum
 consecravit deinde Ecclesia, æternumque firmavit Ponti-
 ficium Oraculum. Filius fuit Berengariæ, quæ Alphonso
 IX. Legionensi nupserat, et soror major natu (aliter ac
 scriptores nonnulli tradiderunt) Blanca Galliarum Re-
 ginæ nuptæ Ludovico VIII. In eo emicere mirifice vir-
 tus militaris, et religio, ostensumque est, quanto inter
 se fœdere conjungi utraque possit. Nemo rex bellicæ dis-
 ciplinæ patientior Ferdinando, nemo fortunatior, felicior
 nemo. Inter assiduos bellorum tumultus, regnique curas
 maximas religionis res ita tractabat, observabatque fide-
 liter, ac si cæteris omnibus esset vacuus. Utrisque exer-

- Addiderit, junctis amborum viribus, urbes
 Regnaque partitus Mauris rapienda, movebit
 Victrices acies; cedetque Biatia rege
- 290 Capta suo: Conchæ princeps sua sceptrâ tributo
 Servabit: simili pacto, Granata, datisque
 Captivis, multis auri, argentique talentis,
 Ab Ferdinando regnum victore tenebit:
 Ipsius imperio subdet quoque colla Giennum,
 Corduba dives equis, et felix Murcia Campis.
 Nec tremefacta manus victoris nobilis armis
 Hispalis effugiet, plus centum millibus etfi
 Culta Arabum jactet vires, et fortia bello
 Pectora, et insolita servet virtute Trianam.
- 300 Ipsa cadet, secumque trahet cuncta Oppida, Bettim
 Quæ cis, transque bibunt. Maurorum millibus urbe
 Prin-

citationibus morum innocentiam, animique candorem illum conservavit, qui instar miraculi maximi intueri jure potest. Partem Hispaniæ maximam, quam ab Afrorum jugo liberandam sibi adsumpserat, inito cum Jacobo Aragonio pacto, sceptris suis adjunxit, coacto ad vestigal solvendum unico, qui superfuit, Granatensi Rege, qui servitutem grandi pecunia, et redditis mille trecentis Christianis captivis, emit.

3 2 1 2 3 4 5 6 7 8 9 10 11 12

Principe depulsis, divis altaria reddet
Vota super solvens, Divis referendus et ipse,
Et crebris gentis votis, precibusque vocandus.

Quem paribus juxta nunc fulgere cernis in armis
Et triplici impavidam diademate cingere frontem,
Is Ferdinando cognato sanguine junctus
Maurorum Domitor, fortissimus ille Jacobus, (q)
Quem

(q) *Jacobus Aragonius Maurorum Domitor partem sibi cum Ferdinando pactam pari studio suscepit, pari felicitate confecit. Conceptum Jacobi, et quibus turbis puer jactatus sit, ne umquam in paternum solium conscenderet, videsis apud alios, si lubet. Quæ puer adhuc bellici roboris experimenta dedit in sedandis intestinis motibus, et vix adolescens in capienda Insula Balearium principe, ea sunt quæ maximum exercituum Duñorem vehementer commendarent. Susceptam Balearicam acquisitionem an. 1234. anno sequente confecit. Mox Valentino bello accinxit sese, et brevi tempore, capta urbe Principe mirabili celeritate, pulcherrimæ regionis potitus est, et totius prope regni, cum ex pacto Alonam Ferdinando relinquere cogeretur. Haud facile rex in historiis reperitur, qui triginta plenis præliis cum hoste conflixerit; difficile, qui ex præliis omnibus victorem exercitum suum reportarit.*

- Quem Pater Omnipotens sortem miseratus iniquam
310 Celtiberæ gentis, populis concedet. In illum
Armatas erebi vires, astusque nefandos
Deludens, stygius prædo quibus improbus ortum,
Conceptumque viri prohibere putabit, inanes
Et reddens artes, puerum quibus ille paternis
Arcere ab regnis, sævoque absumere ferro
Conjuratorum sperabit perfidus hostis.
Ast tandem juvenis, rerum vix nactus habenas
Mentem annos, animumque super, curasque viriles
Ostendens, regni sedatis motibus, ardens
320 In Mauros animo, captus quoque laudis amore,
Maxima quæ tali devicto ex hoste sequetur,
Navibus armatis primum Balearica bello
Regna petet solis bis septem millibus armis
Instructis, promptos pugnæ Aragonia partim,
Et partim bello strenuos Catalaunia mittet.
Exigui numeri fidens virtute, carentes
Hostiles numero turmas, atque agmina Princeps
Robore par primis, primævo ab flore juventæ
Armorum ducibus, patria intra mœnia cinget,
330 Et cinctos coget victoris jura, jugumque
Accipere, aut alias longe sibi quærere terras.
Gerione ac triplici simili virtute potitus,
Majus opus volvens, victricia signa movebit

In Mauros dominos terris, quas Turia, Sucro,
Et Mittas, Ceniusque rigant, quas alluit æquor
Littus ad Illicium veniens ab flumine Ibero.

Illius inde armis obseffa Valentia, cedit
Victori juveni. Fortunam principis urbis
Cætera felicis captabunt oppida regni.

340 Terdecies Mauris campis pugnabit apertis;
Tempora terdenis cinget felicia lauris.

Sic Ferdinandi virtute, armisque Jacobi
Omnis ab Hesperiiis depulsa potentia terris
Maurorum, imperiumque cadet, quosque ille superbus
Advena servili jam dudum compede preffit,
Conversis rebus, dominos venerabitur olim.

Occidet omne decus Mauris, nec parva manebit
Umbra potestatis, quam non ab Principe Ibero
Sumpserit, ejusdem nutu non servet, agatque

350 Quisque Arabum dominus terris dicetur Iberis.

Nec tamen hanc sortem mutatam, fœdera Maurus,
Imperio populos solitus terrere superbo
Ferre cito discet; flectet vel colla jubenti
Hesperio, servi miseri quem more tot annis
Tractarit, natisque, bonis, et conjuge duro
Arbitrio, nutuque suo spoliavit acerbus.
Utque Leo caveæ claustris conclusus, opimis
Nutritusque cibus, illos nil curat, et ardens

- Circum claustra fremit, curvis atque unguibus illos
 360 Nunc validos vectas, nunc hos si vellere possit,
 Pertentat, juris nativi conscius; atque
 Arbitrii impatiens rapti, rugitibus implet
 Omnia, poscenti similis, similisque vocanti
 Auxilium ingenita pro libertate tuenda.
 Haud aliter Maurus, non jam florentibus arvis
 Contentus, donis etiam telluris optimæ,
 Impatiens fræni, libertatisque prioris
 Temporis ardenter cupidus, Maurusia regna,
 Atque Asiæ gentes, Afrosque in bella vocabit
 370 Hesperios contra; possit si expellere legis
 Ingratæ, gentisque jugum, quod barbarus odit.

Excitus his querulis Maurorum vocibus ingens
 Agmen aget missus Princeps ab Rege Maroci
 Abomelicus natorum maximus, omnes
 Ante alios forti proles dulcissima Patri.
 Excepusque suis hispanis protinus oris,
 Instar aquæ torrens, Bætîm victricibus armis
 Vastabit, campos viduans, ac civibus urbes.

- Hunc contra veniet rapidus, sistetque furentem
 380 Alphonsus, sternens acies bis quinque trucidans (r)
 Mil-

(r) *Trajecerat in Hispaniam cum exercitu Abomelicus
 Maroci*

Millia, ductorem fulva prosternet arena.

Tunc furiis agitata patris mens effera, gentes

Omni-

Maroci Regis filius, qui majores etiam copias in Africa parabat, quibus regna recuperaret, quæ sub Ferdinando erepta ei fuerant; Hispalense præcipue ei charum. Baticam jam totam miserrima vastatione depopulabatur; cum ei occurrit Alphonsus dictus IX. parva manu. sed qui in ætate juvenili scientiam militarem, prudentiamque senilem præsefererat; trucidavit hostiles phalanges, et interfecit eorundem decem millibus, non solum furorem hostilem compressit, ac retardavit, sed compulit etiam reliquos ad fugam præcipitem. Ex interfectorum numero alter fuit Abomelicus, cujus interitus patris animum in furorem impulit acerbissimum. Commovit is Africam totam, et assidua quatuor, vel quinque mensum opera in Baticam trajecit cum exercitu quadringenties milles perditum, equitum septuaginta millibus. quibus etiam auxiliares suas copias adjunxit rebellans rex Granatensis. Obstupuit trepidans tota Hispania (imo tota Australis Europa) ad tanti exercitus adventum, cui quas opponeret vires nullas habebat. Subit in mentem Maroco occupare Tarifam, qua comitatibus suis in Hispaniam aditus facilius, breviorque pateret. At urbis cives ho-
stiles

Omnibus ab regnis Afrorum colliget, omnes
Vindictæ studio, atque odiis accendet amaris

Hef-

files impetus adeo strenue sustinuerunt, ut ab suis quinque armatorum millia excipere ad urbis propugnationem potuerint.

Interea convenerant Alphonsi, ac Regis Lusitani vires, et in hostem profecti sunt ambo; cumque praelii committendi ratio omnis inter eos convenisset; felicem pugnae exitum, quem ab propriis viribus, et virtute sperassent temere, ab caelesti auxilio implorant. Expiata igitur sacramentali confessione conscientia, et caelesti pane corroborati reges (quorum exemplum secutus est exercitus omnis) in hostes castra moverunt mirum in modum ardentes; utque perventum est ad campos, quos amnis Salsus dictus interfecat, ingenti Maurorum stupore, nostrates primi fluvium trajecerunt, tantoque in hostes impetu irruerunt, ut hi vix sibi persuaderent veros esse hostiles conatus, quos intuebantur. Sustinuerunt nihilosecius primam aggressionem acriter. At Alphonsus medio in certamine, facto ingentigyro, improvise irruit in alam hostium dexteram, quam turbavit; quo tempore egressi ex urbe obsessi a tergo Mauros aggrediuntur tanta internecione, ut ad fugam Mauri precipitem coacti fue-

Hesperiam ingentem. Peditum centena movebis
Quatuor ad bellum promptorum millia, septem
Et turmas equitum, signans turmeque cuique
Millia tota decem præstantum robore, et armis.

Tot turmis equitum, tantis peditumque catervis

- 390 Obvius Alphonsus, viginti millia quinque
Dumtaxat peditum, bis septem millia equorum
Adsumet secum in pugnam; nec viribus istis
Exiguus quamquam numero penetrare per hostes
Differet innumeros, stet vel tota Africa contra,
Primus et attonitas acies in prælia coget
Acer, et impavidus; turbatis strage cruenta
Ordinibus, surget campis tristissima clades
Maurorum, quorum bis centum millia campos
Amplos obducent; captivis oppida, et urbes
400 Ditescent; miles gaudebit divite præda.

Hesperidum ex numero viginti quinque per arva
Sternentur, paulo tardabant vulnera plures.

Qui

fuerint. Biscentum millia trucidati sunt, quo in numero nostrates, exterique scriptores omnes consentiunt: captivi ducti plurimi; reliqui fuga se veloci victricibus armis substraxere, relicta præda ditissima. Ex nostratibus desiderati sunt ad viginti quinque milites.

Qui Claudit Regum seriem postremus, inumbrans
 Tempora multipli lauro, *Castella*, *Leones*,
 Et *Vestes*, geminasque *Cruces* insignibus una
 Conjungens, nomen Fernandi nobile reddet (s)
 Nobilius. Servatur huic nam gloria turpi
 Totius Hesperiae purgatæ ab sæpe Maconis.
 Namque videns, Arabes fictæ sub tegmine pacis
 410 Esse hostes patriæ, dominosque agnoscere Iberos
 Cum res afflictæ; cum contra, vertere cuncta,
 Externosque duces, viresque adsciscere Afrorum;
 Hosque Arabes opibus fretos, rebusque vocantum
 Promptius Hesperiiis accurrere navibus oris;
 Una omnes Mauros terris expellet Iberis.
 Inde citus gravibus vacuas his hostibus urbes
 Muniet aggeribus, queis propugnacula, turres
 Adjiciet validas, et pluribus instruet armis.
 Atque ut ab Hesperiiis pellatur longius oris
 420 Maurus adhuc, solis nec sejungantur ab undis
 Æquoris interni regni confinia Iberi,
 Atque Arabum terræ, victricia signa revolvat
 Oppida Maurorum contra, quæ proxima ponto:
 Et rapido cursu victor dititione tenebit

Fauci-

(s) Claudit agmen Ferdinandus Aragoniæ, appellatus
 Cat-

Faucibus Herculeis ad diffusa regna Tuneti,
 Icosium, scopulum Velez, fortemque Bugiam,
 Algerium, Tripolimque urbem; legesque tributi
 Imponet duplici regi, qui sceptrâ Temissæ,
 Quique Tunetanas moderatur legibus urbes.

430 Sic demum virtute ducum, sed numine nostro
 Præcipuo; morbo ut diuturno languidus æger,
 Visceribus postquam causam morbi expulit omnem,
 In

Catholicus, qui ducta Elisabeta Castellæ postmodum
 Regina, regnorum omnium hispaniensium stemmata con-
 junxit. Religionis studio accensus cum videret Mauros
 per hispaniam dispersos facile commoveri, et Afrorum
 propinquitate confisos novas identidem turbas in regnis
 excitare, eosdem crebro etiam arcessere, et invitare;
 suscepit eos omnes ab regnis penitus expellere. Itaque
 Granatensem Regem tributum superbe denegantem regno
 expoliavit; et septem præliis felicitate maxima pugna-
 tis, urbes omnes cepit, quæ Afris usui esse poterant.
 Hisce non contentus trajecit in Africam cum exercitu,
 cujus oram maritimam ab faucibus Herculeis Tunetum
 usque in ditionem suam redegit, ne ulla esset super Afris
 descendendi in Hispaniam facultas; duosque reges Tuneta-
 num scilicet, ac Temisanum ad velligalia persolvenda coegit.

In veteres surgit vires, et robore vestit
Membra novo; sic Hesperidum mea regna vigorem
Eximium, firmumque magis capientque, foventque
Omnibus expulsis Mauris: hispania tota
Legibus, et Dominis, placitisque regetur iisdem.

- Ac ne vana putes placidum tibi fingere somnum,
(Qualia multa graves curæ, flagransve cupido
440 Mente ciere solent avidis, curisve gravatis),
Crastinus ante diem, quam claudat vesper Olimpo
Hujus in ingentis consistet limine lustrī
Perfidus ille Oppas patriæ furialis Erinnis
Crimina criminibus qui jungens; castra Tarifi
Accensosque animos Maurorum durius urget
In tua sceptrā, dolens ex florescentibus olim
Reliquias regnis superesse, adsurgere possit
Ex quibus invisum sceptrum, quod funditus optat
Excissum terris, æterna et nocte sepultum.
450 Ille tibi insidias meditatur; vocibus ultro
Dulcibus, ingenuum præseque ferentibus ingens
Erga te studium, tranquilla ad fœdera mendax
Ducere tentabit, quæsitæ ad munera pacis.
Mendaces voces, et subdola verba caveto
Audire, atque fidem promissis addere fictis.
Nec vires metuas hostiles: plurima quamvis
Millia te contra jam nunc venientia jactet,

Venturasque acies post has minitetur; iniquus
 Ipse suo exemplo, fero licet, agmina discet
 460 Plurima quid valeant, ut primum numine divum
 Destituuntur. Opes tenues, parvæque cohortes
 Quid possint superum protectæ viribus, ipse
 Noscet Arabs. Posthac Nobis tu Victor honorem
 Persolves: Antrumque cavum, templumque peramplo
 Antro constructum nostro de nomine dices (t)

Namque ego sum Magni pulcherrima filia Patris,
 Cælicolum Regina potens, Virgoque Parensque
 Æterni Nati, Sacri quoque Pneumatis alma
 Sponsa, mihi dudum quæ hispanica regna tuenda
 470 Auspiciisque meis fortunatura per ævum
 Suscepi. Siculis jactatum fluctibus olim
 Ipsa ego te eripui, tempestatemque tumentum

Seda-

(t) *Antrum scilicet istud in Templum deinde mutatum, quod dictum nostratibus est Sancta Maria de Covadonga, multisque regum, ac principum, proximorumque populorum præcipue muneribus locupletissimum, designatis Sacris Ministris, qui religionis res in ipso tractarent, et Hispaniensium Regnorum felicitatem, interposita B. V. Mariæ protectione, assiduis precibus ab Deo. O. M. postularent.*

M a

- Sedavi, excierat quantam vis improba Ditis
 Conjurata tuam cum sceptris perdere vitam.
 Si potui certo, tantis surgentibus undis,
 Naufragio vitam, regni sceptrumque tueri;
 Et potero turbas Arabum cohibere, nefandis
 Agminibusque metum, cladesque inferre supremas.
 In me spes omnis, cepti et fiducia belli,
 480 Et curæ rerum magnæ, timidæque quiescant.
 Hæc dicens placido perfundens ora Pelaji
 Lumine, conticuit, tenuesque evasit in auras,
 Magnanimumque Ducem somnus, dulcisque reliquit
 Virgineo dudum veniens ex ore voluptas.
 Ab strato surgit, fidum mox convenit ante
 Omnes Alphonsum, similis quem robore somnus
 Insolito implerat, par et fiducia rerum.
 Consiliis inter se junctis, corda vicissim
 In bellum, pugnasque parant; alacresque propinquos
 490 Expectant hostes; constans quos fama reportat
 Spirantes rabiem, cædesque, minasque venire.
 Inde aliis fociis, magno ut sint robore, magna
 Ut spe firmentur, Genitricis Numen, opemque
 Implorare jubent Magnæ; dein fausta volentes
 Significant, impletque animos fiducia præsens.

FINIS LIBRI SEXTI.

LIBER SEPTIMUS



ARGUMENTUM.

Missus adest Oppas; pacem suadere Pelajo
 Tentans, rejicitur: Dux Alcamanus et Ipse
 In Montes penetrant multis cum millibus, antri
 Ostia circumstant: Mauris pugna aspera surgit,
 Contra ipsos hactas dum vis ignota retorquet
 Immissas. Populi multi, magna Oppida, cæli
 Prodigis moniti firmatum agnoscere regnum
 Festinant, lætique Ducem, Regemque salutant.



INterea noctis tenebras, umbrasque fugarat
 Tithoni conjux roseo spectabilis ore,
 Puniceisque rotis cælo subvecta rubebat
 Aurea, montanos apices, et culmina solis
 Lumine perfundens primo venientis eoo;
 Cum Princeps sociis indicit, corpora curent,
 Arma parent alacres. In partes dividit inde
 Instructas acies: retinet fortissima secum
 Pectora, quingentos socios, queis prima tuendi
 10 Cura sit ab subito venturis hostibus antrum.

M 3

Quingentos alios turbas partitur in æquas, (a)
 Et montana jubet fervent loca: prælia cumque
 Ingruere, et sævire hostes antri ostia circum,

Illi

(a) Soles mille viros delectos a Pelajo fuisse, cum prælio se pararet, in quo decerni totius rei summa debebat, accepimus ex unanimi historicorum consensione, et hisce solis confectum fuisse postremum prælium, in quo res hispanienses firmatæ sunt. Namque auxiliares copiae, quæ ab Cantabrorum finibus, et Galleciæ montibus arcescebantur, confecta jam pugna ab iisdem scriptoribus pervenisse dicuntur. In antrum itaque conjecit se cum suis Pelajus. De rebus, quæ in hoc antro acciderunt, uti de Pelajo, apud Isidorum Pacensem illius temporis Scriptorem altum silentium: proinde etiam de prælio, in quo nostrates singulari, divinoque prodigio de Mauris apud antrum illud triumpharunt; Nihilominus, silentium hocce tanti non est Ecclesiæ, eruditissimoque Mondejario, ut non scribat ipse, et Pelajum extitisse, et res ejusdem bello gestas negari nisi temere non posse. Quin et Pellicerius solitus omnia timidissima lance perpendere, et natura promptus ad ea neganda, quæ receptissima sunt, despecto eodem silentii argumento, quod alias tanti facere solet, prodigium hocce negare non est ausus.

- Illi ex insidiis uno sub tempore surgant
 Hostiles acies contra, atque ab culmine montis
 Quisque sui denso telorum grandinet imbre,
 Saxorumque gravi contundat pondere turbas.
 Ipse antrum munit multa vi, fervidus hostis
 Qua veniens firmet gressum, cursumque retardet.
 20 Haud secus ac jussi faciunt qui culmina montis,
 Quique locum insidiis aptum circundare missi.
 Et vix quisque sibi signatum munus obibat;
 Præcipiti cursu veniens cum nuntius affert,
 Montibus armato compleri milite campos
 Vicinos, et signa procul, procul æra tueri
 Sole percussa: ab campis celeremque videri
 Adventare virum, ramum et prætereire olivæ.
 Et jam missus adest portans mandata Pelajo,
 Haud procul hinc montis consistere faucibus Oppam,
 30 Principe qui cupiat magnis de rebus utrique
 Affari solus: veniamque proinde precari,
 Quâ tutius possit castris succedere Iberis.
 Constitit, audito Princeps hoc nomine, vultu
 Dissimulat motus animi, quos excitat atros
 Ut subit in mentem facies turpissima fraudis,
 Perfidieque viri. Secum sed cogitat anceps
 Quid faciet? vocesne hostis contemnet? et omnem
 Congressum, quæcumque serat vir proditor, illi

Abnuet? An patiens vultus, atque ora nefandi
 40 Præfulis, et fictum poterit cognoscere pectus?
 Multa animo versans; tandem: sunt omnia, dixit,
 Tuta tuo Domino; veniat. Nec plura locutus.

Vix horæ spatium velox effluxerat, ante (b)
 Ostia cum magni pervenit perfidus antri
 Oppas vultus æquo; delapso protinus ore
 Occurrit Princeps ingens, vultuque severo. (c)
 At non tardatus conspectu Principis Oppas,
 Quem pavidum falso credit, captumque timore
 Hostis ab adventu tanti, rebusque suorum
 50 Jam diffidentem, misero quæsisse sub antro
 Perfugium, fatisque moram, tempusque sinisteris;

Ad-

(b) Ex fide historica adventum Oppæ, ejusque ad Pelajum orationem paucis immutatis damus, quod licere exstimavimus carmina scribentibus.

(c) Magna patientia opus fuisse Pelajo ut Oppæ conspectum sustineret, adnotarunt jam historici; majori profecto ut sermonem immobilis integrum audiret. Difficultatis hujus vim exerit ejus responsio, quæ aspera licet sit, non tantum tamen præsefert fellis, quantum perfidi hominis scelus, ac sermo fortasse mereretur. Cæterum hac etiam in parte historiæ vestigia sumus secuti.

Adloquitur, quæ magna ferat sic farier inſit.

Annales tristes noſtrorum audire laborum

Non opus eſt Princeps, tibi: ſcis ut ſceptra Gothorum

Nuper ab Hiſpanis regnis in Francica bello

Littora tranſierint; terrasque, urbesque ſubactas

Velivoli fluctus Rhodani, citraque Garumnæ

Imperio addiderint; noſtros quæ gloria reges

Extulerit; quantis hispana potentia leges

60 Dixerit et populis, quot victrix regna tributis

Subdiderit. Fuimus victores, vicimus hoſtes

Externos, quocumque acies, et duximus arma;

Ceſſimus internis. Quæ nos fortuna levavit

Regna ſuper, populosque, eadem depreſſit ad ima

Crimina, et ingrati donis cæleſtibus, iſta

Indigni, immemores in pravos vertimus uſus;

Inde Deum contra ſumentes arma datorem.

Effuſamne querat, turpique libidinis æſtu

Conſumptam Heſperiam totam? languiſſe ſupremos,

70 Atque imos fæda ſanie, macieque nefanda?

Teſtis ades ſclerum, quæ offeſſi Numinis iras

In res, inque caput noſtrum traxere; nigrosque

Nos Arabes vitiis noſtris commovimus, arma

Hoſtibus his dedimus vertenda in viſcera noſtra.

Colla jugo tandem Maurorum ſteſtere adaſti

Servitium ferimus, ſummus quod Rector ab alto

- Imposuit nobis: Dominis paremus iisdem,
Quos Deus ipse volens terris immisit Iberis
Ultiores scelerum tantorum. Numen acerbatur
30 Qui contra stimulos calcitratur; flectis adorans.
Cum vires essent validæ, regnumque vigeret
Milibus, ducibus, primo quoque flore juventæ,
Nil vires valere, duces, nil arma; sed hostis
Imperio cessere cito trans usque Pirennæ
Fluminis ab ripis Anæ regna omnia; quamvis
Innumeras acies possent immittere contra.
Tu tamen exiguu comitatus milite, montes
Inter, et antrorum latebras, nemorumque tenebras,
Latronum ritu potius quam militis, audes
90 Innumeras acies, turmasque laceßere bello
Antri confusus latebris, sperasque tueri
Reliquias gentis, libertatisque relicte,
Devotæque Arabum turmis, quibus undique circum
Gingeris? Ah! superum prudens obsistere fatis
Desine: flecte iugo collum, dum tempus, et hostis
Placatur precibus. Noli virtutis inani
Nomine præcipientes animos confundere; numquam
Dicetur virtus hæc desperatio rerum,
Quæ tibi, quæ potuit sociis constantia dici.
100 Nititur imprudens adversus fluminis ictum;
At sapiens adjuncta putat; nec cedere credit

Turpe sibi, vires cum non sunt viribus æquæ.
 Ecce adsum fortisque tuæ, pacisque tuorum
 Arbiter ab Mauris delectus. Fædera faxo
 Qualia tu numquam sperares tempore tali.
 Cede loco tantum, belloque abiste; sinistros
 Pone animos, atque arma tuis contraria rebus.

Audiit hæc torvis oculis, et fronte Pelajus
 Obducta, cohibens internum pectore motum,
 110 Acriter in falsum qui dudum fervet amicum.
 Utraque mox Oppæ defigens lumina vultu
 Torvus, sic breviter responsum reddidit Heros:

Quas memoras scelera, pænæ servantur, inique,
 Criminibus, capitiq; tuo, rebusque tuorum,
 Quos misero exemplo traxisti perfidus, inque
 Armasti patriæ, crudelis, viscera. Nec te
 Tantorum scelerum turpissima terret imago?
 Fulmina nec superum metuis? vel ne ima dehiscat
 Terra tibi, et præceps stygias trudaris ad umbras?
 120 Millia christiadam quoties centena furoris
 Victima Maurorum jacuerunt sanguine fuso?
 Vidimus et noxis violari templa nefandis;
 Prostrerni ad terram turpata altaria Divum;
 Insultare sacris rebus, rerumque Ministris
 Infames homines, et vertere sacra profanis.
 Hi sunt perfidiæ fructus, qua Pastor ovile

- Pandisti, caulasque lupis; qua præsul in ædes
Trusisti sacras divini Numinis hostes.
Quid vires jactas Maurorum? regna subacta?
130 Oppida capta manu? Muzæ cane talia, demens,
Infano, similique tibi: me, perfide, coram
Audes Maurorum vires attollere? nostras
Deprimere? Infestus divina arcana movere?
Quis Deus ille tibi, vel quæ mens sana suavit,
Ut regem, patrias partes, sociosque rebellis
Desereres pugnis mediis; et transfuga vires
Ab patria acceptas patriæ contra agmina vertens
Glade tuos misera vexares; abque minanti
Exitio Mauros salvares? Crimina nostra
140 Criminibus purganda tuis. Tu pestis, Erynnis,
Quam patimur, miserieque magis nos credimur, ab te,
Te, quia perjuro, quam quod vexamur ab hoste:
Nec tantos mihi finge metus victoris ab armis,
Atque exercitibus Mauri, fastuque superbo.
Ambitione tua premimur, fastuque tuorum
Nos magis, hostili quam vi vincamur, et arte.
Cætera, jam dudum didici, firmumque tenebo
Mente mea (quod re fingis nescire, loquelis
Ostendas quamuis aliud ficti ore peritus)
150 Scilicet esse Deum, scelerum qui poscere pœnas-
Noscit, et artifices vindex in jura vocare:

Auxilio nixi superum, et tutamine certo
 Nos patriæ leges, venerandaque jura tueri
 Prædones istos contra suscepimus; arma
 Nulla, vel innumeros non exhorrescimus hostes.
 Ipse potest paucis, nullis quoque plurima turmis
 Agmina subjicere, et latis prosternere campis.
 Quodque potest, faciet: nos hæc fiducia firmat;

Incautum interea, vano cæcusque favore

- 160 Quo gaudes Arabum, quem tot tibi crimina, tantæ
 Et fraudes peperere, mihi, fociisque putasti
 Errores suadere tuos. Nos scilicet omnes
 Mente sumus male sana adeo, fallacis ut arte,
 Perfidiaque viri faciles fallique, capique
 Possimus; toties fraudes jam cujus, et astus
 Lethiferos tulimus, lacrymis et flemus obortis.
 Si domino tu te Mauro pacisque sequestrem
 Pollicitus, leges dicturum et fœderis æquas
 Nos inter, dominosque tuos; i, perge, fatere

- 170 Te voluisse fidem ductoris fallere fraude:
 Dic pugnis promptos animos nos, arma parare;
 Cessuros numquam, dum spiritus hos reget artus,
 Dum sanguis fundendus erit, pro pignore patrum,
 Proque focis, aris patriis, pro dogmate cælo
 Delapso nobis. Nostri neque viribus ausi
 Spondemus; dextro sed fidi Numine, tanta

- Quod nobis audere dedit, quod te acrius urget,
 Et jam jamque tenet, capitique infigit iniquo
 Supplicium extremum. Hæc dicenti terga, furore
 180 Torvum subridens, vertit, dorsumque frementis
 Rursus equi scandit multa vi fervidus Oppas;
 Quadrupedemque citum ferrata calce fatigans,
 Fæderis infecti veniebat nuntius hosti;
 Exacuitque animos, irasque accendit acerbis
 Corde magis. Miserum quod pauci militis agmen
 Inclusum latebris montis; non tendere contra,
 Non ausum æquo campo se dare, fæderis omnes
 Respuerit leges; obfirmatumque cruentam
 Maluerit sortem Martis tentare, catervas
 190 Innumeras contra; queis non Hispania tota
 Viribus integris palmas, laurosque morari,
 Vel longum potuit murorum opponere valla:
 Scilicet invicti pugnis, totaque potiti
 Hesperia, misero vincemur ab hoste? Maniplo
 Ab tenui, nemorum saltus cui, montis et antrum
 Solis inaccessum radiis, spes sola supersit?
 His super accensus dictis, victricia in hostes
 Signa jubet ferri; montes et milite circum
 Armato leviter cingi: tum robore pubis
 200 Delectæ septus Ductor se immittit in arctas
 Difficilis montis fauces: totasque videres

Compleri armatis valles montem inter utrumque.
 Non secus ac quando montanis imbris alte
 Intumuit torrens, fluvius cui proximus omnem
 Exundans aditum prohibet, ripasque jacentes
 Exsuperans, vastum protendit fluctibus æquor.

Celso Alcamanus turbas de monte propinquas (d)
 Adloquitur, mandata jubens usque ultima ferri
 Agmina. Parcendum nulli, uno ordine miles
 210 Obvius, et quisquam fuerit, vel Ductor habendus.
 Queis, quoniam nostris armis periisse juvabit,
 Nulla fugæ pateat, jubeo, via nulla saluti.
 Ite, ait, et miseras fastus audacis Iberi
 Reliquias, morti addictas extinguite ferro;
 Fluctibus ut flammæ tenues; abscindite stirpem
 Invisam superis, hæc cujus sola superstes
 Parva manus pacis prohibet cognoscere fructus.

Talibus accensi Mauri montana petebant
 Antra super, pulsuque pedum, strepituque tubarum,
 220 Sistrorumque sono horrifono perculsa fragorem
 Saxa gravem ad superas mittebant eminus auras.
 Mirantur montes desertos, rara domorum
 Tecta vident, nullis atque hæc habitata colonis.

Ob-

(d) *Neque Oppas, neque Alcamanus ancipitem sibi bel-*
li

Obvius armatus nemo fit, nemo per altos
 Conspicitur pastor montes, grex nullus, et antro
 Quæsito tandem vicini, stare jubentur;
 Arma parare citi, depromere tela pharetris,
 Saxaque, et inclusos prævertere viribus hostes
 Ipsius ad fauces antri. Jam proxima rupi
 230 Ostia multiplici firmarant agmina gyro;
 Ordinibus ductor cum primis imperat, antri
 Ut contra paucos custodes saxa, sagittas,
 Telaque continuo jaculentur, cominus antro
 Succedant, clausisque ferant cum clade ruinam.
 Iussa faceſſebat miles, ſaxisque, ſagittis.
 Imbre et telorum contexerat ostia luſtri;
 Cum cernit ſaxis tundi, ſternique ſuorum
 Agmina telorum jaculis, quæ credita primum

Tor-

*li exitum umquam crediderant; Qui vero poterant? cum
 Pelajus ipſe in eas ſe anguſtias conjeciſſet parva adco
 manu; et ipſi ea agmina ducerent, quæ deglutire hoſtes
 poſſent. Ex his non humano conſilio factum apparet, ut
 Princeps belli peritiſſimus locum illum ſibi deligeret, quem
 fugere potius debuiffet; namque loci etiam difficultas
 oſtendere palam debebat, Victoriâ ſoli ſuperno auxilio
 eſſe referendam.*

Torqueri ab clausis obscuro in carcere turmis.

240 Ast ubi sana redit trepidis mens, noscere tandem (e)

Incipiunt, tot tela simul non posse per hostes

Exiguos numero, cæcis latebrisque latentes

Immitti; jactum telorum, et grandinis imbrem

In jaculatores multa vi, et fulminis instar

Glade retorqueri misera, passimque ruentem

Quemque suis armis sterni, atque occumbere morti.

Hæc Alcamanus propius conspexit, et Oppas

Dentibus infrendens; furiis sed cæcus uterque

Agglomerare manus juvenum circum ostia, tela

250 Inde omnes vibrare jubent, simul undique in antrum

Interius quantum valeant (memorabile factum !)

Ut rapidus flammæ torrens fornacis ab ore

Exilit, immisit postquam faber arida ligna;

Haud aliter cæco jaculi cernuntur ab antro

Adversus contra torqueri protinus hostes,

Nulla vel incassum, vano nisuve remitti

Tela vident: centena ruunt confossa per arva

Cor-

(e) Hocce primum prodigium, quo Arabum vires fractæ, prostrataque sunt, tanta scriptorum omnium consensione firmatur, ut insignis temeritatis reus fieret, quicumque de illo dubitaret.

N

Corpora, quæ complent ingentes cædis acervi.

Obstupuere acies totæ: perterritus hæsit

260 Ipse Alcamanus: magni sed turba Pelaji

Tempus ab insidiis tutum speculata; repente

Tota simul telis, gladiis, strictaque minaci

Profiliens hastâ, pavidos se fundit in hostes;

Et rauco insonuit cornu, quo concita turba

Hac, illac dispersa latens, ruit omnis ad arma,

Omnis in ingenti fractas jam clade catervas.

Scilicet hostiles acies ab parte premuntur

Omni, tunduntur saxis, jaculisque coruscis

Figuntur, sparso completur terra cruore.

270 Non tam pugna specu circum, quam bellica clades

Surgit; Cæsa cadunt immani vulnere passim

Agmina: qui montes primi tenuere, latentes

Hos turbæ gladiis misera morte trucidant.

Millia bisque decem montes, atque arva tegebant;

Præcipiti cum turba fugæ se credit, et armis

Rejectis, quæ causa moræ, mortisque fuissent;

Dispersi hac, illac; quærit dum quisque salutem,

Vel vitam posuere, gravi vel colla catenæ

Subjecere. Novum rebus miserisque supremum

280 Prodigium turbas plures ad tartara misit.

Implevitque animos aliis formidine sæva.

Fluminis ad Devæ ripas surgebat ad astra (f)
 Præruptæ rupis moles scopulosa, vagisque
 Pervia dumtaxat capreis, cum cingeret altos
 Venator montes, humilesque indagine valles
 Cautus, et audaces immitteret inde molossos.
 Huc tunc turba arabum medios elapsa per enses
 Incolumis, quamvis ægre, pervenerat; hic se
 Evasisse putans hostes, atque arma, peralta
 190 Culmina complebat denso jam milite montis,
 Fisa labore loci, summi que cacuminis, unde
 Opprimere instantes posset, vitamque tueri
 Dum novus adveniat miles; dum lassus Iberus
 Vel cesset tandem miseris ab stragibus, hostis
 Sive infectandi quidquam ab fervore remittat.
 Vana sed in superos omnis prudentia, vani
 Conatus omnes, nulla est solertia nostra.
 Namque cohors Arabum mortem fugisse minantem
 Dum sperat, scopulosque parat, quos volvat in hostes,
 300 Irruere in rupem validi si forte, vel ausi

Si

(f) Non minori dignum fide arbitramur secundum
 hocce divinæ protectionis argumentum quod ab nostratibus
 non modo, verum etiam ab exteris historicis absque
 ulla cunctatione memoriæ posterorum traditum legimus.

Si fuerint tentare viam, et spem tollere victis,
 Unica quæ restat: subito terra ima dehiscens
 Immenſas aperit fauces, tum vaſta vorago
 Improviſa oculis ſpectantibus, ardua ſaxa,
 Ingentemque ſimul montem, totaſque catervas
 Maurorum exiguo momenti tempore (dictu
 Horrida res etiam) patulo deglutiit ore.

Attonitis hæſere animis et Maurus, et Iber
 Prodigio tali. Spes eſt accenſa Pelaji

- 310 Militibus longe major: cæleſtia cernunt
 Dum portenta ſibi toties repetita, ſuique
 Eſſe vident ſuperis curam. Spes excidit omnis
 Sed Mauris vitam victoris ab enſe tuendi.
 Diffugiunt cæco tracti, raprique timore,
 Quove ferant ſeſe, ducat quo ſemita capta,
 Impliciti montes inter, ſaltusque profundos
 Ignorant: currunt quâ deſperatio ducit
 Diſperſos, mortem ſperant vitare minantem.
 Hinc nova conſurgit clades, hinc ingruit ingens
- 320 Diſperſis ſtrages turmis. Cæduntur ubique
 Pallantes Mauri. Montanis faucibus adſunt
 Hesperidum fortes acies, longeque repellunt
 Qui clade elapſi quærunt vaſta æquora campi.
 Nec tanto ex numero telis elapſus Iberis
 Eſt miles, cladis tantæ qui nuntius iret

Infauftus Mauris, sævi castrisque Tarifi.

Nec ducibus, quamvis difpar, fors mitior ulla
Contigit. Ingenti Alcamanus cædis acervo (g)
Additus occubuit. Procul hunc e colle Pelajus

- 330 Contpexit, trepidas acies, tantisque ruentes
Prodigiis, verbis conantem fiftere frustra.
Vidit, et ad pugnam magna ter voce vocavit
Incaffum; rebus diffidens namque fuorum,
Quos vis nulla metu concepto solveret, ipfe,
Turbis immixtus fugientibus ampla petebat
Arva, fugæ vitam committens. Acrius inftat
Dux melior, donec fugientem fiftit, et arma
Ad pugnam capere impellit; quamquam eminus hafta
Atergo, aut jactò potuiffet perdere telo.

- 340 Vertit Arabs vultum et fulgentis acinacis ietum;
Terribilem rabie vultum, sævoque furore
Ardentes oculos, ferrumque immane Pelaji
Conjicit in corpus toto quod robore vires
Nativæ, rabiesque dabant; nec vulnus acerbum

Eff-

(g) Alcamanum in prælio cecidiffe legimus; a quo
vero interfecit fuerit, nobis ignotum ex fide hiftorica
fatemur: vero fimile effe duximus, eum hoc pacto fuiff-
fe extinctum.

Effugisset Iber, Maurus ni percitus ira,
 Actus et insana rabie tempusque, locumque
 Hostis figendi mensus male; vulnus in auras
 Iustasset. Tu teli hujus non pondus, et ictum
 Effugies, inquit Princeps, telumque coruscum
 350 Pectus in adversi confixit cominus hostis.
 Cessit athena gravi ferro lorica, patensque
 Pandit iter vitæ fugienti, atroque cruori.
 Sternitur infelix ductor, moriensque momordit
 Quæsitam, toties adverso numine, terram.
 Ad magnum interea ducunt clamore Pelajum (h)
 Montieolæ ignotum, manibus post terga revinctis,
 Ca-

(h) Oppam exeunte prælio captum fuisse testatur historicorum consensus, in postrema ejus sorte iidem dissentiunt. Sunt qui velint, eum jussu Pelaji persolvissse proditæ patriæ pœnas justissime debitas; alii Principis Religioni, optimeque indoli magis existimant consentaneum, vitam relictam, sublatam vero ei omnem fuisse nocendi in posterum nostratibus facultatem; hanc sententiam, in qua et res nostræ in tuto collocabantur; scelerrato capiti gravissimum supplicium infligebatur; et pietas, ac Religio Pelaji magis emicabat, in re alias anticipi, nobis delegimus.

- Captivumque virum, latebris qui vallis in imis
 Abdiderat sese, venientum ab montibus altis
 Occursum fugiens. Quæsitus nomen, et unde,
 360 Quove teneret iter? tacuisse. Sed omnia plusquam
 Ostentare satis, Mauris ex millibus vnum
 Esse illum, solaque fuga quæsisse salutem,
 Horrida dum fieret clades, stragesque suorum.
 Ignotus primas acies transivit lberas,
 Sed non ignotus victoris ad ora Pelaji
 Constitit, illustres quamvis Antistitis omnes
 Exuerat vestes, insignia principis arctis
 Et miseris pannis mutaverat. Agnitus Oppas.
 Ille tumens Oppas, nuper qui dicta Pelaji
 370 Riserat, atque Arabum turmas accenderat ira
 Reliquias contra patriæ: scelerumque dedisset
 Supplicio extremo pœnas, si vota, precesque
 Audisset Princeps Sociorum. Tristius omni
 Supplicio est illi, dixit, vidisse funestam
 Maurorum cladem, captivum ducier, ora
 Cernere victoris, stimulis quem nuper amaris,
 Criminibus dudum violavit. Lumina fixit
 In miserum Princeps; ne pœnas sanguine, dicens,
 Persolvas patriæ justas, facit infula, tantis
 380 Quam maculavisti vitiis; mihi vero verenda
 In te etiam, quamvis indigno. Cætera, toti

Hesperiz, populisque meis hoc debeo, posthac
Ne vitæ, ingenique tui tu viribus uti
In patriam rursus possis. Vos ite, virumque
Interea tuto conclusum carcere, fido
Et vigili custode mihi servate iubenti.

Ecce autem velox veniens ex urbe Gionis
Missus adest, triplicis quem bis ter classis ab omni
Delecti numero cives comitantur; olivæ
390 Et longe ramum prætendunt: ducier orant
Principis ante oculos, cui nunc mandata reportant
Et toties populis quæsitæ pignora pacis.
Excepit placido vultu, farique Pelajus
Invitat quæcumque ferant. Tunc maximus annis
Pacceides tales effudit pectore voces.

Maxime Christiadam Ductor, quo sospite, numquam
Hesperidum fractas penitus, lapsæve fatebor
Fortunas: superum quem vis invicta labantis
Delegit columen solii, contraque phalangas
400 Innumeras Arabum pro quo cælestia movit
Robora; nos miseri, demum sed sorte beati,
Felicesque tua, nostræ tibi magna Gionis
Mænia, subjectos populos, viresque, domosque
Subjicimus; dono superum quæ nuper ab omni

Solvimus imperio Maurorum, et jure Munuzæ. (i)

Scilicet hic nostris cum jam diffideret armis,

Extollique tuas vires, sceptrumque videret,

Agmine fidorum comitatus, mænia noctu

Deferuit profugus. Sed vix evaserat urbis

410 Portas, fossarumque moras, cum cognitus illos

Incidit in cives, graviter quos læserat: atra

Inter utrosque viros surrexit pugna; trucidant

Nostris hostes, capiuntque ducem, vitamque, caputque

Ictu uno abscindunt: hostis caput ecce (ministro

Dat signum caput ut prodat quod veste latebat)

Ante pedes; urbis fixo tum poplite claves

Obtulit. Excepit Princeps, dulci ore, fidele.

Obsequium, spondetque viris tutamen in armis;

Si bellum ingruerit, tranquillaque munera pacis,

420 Arma ubi defessis dederint tuta otia rebus.

Ista Gionnæi populi Legatio nondum

Ore Ducis chari discesserat; ecce frequentes

Asturicæ cives adsunt, Lugonis, et urbis,

Quæ multis caput est populis, Legionis, et agmen

Delectæ gentis veniens ab finibus altæ

Can-

(i) *Munuzæ fatum supremum, paucis admodum immutatis, damus quale ab historicis accipimus.*

- Cantabriæ; audaces equitum, peditumque catervæ,
Quas bello dudum doctas Gallecia mittit,
Omnibus idem animus, bellis adstare Pelajo
Infensos contra Mauros, si pælia rursus
430 Tentarint; regnum surgens extendere; pacis
Legibus ejusdem parere, regique petebant.
Hæc mandata ferunt omnes, et quisque suorum
Promit vota, fidem testatur, pignora præstat,
Jureque jurando firmat. Vox omnibus una
Excidit inde petens, ut Rex insignia regni
Induat, et castris se ostendat. Vota recepit
Alphonfus populi immensi, suadetque Pelajo,
Deposita ut tandem privati veste, secundet
Quæ procures, quæ castra petunt; sitque urbibus, omni
440 Et populo notum, quod jam decrevit ab alto
Omnipotens Genitor. Multatos cladibus hostes,
Abjectosque duces cernis; cecidisse Munuzam,
Extinctum sævum Alcamanum; carcere clausum
Arbitrioque tuo servatum, et nutibus Oppam.
Omnia tuta tibi. Quod te scis esse, pateſcat
Id populis, qui te quærunť, tua ſceptra requirunt.
Annuit haud facilis votis, verbisque Pelajus,
Et regale manu ſceptrum, diademate cingit
Tempora, purpureo corpus veſtitur amićtu;
450 Et procerum turba ſeptus ſe millibus infert

Armatis. Resonant vario clangore tubarum
 Percussi montes; Litui, Citharæque, Lyræque
 Et blandi calami, tum bellica tympana ventos
 Festivo, dulcique replent modulamine; voces
 Ingeminant populi lætas, Regemque salutant.



Hæc ego Mæonii longe vestigia Vatis
 Ausus magna sequi, jam longa ætate canebam
 Eridani ad ripas; cum me complexa teneret
 Docta sinu Vatum genitrix Ferraria; cumque
 CAROLUS Hesperidum QUARTUS sub utroque regenda
 Sceptra polo caperet; fremeretque Hispania plausu.



ERRATA

Pag. 2. in not. Regina
Pag. 4. v. 286. projiciunt
Pag. 19. v. 311. *Æ*tens
Pag. 42. v. 256. metari
Pag. 71. v. 271. faustu
Pag. 77. v. 413. duras
Pag. 97. not. coadita
Pag. 102 v. 264. jassa
Eadem v. 273. quos
Pag. 110. v. 465. pugantum
Pag. 121. v. 180. imbre
Pag. 146. v. 151. difixos

CORRIGE

Reginæ.
projiciunt.
*Æ*ternis.
locari
fastu
duros
condita
jussa
quas.
pugnantum
imbri
defixos